


~~11299~~  
1

ა. რუბაქინი

როგორ და რაოდენ გვიჩვენებს  
ადამიანი დედამიწას



საქართველო. პრეს. საბჭ. გამომცემლობა „ურსი“

ტფილისი—1926

ბ. ა. რუბაკინი



511  
h 88

2 57  
6 887 რ.

17822  
2557  
3157 K 1809

როგორ და როდის  
გარდა დღეაგისა

ალაგისანი



წ. 5. 2019-9286

საბ. პარტ. კავშ. საგვ. გამომცემლობა „ზ რ მ ა“

„წითელი მხედრის“ სტამბა, გორკის ქუჩა  
№ 1. ტირაჟი 3 000 | | მთავლიტი 1874

# თავი პირველი.

დიდი ხანია თუ არა, რაც არსებობს დედა-მიწა,  
რომელზედაც კაცობრიობა სცხოვრობს.

## სად არის სიმაართლე?

რამდენი წელიწადი და საუკუნეა რაც არსებობს დედა-მიწა, რომელზედაც დავდივართ და რომელზედაც ვცხოვრობთ სხვა დანარჩენ ხალხებთან და ტომებთან ერთად? ზოგი ამბობს, რომ შვიდიათას წელზე ცოტა მეტია, რაც დედა-მიწა არსებობს, რადგან ეს ასე სწერია ძველს წიგნებში. სხვები კი ამბობენ, რომ დედა-მიწა, მრავალი მილიონი წლებია, რაც არსებობს. ვინ ამბობს მართალს და ვინ სტყუის?! როგორ გავიგოთ ეს სისწორით და დანამდვილებით?!

ყველაზე უმჯობესია—ჩვენთვის დაუკვირდეთ და თვალი გადაევალოთ, თუ როგორ არის დედა-მიწა მოწყობილი, და კარგად ჩაუფიქრდეთ იმას, რასაც ჩვენი თვალებით დავინახავთ. ყოველი ადამიანი, ვინც არ უნდა იყოს ის, რასაკვირველია თავის თვალებს უფრო დაუჯერებს, ვიდრე სხვის სიტყვებს, თუნდაც ეს იყოს ნათქვამი ყველაზე მეტად პატივცემულ და პატიოსან ადამიანის მიერ, რომელსაც დაწერილი აქვს, ყველასაგან მოწონებული წიგნი.

## რას გვასწავლის ნიაგარას წყალვარდნილი?

ჩრდილოეთ ამერიკაში, მაგალითად, მდინარე ნიაგარზე არის ძალიან დიდი წყალვარდნილი, რომელსაც ნიაგარას წყალვარდნილს ეძახიან. მდინარე იქ დიდის ხმაურითა და შხუილით ორმოცდა თერთმეტ მეტრის <sup>1)</sup> სიმაღლედან ეშვება პირდაპირ უფსკრულში, ხევში, შემდეგ მიემართება ამ ხევის ძირში, თორმეტ კილომეტრის <sup>2)</sup> სიგრძეზე და ზოლოს დიდ ტბას უერთდება. ამ ხევის კიდეები, მდინარის მარჯვენა და მარცხენა ნაპირზე, წყალვარდნილის ქვემოთ, ყველა ქვიანია. ნაპირის ქვები მეტად მჭიდრო და მაგარია.

რას წარმოადგენს ეს ხევი და რა საშუალებით, არის ის გათხრილი და გაყვანილი ამ კლდეებში?!

ის გათხარა და გაიყვანა თვითონ წყალვარდნილმა.

მაგარი ქვის დამსხვრევა ადვილი არ არის. წყალვარდნილმა კი, მაინც გასთხარა ეს კლდე, ოცდაათ კილომეტრის მანძილზე.

ეს ნგრევა სწარმოებდა წინეთ და დღესაც იმავე სახით გრძელდება. ნიაგარა ძალიან ჩქარი მდინარეა. წყალი დღითი-დღე კლდეებს ქვიშას-ქვიშაზე აცლის და ნამცეც ქვებს ამტვრევს. ეს ნამტვრევები უფსკრულისაკენ მიექანებიან და მდინარეს თან მიაქვს. წყალვარდნილის ძირში შხეფების მთელი სვეტი სდგას. ისინი მალა მიჰქრიან, ეხეთქებიან წყალვარდნილის ქვიან ძირს და ამ რიგად ხისი ჩამოლეკვაც ხდება. წყალი ეშვება და ეშვება, ქვები კი თანდათან ცვდება და ირეცხება.

<sup>1)</sup> დაახლოებით 24 საყენი.

<sup>2)</sup> კილომეტრი ვერსზე ცოტა ნაკლებია.



საერთო სურათი ნიაგარას წყალვარდნილისა ჩრდილოეთ ამერიკაში. შორს ტბა ერთი მოსჩანს. ხსენებულ ტბიდან იწყება მდინარე ნიაგარას სათავე. მასზე მოსჩანს ვეებერთელა ნიაგარას წყალვარდნილი. წყალვარდნილის ქვემოთ იწყება ხევი, რომლის სიგრძეც კამეტ კილომეტრს უდრის. ამ ხევიში მდის მდინარე. ეს ხევი მდინარისაგან არის გათხრილი. ნიაგარა უერთდება ტბა ონტარიოს.

ჩქარა სწარმოებს, თუ არა ქვის ჩამორეცხვა?! ამის გაგება ძნელი არ არის. საკმარისია, კლდეზე წყალვარდნილის ნაპირზე დაეასვათ ნიშანი და რამოდენიმე ხნის შემდეგ დაეხედოთ, თუ რამდენად დაშორდა ნაპირი, ჩვენ მიერ დასმულ ნიშნებს. ამ გეგარ საშუალებით გამოვარკვიეთ შემდეგი: წყალვარდნილის ნაპირი, მთელი წლის განმავლობაში, მხოლოდ 33 სანტიმეტრით 1) თარ-

1) დაახლოებით შვიდ ნახევარ ვერშოკით. ვერშოკი უდრის ოთხ ნახევარ სანტიმეტრს.

თოვდება, მაგრამ ხშირად გაცილებით ნაკლები, მაგალითად—11 სანტიმეტრით.

მაშასადამე კლდის ჩამორეცხვა ძალიან ნელა სწარმოებს.

კლდის ჩამორეცხვის გამო, მთელი წყალვარდნილი, თანდათან, მდინარის სათავისაკენ მიიწევს.

წყალვარდნილი უძველეს დროიდან, თავის წარმოშობის დღიდანვე, ამგვარად მიიწევს მდინარის სათავისაკენ.

ოდესღაც, ზემო ხსენებული წყალვარდნილი, ჰქუხდა და შხუოდა, თორმეტი ვერსით უფრო დაბლა, იქ სადაც დღეს იწყება მისგან გათხრილი ხეობა. ცხადია, წყალვარდნილმა ადგილი შეიცვალა, თანდათან ქვემოდან თავის დასაწყისისაკენ ზევით აიწია.

რამდენი ხნის განმავლობაში მოსთხარა მან, ეს გრძელი ხეობა, ამ მაგარ კლდეში?! ამის გამოანგარიშება ძნელი არ არის. თუ წყალვარდნილი წელიწადში ოცდაცამეტ სანტიმეტრით იწევს მაღლა, მაშასადამე ხეობა, რომლის სიგრძეც 13 კილომეტრს უდრის, მოთხრილია არა ნაკლებ ორმოცი ათას წლის განმავლობაში <sup>2)</sup> ხოლო თუ წყალვარდნილი ყოველწლიურად სთხრიდა არა ოცდაცამეტს, არამედ თერთმეტ სანტიმეტრს, იმ შემთხვევაში ამ ხეობის გათხრას არა ნაკლებ ასი ათას წელიწადს მოუხდებოდა.

<sup>2)</sup> ცამეტ კილომეტრში—ცამეტი ათასი მეტრია. ე. ი. მილიონ სამასი ათასი სანტიმეტრი. წყალვარდნილი წელიწადში აფართოებს ნაპრალებს ოცდა ცამეტი სანტიმეტრით; მაშასადამე იმის გამოსარკვევად თუ რამდენ ხანში გასთხარა 1.300.000 სანტიმეტრი, უნდა გავყოთ 1.300.000 ოცდაცამეტზე. მივიღებთ ორმოც ათას.

აი მაშასადამე, რამდენი ხანია, რაც ნიაგარას წყალ-  
ვარდნილი, არსებობს. ცხადია, დედა-მიწა ამაზე ნაკ-  
ლები ხანი არ არის, რაც არსებობს.

ყოველშემთხვევაში როგორც არ უნდა ვიანგარი-  
შოთ, მიუხედავად იმისა, რომ ზოგიერთ ძველ წიგნებში  
წინააღმდეგი სწერია მაინც გამოადის, რომ დედა-მიწა  
შვიდი ათას წელზე, გაცილებით მეტი ხანია, რაც არ-  
სებობს.



მდინარე კლორადოს კანიონი, (ჩრდილოეთ ამერიკაში). დე-  
დამიწის ვეებერთელა ფენა ჩამორეცხილია მდინარისაგან. ოდეს-  
ღაც ამ მდინარის კალაპოტი ბევრად უფრო მაღლა იყო. ჩამორეცხ-  
ვისაგან ჩაღრმავდა. ეს ქვა კი, მილიონ წლების წინად, წარმოიშვა  
ზღვაში.



## მდინარის მიერ გათხრილი განსაცვიფრებელი ხეობები.

დედა-მიწა ორმოციათას და ასიათას წელზე უფრო დიდი ხნისაა. აი საიდან სჩანს ეს. ჩრდილოეთ ამერიკაშივე განსაცვიფრებელი ხეობები არის, რომლებსაც კანიონებს ეძახიან. ისინიც წყლისაგან არიან გათხრილნი, სახელდობრ მდინარე კოლორადოსაგან და აგრეთვე მეტად მაგარ კლდეებში. ამ კანიონების სიღრმე და სიგანე ხშირად რამოდენიმე კილომეტრს უდრის.

ყოველი ამგვარი კანიონი მეტად ღრმა გრძელი, მიხვეულ-მოხვეულ ხრამებით და დაქანებულ ნაპირებითაა შემკული. არის ერთი კანიონი, რომლის სიგრძე სამს სამოცდაათ კილომეტრს უდრის, სიღრმე—ორ კილომეტრს, ხოლო სიგანე—ათასს და ზოგიერთ ადგილას ოც კილომეტრსაც კი. ეს კანიონიც მდინარის მიერ არის გათხრილი.

რამდენ ხანს მოუხდებოდა წყალი კანიონების გათხრას?! რამდენიც არ უნდა ვიანგარიშოთ, მაინც გამოდის, რომ ამ საქმისათვის წყალს, არა ნაკლებ ასეული ათასი წლები და შეიძლება უფრო მეტიც, დასჭირდებოდა. აქედან ცხადია, თუ რა უძველეს დროის მოწამენი არიან ეს კანიონები. აი, მაშასადამე რამდენი ხანია, რაც დედა-მიწა არსებობს.

## სად და როგორ იზრდება ქვები.

მაგრამ ეს კიდევ ცოტაა. სისწორით, რომ ვსთქვად დედა-მიწა ასიათასი წლები კი არა—კიდევ უფრო დიდი

ხანია რაც არსებობს და აი საიდან სჩანს ეს. როგორ ქვებისაგან შესდგება ნიაგარას წყალვარდნილისა და კანიონების ზღუდეები?!—ქვა-კირისაგან და ქვა-ქვიშისაგან. ქვა-კირით დიდი ქალაქის ქუჩებია დაფენილი. ქვა-ქვიშაც საშენებელი ქვა არის, უფრო უბრალოდ, რომ განვმარტოთ, ისეთი ქვა არის, რომელიც შესდგება მჭიდროდ შეკავშირებულ ზღვის ქვიშისაგან, რომელშიაც ქვიშის ფხვნილები ძალზე მიწეპებული და შედუღებულნი არიან ერთიმეორეზე.

როგორ ჩნდება დედამიწაზე ამგვარი ქვიშა? ამის დანახვა დღესაც შეიძლება. ქვა-ქვიშა თავისთავად წარმოიშობა იმ ქვიშისაგან, რომელიც მდინარეს თან მიაქვს ზღვაში. იმავე მდინარეს ქვიშის გარდა, თიხაც თან მიაქვს. ქვიშაც და თიხაც დანგრეულ კლდეების ნაშთია. ყველა ქვები და კლდეები, რომელიც დედამიწის ზურგზეა, თანდათან ინგრევა და მათი ნაწილები, მდინარეებს თან მიაქვს. ამას განსაკუთრებით კარგათ შეგვიძლია თვალყური ვადევნოდ გაზაფხულზე, როდესაც ყველაზე პატარა, სუფთა და ანკარა მდინარეები, ნაპირების ჩამორეცხვის გამო, აიძვრევა. ის კი, რაც თან მიაქვს მდინარეს, თანდათან იძირება რომელიმე ზღვის ფსკერზე. პირველად რასაკვირველია ქვიშა იძირება, რადგან ის თიხაზე უფრო მძიმეა. შემდეგ კი, სადმე, შორს ნაპირიდან, თიხაც იძირება. ამის გამო, თავისთავად ისე ხდება, რომ ზღვის ფსკერზე, სადმე ნაპირის ახლოს, ნელ-ნელა გროვდება ზღვის ქვიშა და იმის იქით კი, ნაპირიდან დამორებით—თიხა. ქვიშისა და თიხის დაგროვება, ყველგან ამავე წესით ხდება.

დროთა განმავლობაში, თიხისა და ქვიშის, მრავალი ფენები გროვდება. ამ ფენების სიგრძე—სიგანე ხშირად რამოდენიმე 100 კილომეტრს უდრის და სისქე კი რამდენიმე 100 მეტრს.

ნაპირიდან კიდევ უფრო დაშორებით, ღრმა ოკეანებში, ფსკერზე ქვა-კირი, ცარცი გროვდება.


რა არის ცარცი?

ამას ჩვეულებრივ თვალითაც შევამჩნევთ,—საკმარისია ავიღოთ ერთი ნაჭერი ცარცი, და მაგარ ბეწვიან კალმით, ერთ ჭიქა წყალში, ჩაფხეკოთ; მაშინ ჭიქის ფსკერში დაილეკება, ლოკოკინას პატარ-პატარა კირის ბუდეები და წყლის ზედა პირი კი თეთრად იქნება ამღვრული. ცარცი შესდგება ასეთივე, დაშლილ და დანიწილებულ ლოკოკინებისაგან.

ოკიანის ფსკერიდან შეგვიძლიან ამოვიღოთ ზღვის ლამი. სხვა და სხვა საშუალებებით შესაძლებელი გახდა შვიდი-რვა კილომეტრის სიღმრიდან ამ ლამის ამოღება. ამ საშუალებით გაიგეს, რომ ლამი იგივე ცარცი და უმთავრესათ ლოკოკინებისაგან შესდგება. სანამ ცოცხლები არიან ეს ლოკოკინები წყალში დასცურავენ და სიკვდილის შემდეგ კი დაბლა იძირებიან. ამ დაძირულ ლოკოკინებიდან, დიდ ოკეანეთა ფსკერზე, ცარცის ფენები დღესაც ჩნდება.

მაგრამ მრავალი ცარცის ლოკოკინა დაიმტვრა, დაიფშვნა, გაიღესა და მადგან მხოლოდ კირი დარჩა. ისიც ზღვის ფსკერზე ილექება და სხვა და სხვა გვარ ზღვის მარილებს უერთდება. ამ რიგად, ზღვის ფსკერზე, ერთ ადგილას ეწყობა ქვიშის ფენები და მისგან ქვა-ქვიშა.

ჩნდება. მეორე ადგილას თიხის ფენები ეწყობა და მესამე ადგილას კი ცარცისა და კირის. ქვიშა ნაპირთან უფრო ახლოს გროვდება; თიხა—უფრო ღრმათ, ხოლო კირი კიდევ უფრო ღრმა ადგილებში გროვდება.



ცარცი გამადიდებელ შუშის ქვეშ. A.—ცარცი ინგლისიდან. B.—ცარცი აფრიკიდან (ეგვიპტის უდაბნოდან). C.—ცარცი უფრო მეტად გამადიდებელ შუშის ქვეშ. ამ სურათიდან ცხადია, რომ ცარცი შესდგება აუარებელ პატარა ლოკოკინებისა და მათ ნარჩენებისაგან.

## ჩქარა იზრდებიან, თუ არა ქვევი?

როგორ სისწრაფით იზრდებიან ეს ქვევი? ამის შესახებ ჩვენ დანამდვილებით შეგვიძლია გავიგოთ, თუ დაუკვირდებით რამდენი ნალექი მიაქვს თან სხვა და სხვა მდინარეებს. დედამიწაზე მრავალი დიდი და სწრაფი მდინარეებია. მათ თან მიაქვთ ბევრი თიხა და ქვიშა. მდინარეები სხვა და სხვა გვარია.

ყოველი მდინარე ერთი და იმავე საქმეს აკეთებს. მათ თან მიაქვთ მასალა, რომლისაგანაც, ზღვის ფსკერზე, ქვევი იზრდება.

მაგრამ ოკეანეები და ზღვები, დედა-მიწაზე, ვეებერთელა სივრცეს იჭერს. რომ ყველა ზღვებისა და ოკეანეების ფსკერი ამოივსოს ქვიშით, თიხით და კირით, ამისათვის დიდი დრო არის საჭირო. რომ ფსკერზე თიხის სისქე შეიქნეს მაგალითად ერთი სანტიმეტრი, ამისათვის საჭიროა ორმოცდაათი, ან ოთხმოცი წელიწადი და ზოგიერთ შემთხვევაში უფრო მეტიც. აგრეთვე მალე არ გროვდება ზღვის ქვიშაც. კირი კი კიდევ უფრო გვიან. ქვიშა და კირი, რომ გაქვავდეს, ამისათვის დიდი დროა საჭირო.

რაც კი დედა-მიწაზე თიხას, ქვა-კირს და ქვა-ქვიშას შეხვდებით, ყველა ზემოხსენებულ წესით არის წარმოშობილი, ე. ი. ზღვის ნალექისაგან. ნიაგარას წყალვარდნილის და კანიონების ნაპირები კი სწორედ ამ ვარ ქვებისაგან შესდგება. მაშასადამე დიდი ხანია, რაც ნიაგარას წყალ-ვარდნილი და კანიონები არსებობენ, მაგრამ კიდევ უფრო მეტი ხანია, რაც მათ ნაპირებზე ქვე-

ბი არსებობს. რა თქმა უნდა ისინი წყალ-ვარდნილზე უფრო ადრე უნდა წარმოშობილიყვნენ. და ისინი არა ათი და ათასი წლისა, არამედ უფრო დიდი ხნის არიან.

მაგრამ ამით ყველაფერი არ არის ნათქვამი. შეიძლება ითქვას, რომ სადაც კი ფებს დაადგამთ, ყველგან შეამჩნევთ დედა-მიწის უდიდეს სიძველეს. მთელი დედა-მიწა, ხომ ან ქვა-კირისა და ქვა-ქვიშისაგან, ან თიხისაგან და ან კიდევ სხვა გვარ ქვიშისაგან შესდგება?! ისინი ერთი მეორეზე ფენებად აწყვიან. ყოველ ფენას ქვეშ—კიდევ სხვა ფენა სდევს, მაგალითად, ქვა-კირის ქვეშ—თიხის ფენა ძევს, მის ქვეშ—ქვა-ქვიშა, ან ქვა-კირი, ან კიდევ რომელიმე სხვა ჯვარი ქვა,—სულ ფენები და ფენები, ზოგჯერ მეტის მეტად სქელი და უზარმაზარი. ყველა ფენები უთუოდ დიდი ხნის განმავლობაში წარმოიშვენ, რადგან წყალში ისინი ძალიან გვიან ილეკებიან.

წყლისაგან წარმოშობილი ქვის ფენებს დედა-მიწის ყოველ კუთხეში შეხვდებით და ისინი ერთი-მეორეზეა დაფენილი. სისქე, ხსენებულ ფენებისა, რომ ერთი-მეორეს შეუერთოდ, ორმოც კილომეტრზე მეტს მივიღებთ. ორმოცი კილომეტრი ოთხ მილიონ სანტიმეტრს შეიცავს. და ერთი სანტიმეტრიან ფენას წარმოშობას კი დაახლოვებით 100 წელიწადი სჭირდება. მაშასადამე ყველა ფენები, არა ნაკლებ რამოდენიმე ას მილიონ წლების განმავლობაში წარმოიშვენ. ამგვარად თვით დედა-მიწას აწერია მისი დიადი სიძველე. ამ სიძველის გარშემო, ხშირად არ არის საჭირო უძველეს წიგნების მიხედვით ლაპარაკი, რადგან ხსენებული წიგნები იმას უარყოფენ, რასაც საკუთარ თვალებით ვამჩნევთ და რის

დანახვაც ყოველ ცოცხალ ადამიანს შეუძლია. ამას მხოლოდ ის ვერ გაიგებს, ვინც თავის საკუთარ თვალებს, გონებასა და თავს არ უჯერის. და ხომ სიცოცხლეს კი წარმოუდგენელია, თუ ადამიანი, თავის თვალებსა, გონებასა და თავს არ უჯერის?!

ქვის ფენები ამ სახით უხსოვარ დროიდან არსებობენ. ყოველი ქვა უდიდეს სიძველეს წარმოადგენს, რადგან იგი ძალიან დიდი ხნის წინედ წარმოიშვა და ამასთანავე ისინი ასეული ათასი და ხშირად რამოდენიმე მილიონი წლებიც, უცვლელად ძევს.

### მაღალი მთების უდიდესი სიძველე

ქვებისაგან შესდგება მთები და ზოგჯერ მეტად მაღალი. არსებობს ისეთი მთები, რომლის სიმაღლეს შვიდი-რვა კილომეტრამდე აღწევს. ასეთ მაღალ მთის მწვერვალამდე მიღწევა, ადამიანისათვის, ძალიან ძნელია. მაგრამ აი რა არის საკვირველი! ზოგიერთ შემთხვევებში, მაღალ მთის მწვერვალზე, როგორც აღმოჩნდა, სხვა ქვებთან ერთად ისეთივე კირისა და ქვიშის ფენები აწყვია, როგორც ზღვის ფსკერზე.

მაგრამ ეს ხომ ის ქვებია, რომელიც ზღვის ნალექისაგან წარმოიშვა?! ამის დანამდვილებით გაგება შემდეგნაირად შეიძლება: ამ ქვების, ქვა-კირის, გამაგრებულ თიხის და ქვა-ქვიშის შუა გულში, ყოველთვის შეიძლება აღმოჩენა ზღვის ცხოველების ნაწილებისა. ზოგიერთ შემთხვევებში ისინი მრავლად აღმოჩნდება. აქ შეხვდებით გაქვავებულ ზღვის ლოკოკინებს და კიბოებს, თევზების გაქვავებულ ქარცვებს, სხვა და სხვა ზღვის ცხო-

ველების ძვლებს, ნახშირად ქცეულ ზღვის მცენარეებს და მრავალ სხვაგვარ საგნებს, რომლებსაც ზღვაში ვხვდებით. ყველა ესენი მოთავსებულია მაგარ ქვის შუა გულში. მგზავს ქვებს ყველა ქვეყნებში შეხვდებით.

როგორ მოექცა ეს საგნები, ამ მაგარ ქვის შუა გულში?! ნუ თუ ვინმემ თითოული ლოკოკინა ძალით მოათავსა შიგ?! ცხადია, რომ არა. ყველა ეს ცხოველები ზღვაში სცხოვრობდნენ. შემდეგ ფსკერზე დაგროვდნენ და ბოლოს მათ თიხა, კირი და ქვიშა გადაეფარა. და ეს მოხდა რასაკვირველია მაშინ, როცა ეს ქვები ზღვის ფსკერზე იყვნენ მოთავსებულნი.

კი მაგრამ, როგორ ამოიზნიქა ზღვის ფსკერი და მთებად როგორ გარდაიქცა?! სწორედ ისე, როგორც ეს დედა-მიწის ზოგიერთ კუთხეებში დღესაც ხდება. აი მაგალითად ბალტიის ზღვის ნიპირები, ლენინგრადის ახლოს, ყოველ ასი წლის შემდეგ, მთელი ნაპირი რამოდენიმე სანტიმეტრით მაღლა იწევს და ამასთან ერთად მთები, გორაკები და ყველაფერი, რაც კი ამ ნაპირზეა; თითქოს რამოდენიმე კილომეტრის სივრცეზე, დედამიწის გულიდან, მათ რალაც აწევება. ეს შეიძლება გავიგოთ ნიშნებით. ასე მაგალითად, ასი წლის წინედ, ნაპირის ქვებზე, წყლის სიმაღლე განსაკუთრებული ნიშნებით აღნიშნეს. ეხლა კი დახედეს და შენიშნეს, რომ წყალი ამ ნიშნებამდე უკვე არ აღწევს. მრავალ სხვა ქვეყნებშიც, ამავე საშუალებით, მგზავსი შემთხვევები იქნა აღმოჩენილი; ზოგიერთ ადგილებში ნაპირების ამაღლება სწრაფად ხდება და ზოგან კი—გვიან. მაგრამ ისეთი ადგილებიც არის, სადაც ნიადაგი დაბლა იწევს, იფარება ზღვით და



ესეც მეტად ნელ-ნელა ხდება. ასეა თუ ისე, საქმე იქამდე მიდის, რომ ხმელეთი ზღვით იფარება და ზღვის ფსკერი კი ხმელეთად იქცევა.

ზოგიერთ შემთხვევაში ზღვის ფსკერი ძალიან მაღლაც იწევს.

და ასე ხდება და ხდებოდა უძველეს უხსოვარ დროიდან.

სადაც ვაკე ადგილები იყო იქ პატარა გორაკები და შემდეგ მთებიც წარმოიშვა. ან სხვანაირად, რომ ვსთქვათ, ქვების და თიხის ფენები; მთელი დედა-მიწა, ყველა თავის ფენებით, იზნიჭება და ძალიან მაღლა იწევს. მასთან ერთად ზემოდ რწევს ყველაფერი ის, რაც მასში არის მოთავსებული. ზოგიერთ შემთხვევაში, ამ გვარ ჩაზნექ-ამოზნექის დროს თვით ეს ფენები, ნელ-ნელა იმტვრევა, მათში ნაპრალები ჩნდება და მათი ნაპირების თანდათანობითი დაცურება ხდება, ძირს ეშვებიან უწესრიგოთ და ყველაფერი ეს, ყველგან ხდებოდა და ხდება, ძალიან ნელა და გვიან. რამდენი დრო დასჭირდებოდა იმას, რომ ზღვის ფსკერი რამდენიმე კილომეტრით ამაღლებულიყო?! რა თქმა უნდა ამას ასი და ათასი წლები კი არა, არამედ რამოდენამე მილიონი წლები დასჭირდებოდა. ანგარიშითაც ასე გამოდის: თუ მხედველობაში მივიღებთ, რომ ზღვის ფსკერი, ყოველ 100 წელიწადში, მხოლოდ ორი სანტიმეტრით იწევს მაღლა, ცხადია, იმი-სათვის, რომ იგი შვიდი კილომეტრის სიმაღლეზე ავი-

დეს, მას არა ნაკლებ ოცდახუთმეტი მილიონი წლები დასჭირდება<sup>1)</sup>).


მაგრამ, ამითაც არ არის ყველაფერი ნათქვამი. ზოგჯერ ასე ხდება: ჯერ მიწის ფენები მალლა იწვევენ, შემდეგ ამავე ფენების თანდათანობითი ჩაზნექა ხდება და მრავალ წლებს შემდეგ ისევ ზღვის ფსკერზე დაეშვებიან. შემდეგ ისინი ისევ ამოზნექას იწყებენ, იზრდებიან, წინანდელზე უფრო მალლა ადიან და დაბოლოს ისევ წყლის ქვეშ მოექცევიან. მაშასადამე იმისათვის, რომ ფენებმა ხსენებულ ჩაზნექ-ამოზნექით, შვიდ კილომეტრს მიაღწიოს კიდევ უფრო მეტი დროა საჭირო.

მალალი მთები კი მაინც არსებობენ დედა-მიწის ზურგზე და ძალიან მრავლად არსებობენ. თუნდაც ნელა, მილიონ წლების განმავლობაში, მაგრამ ეს მთები, ხომ მაინც ჩაიწვენიან... მაშასადამე ამ მთებს, თითოეულ ცალკე აღებულ მათს შეუძლია თავისი უდიდესი სიძველე დაგვანახოს ყველა, ვინც ამას დაუკვირდება, მაშინვე მიხვდება, რომ დედა-მიწა, მარტო შვიდი ათას წლის განმავლობაში, ვერ შეიქმნებოდა იმ სახით, რომლითაც იგი დღეს არსებობს. რა თქმა უნდა ამას გაცილებით უფრო მეტი დრო დასჭირდა.

მაგრამ დრო ხომ ბევრია. ის იყო, არის და ყოველთვის საკმარისი იქნება, და დედა-მიწის არსებობის

<sup>1)</sup> კილომეტრში ათასი მეტრია. შვიდ კილომეტრში—შვიდი ათასი მეტრია. თითო მეტრში 100 სანტიმეტრია. შვიდი ათას მეტრში - შვიდასი ათასი სანტიმეტრია. დედა-მიწა, რომ ორი სანტიმეტრით მალლა აიწიოს, საჭიროა მასი კეთილადი. მაშასადამე შვიდას ათას სანტიმეტრს 350000 წელი უნდა დასჭირდეს, ე. ი. ოცდახუთმეტი მილიონ წელიწადი.

K 1899-17822-2554



ათი ათასი წლებით ანგარიში, შეუძლიათ მხოლოდ უვიცებს, რომელთაც არაფერი ესმით და არაფერი იციან. დედა-მიწის წლოვანება მილიონ წლებით უნდა დავთვალოთ.

### უდიდესი ცვლილებანი—მცირე ცვლილებებისაგან იჩვენებიან.

თავისთავად იგულისხმება, რომ დიდი ხნის განმავლობაში დედა-მიწაზე ხდებოდა და ხდება დიდი ცვლილებები. ასე მაგალითად: ზღვის ფსკერზე ილეკებიან ძალიან სქელი ფენები. ზღვის ფსკერი ხმელეთად გარდაიქცევა. ხმელეთზე კი მაღალი მთები აღიმართებიან.

განა ეს დიდი ცვლილებები არ არის?! მაგრამ როგორ ხდება ეს?! ძალიან ნელა. ისე ნელა, რომ ამის შემჩნევაც კი ძნელია. ხშირად ადამიანის სიცოცხლე საკმარისი არ არის იმისათვის, რომ შენიშნულ იქნას სულ მცირეოდენი ცვლილებაც კი!.. დიდ ცვლილებებზე ლაპარაკიც მეტია. მათი შენიშვნა, მხოლოდ მაშინ შეიძლება, როდესაც ეს ცვლილება მოხდება და არა თვით ცვლილების დროს. ისე გამოდის, თითქოს ადამიანი იჯდა დიდი საათის წინ და თვალმოუშორებლივ შესცქეროდა საათის ისარს, რომლის მთლიანი ბრუნვა არა ერთ დღეში ხდება, არამედ ას და ათას წელიწადში ერთხელ; რამდენიც არ უნდა უყუროს ადამიანმა ამ გვარ საათს, ის ვერასდროს ვერ შენიშნავს, რომ ისარი თავის ადგილს იცვლის. ამგვარი ისარი ყოველ წუთში გადაიწევა ალბათ მხოლოდ სანტიმეტრის მხოლოდ ერთ მილიონ ნაწილით, ან შეიძლება უფრო მცირედაც. ამას რა თქმა უნდა, რომ

ვერ. შეენიშნავთ. მაგრამ იგი ხომ მაინც მოძრაობს?! რა უყოთ, რომ მის მოძრაობას, ადამიანი ვერ ამჩნევს?! მაგრამ განა მცირე და მუდმივ ცვლილებებისაგან არ ხდება დიდი ცვლილებები?! ბოლოსა და ბოლოს მას მაინც შეენიშნავთ.

აი, ამას კი განსაკუთრებული ყურადღება უნდა მივაქციოთ. ყველაფერი, რაც ჩვენს ირგვლივ არის, დიდი ხანია რაც არსებობს. ყველგან სწარმოებდა, სწარმოებს და მარად იწარმოებს სხვადასხვა ცვლილებები. ძალიან პატარა ცვლილებებიდან, ყოველთვის უფრო დიდ ცვლილებებს მივიღებთ. ამ უკანასკნელებისაგან კიდევ უფრო დიდი ცვლილებები წარმოიშობიან და ბოლოს გამოდის უდიდესი ცვლილებები. და ყველაფერი ეს წვრილმანების დაგროვების შედეგია.—ასე, მაგალითად, პატარა ქვიშის ნამცეცებისაგან წარმოიშობა ვეებერთელა სისქის ფენები. მიწის ფენების თანდათანობით ამოზნექისაგან მაღალი მთები იზრდებიან. და ყველა ამას წვრილმანი ქმნის. მთელი საქმე სწორედ ამ წვრილმანების დაგროვებაშია. ამ სხვადასხვა მცირე ცვლილებებში გადის მთელი დრო: მათი დაგროვება სწარმოებდა და იწარმოებს საუკუნოებიდან—საუკუნოებამდე. ეს ცვლილებები სხვა და სხვა სახით გვევლინება. მას, ვისაც ეს არ გაეგება, სრულიად არაფერი არ ესმის იმის, რაც მის გარშემო ხდება.


## თ ა ვ ი მ ე ო რ ე .

2. როგორ გაჩნდნ და როგორ ჩნდებიან დედა-მიწაზე ცხოველთა-სხვა და სხვა ჯიშები და დიდი ხანია თუ არა რაც ისინი არსებობენ?


რის გაგება უიძლევა ძველი ძველებისა და სხვა ნაშთების საშუალებით?

მრავალი მილიონი წლებია რაც დედა-მიწა არსებობს. ეს სავსებით დამტკიცებულია. მაგრამ რამდენი ხანია რაც მასზე სხვა და სხვა ცხოველები არსებობენ? ამის გაგება, შეიძლება მათი ნაშთებისა და ქვებზე დარჩენილ ნიშნების საშუალებით. ეს ნაშთები კი დღემდე შენახულია ქვა-კირში, თიხასა და ქვა-ქვიშაში. აქა იქ მიწიდან სთხრიან მხეცების, ფრინველების, ხვლიკების და თევზების გაქვავებულ ძვლებს, სხვა და სხვა ლოკოკინებს, მარჯანს, გაქვავებულ კიბოებს, აგრეთვე მცენარეების, და მათ ფოთლებისა და ნაყოფების ნიშნებს,—ქვებზე. ზოგიერთ შემთხვევებში ადამიანები პოულობდნ მიწაში, სხვა და სხვა ცხოველების ჩონჩხებს, ზოგჯერ კი მათ ცალკე ნაწილებს, მაგალითად, თავის ქალას, ფეხის ძვლებს, კბილებს და სხვას. იყო შემთხვევებიც, რომ მხოლოდ პატა-

რა ძვალსაც ნახულობდენ და მაინც შეიძლებოდა მის შესახებ რაიმე დასკვნის გამოტანა. რაკი ძვალი აღმოჩნდა, მაშასადამე ოდესღაც ის ცხოველიც სცხოვრობდა, რომელსაც ეს ძვალი ეკუთნოდა,—მაშასადამე ოდესმე ამ ცხოველის ჯიშიც არსებობდა. ძვლების მიხედვით კი ყოველთვის შეგვიძლია გამოვირკვიოთ თუ რა ჯიშს ეკუთნოდა, ესა თუ ის, ცხოველი. ყველამ იცის მაგალითად, რომ ბევრს ყასაბს ადვილად შეუძლია გაარჩიოს ძროხის რომელიმე ძვალი—ცხენის ძვლისაგან. აგრეთვე ადვილი გასარჩევია ძაღლის ძვლები—კატის ძვლებისაგან. სწავლულ კაცს კი, ძვლების მიხედვით, ბევრი რამეს გაგება შეუძლია. მაგალითად ერთი კბილის მიხედვით შეიძლება გავიგოთ რით იკვებებოდა ის ცხოველი, რომელსაც ამგვარი კბილები ჰქონდა,—იკვებებოდა იგი ხორციით თუ, ბალახით. ჩვენ ვიცით, რომ იმ მხეცებს, რომლებიც ხორციით იკვებებიან, კატის მსგავსი კბილები აქვთ; ან ხოლო იმ მხეცებს, რომლებიც ბალახით იკვებებიან, ძროხის, ან ცხენის მაგარი კბილები აქვთ. სპილოს ძვლების მიხედვით შეიძლება იმ დასკვნამდე მივიდეთ, რომ მას ხორთუმი აქვს, რადგანაც ხორთუმი ძვლებს უერთდება და რომ ის მაგრად იყოს მიმაგრებული, საჭიროა განსაკუთრებული ძვლები: დიდი და მაგარი. თავის ქალას მიხედვით შეიძლება დავასკვნათ რა სიდიდის ტვინი ჰქონდა ცხოველს, რადგანაც დიდ ტვინს დიდი მოცულობის ქალა სჭირდება.



მცენარეების ნიშნები გამაგრებულ თიხის ნატეხებზე.



ძელების მიხედვით ბევრი სხვა რამის გაგებაც შეიძლება,— ისეთ ჯიშებზედაც კი, რომლებიც დღეს-დღეობით დედა-მიწაზე აღარც არსებობენ. ზოგიერთი ჯიში, ასი ათასი და მილიონი წლებს წინედ, სრულიად მოისპო ისე, რომ მთელ ჯიშიდან ერთი უბრალო ძვალი დარჩა. მიუხედავად ამისა ამ ძვლის საშუალებით მაინც შეიძლება იმის გაგება, თუ რა ცხოველები სცოვრობდნენ დედამიწაზე, უძველეს დროში და სწორედ ამ გვარ საშუალებით არის ბევრი რამ შესწავლილი. ამ მიზნით არის, რომ აგროვებენ სხვა და სხვა ჯიშების ნაშთებს და მუზეუმში ინახავენ. ვისაც ეს აინტერესებს, მას შეუძლია იქ წავიდეს და იხილოს საკუთარი თვალებით.

თევზის გამოსახულება გამაგრებულ თიხაზე.  
ამგვარი თევზების ჯიში ბევრი ხანია მოისპო.



მაგრამ აი რა უფრო საინტერესოა; ამ ნაშთების მიხედვით, გარდა იმისა, რომ შეიძლება იმის გაგება, თუ რა ჯიშები არსებობდნენ, შესაძლებელია კიდევ სხვა რამეს გამოკლევა. იმის აღდგენაც შეიძლება თუ სხვა და სხვა ჯიშები რამდენხანს არსებობენ დედა-მიწაზე, რომელი ჯიში უფრო ადრე და რომელი უფრო გვიან.



მწერის ანასაზი

მაგრამ როგორ უნდა გამოვარკვიოთ ყველაფერი ეს? საქმე შემდეგშია: სხვა და სხვა ცხოველების ნაშთები მიწის სხვა და სხვა ფენებშია აღმოჩენილი, ზოგი დაბლა, ზოგიც უფრო მაღლა, მაგალითად ზოგჯერ ასეა: ქვა-ქვიშაზე—ქვა-კირია, იმის ზემოდ თიხა, თიხის ზემოდ ისევ ქვა-ქვიშა და ასე ბოლომდის,—სწორედ ისე, როგორც აღნიშნული გვქონდა ნიაგარას წყალ-ვარდნილის აღწერის დროს.


თავისთავად ცხადია, რომ ყველაზე უფრო ძველი ფენები ის არის, რომლებიც ყველაზე უფრო დაბლა არიან მოთავსებულნი, ისინი კი, რომლებიც უფრო ზემოდ არიან—ადრე წარმოიშვენ. ზედა ფენები მხოლოდ მაშინ დაეფინებოდა ქვედა ფენებს, როდესაც უკანასკნელი მზად იქნებოდა, სხვა და სხვა ფენები კი სხვა და სხვა ჯიშის ცხოველების ნიშნებია. მათ შორის რომლები უფრო ადრე და რომლები უფრო გვიან სცხოვრობდენ? თავისთავად ცხადია, რომ ყველაზე უფრო ძველი ჯიშის არიან ისინი, რომლებსაც უფრო დაბალ ფენებში ხვდებიან. ის ჯიშები კი, რომლებიც მაღალ ფენებში აღმოჩნდენ, ცხადია სცხოვრობდენ უფრო ადრე.

მაგრამ ამითაც არ არის ყველაფერი ნათქვამი.

თუ დავაკვირდებით მიწის ფენებს და იმ ნიშნებს, რომლებიც მათზე არის აღბეჭდილი შეგვიძლია დანამდვილებით კიდევ შემდეგი გავიგოთ: ცხოველების და მცენარეების რომელი ჯიში, როდის გაჩნდა, როდის მოიხსპო და რამდენ ხანს სცხოვრობდა.

საქმე იმაშია, რომ მუდმივი ჯიშები არ არსებობენ. ზოგიერთი ჯიში სცხოვრობს, მრავლდება და შემდეგ კი,

თანდათან ისპობა, — ამ ჯიშების უცხოველთა რიცხვი კლებულობს და კლებულობს, შემდეგ კი სრულიად ჰქრება. იგივე მოსდის მათ ნაშთებს ქვის ფენებში. მაგალითად



ბაქვაგებული კიბოები. ამ გვარ კიბოების ჯიში დიდი ხანია რაც მოიშპო.

ზოგიერთ ძველს ფენებში ვერ შეხვდებით ვერც ერთ ფრინველის ნაშთს. ამ ქვის ფენას ზემოდან მეორე ფენა აქვს გადაფენილი, რომელშიაც აქა იქ ფრინველების ნაშთს

შეხვედებით; ზედა ფენაში ფრინველთა რიცხვი უფრო მეტია და ზევით კი მათი რიცხვი უფრო ხშირია. ხოლო ამ ფენებს კიდევ უფრო მაღლა თუ ავყვებით, შევამჩნევთ, რომ ფრინველთა ნაშთების რიცხვი თანდათან იკლებს და შემდეგ სრულიად აღარ შეგვხვდება, — სხვა გვარად, რომ ვსთქვათ, ისინი აღარ არსებობენ, გაჰქრენ დედა-მიწის ზურგიდან. მაშასადამე ფენების დაკვირვების საშუალებით შეგვიძლია გავიგოთ, რომელი ჯიში, როდის გაჩნდა და როდის მოისპო; მიწის ფენები წააგავან ვეებერთელა წიგნის ფურცლებს, სადაც ეს ყველაფერი ნაჩვენებია. მხოლოდ მისი შესწავლაა საჭირო. ამ გზით შეიძლება თვალყური ვადევნოდ, რა ცვლილებები ხდებოდა ცხოველთა სამეფოში მთელს დედა-მიწის ზურგზე დაწყებული იმ დროიდან, როდესაც ზღვის ფსკერზე უძველესი ფენები იძირებოდა.

ზოგჯერ ასეული წლებია საჭირო იმისთვის, რომ ფენას ერთი სანტიმეტრი სისქე მოემატოს. ზოგიერთი ჯიშის ნაშთებს კი შეხვედებით რამდენიმე 100 მეტრის მანძილზე. იმისათვის, რომ ფენა ამალღდეს ათი მეტრით, მაშასადამე 100.000 წელიწადია საჭირო. ასი მეტრისათვის კი საჭიროა 1.000.000 წელიწადი. მაშასადამე თუ ამ გვარ ფენაში შეხვედებით, რომელიმე ჯიშს, ცხადია ეს ჯიში რამოდენიმე ასი ათასი წლის წინად არსებობდა. ცხოველთა სხვა და სხვა ჯიშები დედა-მიწაზე რამოდენიმე მილიონ წლის წინად სცხოვრობდნენ, სანამ არ გადაშენდნენ.



მიწის ფენები ჩრდილოეთ ამერიკის მდინარე კოლორადის ხევიში.

### ჯიუხვის წარმოშობა და გადამამუშავება.

იმავე საშუალებით შეიძლება გავიგოთ, დიდი ხანია თუ არა, რაც არსებობენ ის ჯიუხები, რომლებმაც ჩვენამდე მოაღწია. ამის გამორკვევა შეიძლება ამისდამიხედვით თუ, რომელი ფენებშია აღმოჩენილი მათი ნაშთები. ამჟამად მცხოვრები ზოგიერთი ჯიუხი წარმოიშვა. ათი მილიონი წლის წინედ, ზოგიერთი ასი ათასი წლის წინედ, ზოგი კი მხოლოდ ათი ათასი, ან კიდევ—უფრო ნაკლები. ყოველ ჯიუხს თავისი ჰასაკი აქვს. მხოლოდ მათი წლოვანება, წლობით, კი არა, ათეული და ათასეული წლობით ითვლება რომელი ჯიუხი რა ხნისაც არის ეს იმავე ქვის ფე-

ნებზე ალნიშნული. ამაში დარწმუნება ადამიანს შეუძლია საკუთარი თვალითა და გონებით.

ბევრი ჯიში გადაშენდა და მოისპო, თუ არა?! რასაკვირველია ძალიან ბევრი. ან როგორ შეიძლებოდა, რომ ეს აგრე არ მომხდარიყო ამ ძალიან დიდი ხნის განმავლობაში?!


ბევრი, ამ ძველ ჯიშებისაგან, უკვე არ არსებობენ დედა-მიწაზე. ისე უკვალოდ გადაშენდენ, რომ ჩვენამდე, არც ერთ მათგანს, არ მოუღწევია. მაგალითად მილიონ წლების წინედ, დედა-მიწის ზურგზე ვეებერთელა ხვლიკები სცხოვრობდენ, რომლებიც სიდიდით ვეშაპს არ ჩამოუვარდებოდენ. სცხოვრობდენ აგრეთვე მამონტები, ე. ი. ვეებერთელა სპილოების, ერთგვარი ჯიში, მეტად გრძელკანიანი ეშვებით. მათი ტანი ბურძგვლიან გრძელი ბეწვებით იყო დაფარული. სცხოვრობდენ კბილებიანი ფრინველებიც და აუარებელი ჯიშები ლოკოკინების, თევზების, ხვლიკების, ფრინველების და მხეცების, რომლებიც უკვე აღარ არსებობენ. როდესაც მათი ნაშთები შეაგროვეს და გაარჩიეს, დაინახეს, რომ ამ ნაშთების მიხედვით ჯიშთა რიცხვი **ოთხმოც ათასზე მეტი** ყოფილა. მაგრამ ეს კიდევ რა არის?! ნამდვილად მათი რიცხვი ალბად კიდევ უფრო მეტი იყო, რადგან ზოგიერთის სხეული ფაქიზი იყო და ჩვენამდე ვერ მოაღწია. რამდენიც არ უნდა ვილაპარაკოდ და ვთვალოთ, გადაშენებულ ჯიშთა რიცხვი მაინც ასიათასებზე ნაკლები არ არის. ყველა გადაშენებულ ჯიშებს თუ დავთვლით და მათ რიცხვს წინედ არსებულ ჯიშების რიცხვს შევადარებთ, დავინახავთ, რომ გადაშენებული ჯიშები, ბევრად უფრო მეტი ყოფილა.



ანასახი ვეებერთელა ზღვის ხელიკის იხტიოზავრის, რომელიც სიდიდით ვეშაპის ოდენა იყო. გამაგრებულ თიხაში აღბეჭდილია მთელი იხტიოზავრი, ძვლებით და ფრთებით.

### ღროთა ვითარებაში ცხოველთა ყოველი ჯიშები იცვლებოდენ და იცვლებიან.

დიდი ხნის განმავლობაში ცხოველთა მრავალი ჯიშები იხოცებოდენ მხოლოდ მათ ადგილს ახალი ჯიში იჭერდა. ეს დანამდვილებითაა დამტკიცებული იმ ნიშნებისა და ნაშთების მიხედვით, რომლებიც დედამაწის სხვადასხვა ფენებშია აღმოჩენილი. მაგრამ ჯიშები არა მარტო ჩნდებოდენ და ჰქრებოდენ, არამედ კიდევ იცვლებოდენ, ე. ი. თანდათან იცვლებოდა, როგორც მათი გარეგანი შეხედულება, აგრეთვე შინაგანი აგებულებაც. ასე ემართება და ემართებოდა, ყველა იმ ჯიშებს, რომლებიც ოდესმე დედამიწაზე სცხოვრობდენ. ასეთი ბედი ეწვია ლოკოკინებს, ბუზებს, ბუზანკლებს, თევზებს, ხლიკებს, გველებს, ფრინველებს და მხეცებს. აი მაგალითად,




ამ სახით შეგვიძლია წარმოვიდგინოთ მამონტი ხსენებულ ცხოველის წარსულ ჩონჩხის მიხედვით.

როგორი ცვლილება მოხდა ლოკოკინების ერთ-ერთ ჯიშში. ყველა ეს ლოკოკინები სლავონიაში აღმოჩენილი, ისინი ქვა-კირში იყვნენ მოთავსებულნი. ერთდამდეგ ფენაში, მხოლოდ ზოგი მაღლა და ზოგი დაბლა იყო აღმოჩენილი. ცხადია ის ლოკოკინები უფრო დიდი ხნისაა, რომლებიც ქვეშ იყვნენ მოთავსებულნი. ისინი მაშინ სცხოვრობდნენ, როდესაც ზღვის ფსკერზე ამ ფენის ქვედა ნაწილი ილეკებოდა. უფრო ნაკლები ხნის ლოკოკინები ფენის ზევითა ნაწილში მოექცენ. ეს ლოკოკინები მოაგროვეს, გაშინჯეს და დაინახეს, რომ ამ კირიან ფენას წარმოშობის განმავლობაში ლოკოკინების გარეგანი სახე



თანდათან იცვლებოდა: უძველესი ლოკოკინები ახალ ლოკოკინებს არ წააგავენ. ეს ცხადათა სჩანს იმ სურათიდან, რომელიც აქ არის მოყვანილი.



სლავონიაში აღმოჩენილი ლოკოკინები, რომლებიც ერთიდაიმავე კირიან ფენაში არიან მოთავსებულნი.

უძველესი ლოკოკინა, მოთავსებულია ამ სურათზე ზევიდან მარცხნივ, მის შემდეგ დახატულია უფროდა-

უფრო ახალი ლოკოკინები, რომლებიც უძველეს ლოკოკინების შემდეგ სცხოვრობდნენ.

ამ ლოკოკინების საშუალებით, ჩვენ ვამჩნევთ თუ, როგორ იცვლებოდა მათი ჯიში. თავდაპირველად ამ ლოკოკინების მოყვანილობა მომრგვალო და თხელ კანიანი იყო. მათ კუთხეები და გვერდები არ ჰქონდათ და თვითეული მათგანი ოთხ ხვეულიანი იყო? ამ გვარი შეხედულება ჰქონდათ ამ ლოკოკინებს მთელი იმ ხნის განმავლობაში, სანამ წყალში ის კირიანი ფენა წარმოიშობოდა, რომელშიც ისინი არიან მოთავსებულნი. ეს ფენა კი მეტად სქელია და ალბად რამოდენიმე ათასი წლის განმავლობაში წარმოიშვა. რასაკვირველია ამ ხნის განმავლობაში ლოკოკინების მრავალმა მოდგმამ ერთი-მეორე შესცვალა. მასთან ერთად თითქმის შეუმჩნევლად იცვლებოდა, როგორც გარეგანი სახე, ისე შინაგანი აგებულება. რაც დრო გადიოდა მით უფრო მეტი ცვლილება ხდებოდა მათში. იცვლებოდა მთელი ჯიში, აუარებელი მილიონები ლოკოკინებისა, რომლებიც კი მაშინ სცხოვრობდნენ. ცვლილება მოდგმიდან მოდგმამდე ხდებოდა. სხვანაირად, რომ ვსთქვათ, შთამომავლობა უფრო და უფრო ნაკლებად წააგავდა თავიანთ წინა-მოდგმებს. ის ლოკოკინები, რომლებიც შემდეგში წარმოიშვნენ ცოტათი უფრო მოგრძო და კუთხეებიანი არიან. მათ ნაოქიანი გვერდები და ზედმეტი ხვეულები. აქვთ. მრავალი ხნის შემდეგ, მრავალი და მრავალი მოდგმის შემდეგ ეს გვერდები და ნაოქები უფრო მეტი შესამჩნევი გახდა. კუთხეები აშკარად ემჩნევა, როგორც ეს სურათიდან სჩანს. ერთი სიტყვით ლოკოკინების ძველი ჯიშიდან მათი სრულიად ახალი ჯიში წარმოიშვა.

და მართლაც: ახალი ჯიში წარმოიშვა, მაგრამ საიდან?!—ძველი, სრულიად სხვა ჯიშისაგან: ახალი ჯიში, ძველ ჯიშს ენათესავება—ყველა, კუთხიანი ლოკოკინები, რგვალ ლოკოკინებს ენათესავებიან.

მაშასადამე საქმე აშკარაა: ლოკოკინების ჯიშებს შეუძლიათ თავისი გარეგანი სახე და აგებულება გამოიცივლონ და ერთ ჯიშს, მეორე სხვაგვარი ჯიში წარმოშვას. ეს აშკარად და ნათლად არის დამტკიცებული. ვისაც სურს—თვით ლოკოკინების ნახვით შეუძლიან ამაში დარწმუნდეს.

შეიძლება დაახლოვებით გავიგოთ, რამდენი დრო უნდა იმას, რომ ჯიშმა თავისი სხეულის აგებულება შეიცვალოს: ამაზე ასი ათასი წლები წავიდა. ეს იქედანა სჩანს, რომ კირიანი ფენა, რომელშიაც ეს ლოკოკინები არიან მოთავსებულნი, ძალიან სქელია. მაშასადამე ის, მრავალ ათას წლების განმავლობაში არის წარმოშობილი.


### **როგორ იცვლება რქების და ფეხების აგებულება?**

მრავალი სხვა ცხოველიც ისე იცვლება, როგორც ლოკოკინა. იცვლება მათი გარეგანი შეხედულება; ტანის აგებულება, მთლიანად, ან ნაწილობრივად. აი მაგალითად, ასი ათასი წლების განმავლობაში, როგორ შეეცვალა რქები ანტილოპს, ესე იგი ირმების ერთ-ერთ ჯიშს სხვა და სხვა ირმების რქები და ძვლები ჰქონდა; ბევრჯერ იყო ეს აღმოჩენილი დედა-მიწის, როგორც ქვედა ისე ზედა ფენებში, ამ ძვლების მიხედვით შეგვიძლია გავიგოთ თუ როგორ მიმდინარეობდა ცვლილება ირმის რქების აგებულებისა:


ეს სჩანს მე-36 გვერდის სურათიდან. ოდესღაც ირმის რქები მეტად მარტივი იყო და შტოები არა ჰქონდა. სწორედ ასეთი რქებია ნაპოვნი ქვედა ფენებში. მაგრამ დრო და ხანი გადიოდა, ირმების ერთი ჯიში მეორეს სცვლიდა და თანდათან მათი გარეგნობაც იცვლებოდა. ათი და ასი ათასი წლების განმავლობაში, რქებს თანდათან შტოები მოემატათ. ამგვარად ირმების ახალი ჯიში წარმოიშვა, რომლებსაც შტოიანი რქები აქვთ. და მართლაც ეს ჯიში ახალია, რადგანაც ძველად ამგვარი ჯიში არ მოიპოვებოდა. მაშასადამე დროთა განმავლობაში ახალი ჯიშის წარმოშობა შესაძლებელია: **ან სხვანაირად, რომ ვსთქვათ, ძველ ჯიშს, დროთა განმავლობაში თავისი გარეგნობა შეიძლება სრულიად შეეცვალოს.**

ენახოთ ეხლა, როგორ შეიცვალა ასიათასი და მილიონ დღეების განმავლობაში ცხენის ფეხები. ყველამ იცის, რომ დღეს ცხენს თითო ფეხზე თითო ჩლიქი აქვს. ჩლიქი ეს იგივე თითია, დანარჩენი ოთხი თითი კი ცხენს დღეს უკვე აღარ აქვს. ცხენი დიდი და ლამაზი ცხოველია: ამერიკაში ღრმად მიწაში აღმოაჩინეს უძველესი და საკვირველი ჯიშის ძვლები, რომლებიც ცხენის ძვლებს ძალიან წააგავან. სიმაღლით ეს ცხოველები მელიას ოდენა იყვნენ. ისინი დედა-მიწაზე მილიონ წლების წინად სცხოვრობდნენ. წინა ფეხებზე მათ ჰქონდათ არა ერთი, არამედ ხუთ-ხუთი თითი. უკანა ფეხებზე კი—სამ-სამი. იმავე ქვეყანაში, ოღონდ უფრო ზედა ფენაში აღმოაჩინეს ძვლები, რომლებიც აგრეთვე ძალიან წააგავან ცხენისას, მაგრამ იმით განსხვავდებიან, როგორც ახალ ისე უძველეს ჯიშისაგან, რომ წინა ფეხებზე, ხუთის ნაცვლად,

‘უკვე სამ-სამი თითი აქვთ. ძვლების მიხედვით აშკარადა სჩანს, რომ ეს ჯიშები ერთი მეორეს ენათესავენბიან, მაგრამ ფეხების აგებულება სხვა და სხვანაირი აქვთ. აი, როგორ შეცვლილა დროთა განმავლობაში ფეხების აგებულება. ამ ცვლილების გამო სრულიად ახალი ჯიში მივიღეთ.



როგორ იცვლება დროთა განმავლობაში ანტილოპის რქები. ამ სურათის ზევითა ნაწილში ნაჩვენებია თუ როგორ შეიცვალა ხსენებულ ჯიშის რქები მრავალ ათას წლების განმავლობაში. ქვევით კი ნაჩვენებია, როგორ იცვლება დღეს-დღეობით თითოეულ ანტილოპის რქები მისი სიცოცხლის განმავლობაში. ეს ცვლილებები ერთი მეორეს წააგავენ. ამაზე ქვემოთ გვექნება საუბარი.



ამერიკულ ცხენების ფეხების აგებულობათა ცვლილებები. აქ დახატულია ფეხების ძვლები. ქვემოთ უძველესი ფეხებია ჩამოდენიმი თითით. მაღლა კი—ახალი, უკვე ერთი თითით. დროთა განმავლობაში იცვლებოდა თითების რიცხვი და აგებულება. სურათის მარ-

## ახალი ჯიშები, სხვა ჯიშებისაგან წარმოიშობებიან.

განსაკუთრებულ ყურადღების ღირსია შემდეგი გარემოება. თუმცა ძველი ჯიშისაგან ახალი წარმოიშობოდა, მაგრამ მასთან ერთად ძველი ჯიშიც განაგრძობდა ისევ ცხოვრებას. სხვაგვარად, რომ ვსთქვათ, ერთი ჯიშისაგან ორი ჯიში წარმოიშვა.

მაგრამ ამით ჯერ კიდევ ყველაფერი არ არის ნათქვამი. დედა-მიწის სხვა და სხვა კუთხეში, ამ ორ ჯიშისაგან, კიდევ რამოდენიმე ჯიში წარმოიშვა. ამ ახალი ჯიშების წარმოშობაც ძალიან ნელა და იმავე წესით ხდებოდა.

ღროთა გამშავლობაში ძველი ჯიშები გადაშენდნენ, ახალი ჯიშები დარჩნენ და ისინიც შეიცვალნენ. შეიცვალა ფეხების აგებულება, შეიცვალა ტანის მოყვანილობაც. სამჩლიქიანი ფეხი-ერთ ჩლიქიანად გარდაიქმნა, ისე როგორც თანამედროვე ცხენს აქვს. სიმაღლეც მოემატა. ერთი სიტყვით, ძველ ჯიშთა ნაშთების მიხედვით ჩვენ გავიგეთ, რომ თანამედროვე ცხენების ჯიში, ცხენებისგან კი არა, სხვა ჯიშისაგან წარმოიშვა; და ეს სხვა ჯიში დაბალი და ხუთ ჩლიქიანი იყო.

მაშასადამე საქმის ვითარება ცხადია. ღროთა გამშავლობაში ცხოველთა ჯიშები, თავის გარეგნობას და სხეულის აგებულებას იცვლიან. მაგალითად იცვლება რქები და ფეხები. ამის მგზავსად შეიძლება შეიცვალოს და იცვლება კიდევ აგებულება თავის, ძვლების, ტვინის, ტანის, თვალების, ყურების, კუჭის, წელების, კბილების და მთელი შიგნეულობის. ამ გვარი ცვლილე-

ბების შემდეგ ახალი ჯიში შესაძლებელია, ძველისაგან ძალიან განსხვავდებოდეს. მგზავს ცვლილებებს შეიძლება დასჭირდეს არა მარტო ასი ათასი, არამედ მილიონი და რამდენიმე ასი მილიონი წლებიც კი. ცვლილება მაინც ხდება.


ჩვენ ხომ ვიცით, რომ დედა-მიწა, მხოლოდ შეიძლება ათასი წელიწადი არ არის რაც არსებობს და ყოველივე ცვლილებისათვის ყოველთვის იყო და იქნება საკმარისი დრო.

### **როგორ წარმოიშვენ თევზებიდან ხვლიკები, და ხვლიკებიდან — ფრინველები და მხეცები.**

აი მაგალითად, რა დაემართა თევზებს. ათეული მილიონ წლის წინედ თევზები ზღვებში, ოკეანეებში და მდინარეებში დასცურავდნენ; ხვლიკები და სხვა ქვემძრომნი არც კი არსებობდნენ ქვეყანაზე. ყველამ იცის, რომ თევზი წყალში ლაყუჩებით სუნთქავს, ხმელეთზე ვერა სძლებს და კვდება. ხვლიკები კი ადამიანის მაგვარად ფილტვებით სუნთქავენ და მიწაზე სცხოვრობენ. თევზებს თევზების ნაცვლად საცურავი ფრთები აბია. ხვლიკს კი ფეხები აქვს და ფრთები კი არ გააჩნია. ხვლიკსა და თევზს ერთმანეთისაგან თითქოს ადვილად გაარჩევ. ეს სულ სხვა და სხვა ჯიშებია. მოუხედავად ამისა, ხვლიკები თევზებს მაინც ენათესავებიან. ხვლიკების ჯიშები წარმოიშვენ თევზების ჯიშისაგან. ეს სჩანს თევზებისა და ხვლიკების ნაშთებისაგან, ანასახებისაგან და სხვა რიშნებისაგან. ზოგიერთი თევზების ჯიშები უკვალოდ გადა-



შენდა. თევზის სხვა ჯიშები დარჩენ და დღემდე განაგრძობენ არსებობას. თევზის დანარჩენ ჯიშებს კი, რომლებიც დედა-მიწის სხვა და სხვა კუთხეებში პატარა მდინარეებში სცხოვრობდნენ, აი რა მოუვიდათ: ფრთების ნაცვლად ფეხები გამოებათ, რომლის საშუალებითაც ჯერ დასცოცავდნენ და შემდეგ კიდევ დარბოდნენ; თევზის ბუმბუტი ფილტვებად გადაიქცა, რომლითაც შეიძლება სუნთქვა ხმელეთზეც. თევზებიდან ქვემძრომნი წარმოიშვნენ. ზღვის ცხოველებიდან წარმოიშვნენ ისეთი ცხოვე-



ცერატოდუსი ანუ რქაკბილა, — ავსტრალიის თევზი, რომელიც უწყლოდ დიდხანს ძლებს, რადგან ფილტვებიც და ლაყუჩებიც აქვს. ცერატოდუსი ითვლება ნახევრად თევზად და ნახევრად ქვემძრომლად.


ლები, რომლებიც წყალშიაც და ხმელეთზედაც სცხოვრობენ, მაგალითად ბაყაყები და სხვა. ერთი სიტყვით; თანდათანობით ზოგიერთი თევზის სხეული ბაყაყს დაემ-

გზავსა. შემდეგ კი ცვლილება გრძელდებოდა და ხელი-  
კებს დაემგზავსენ. ეს ნელ-ნელა და თანდათანობით ხდე-  
ბოდა. მრავალ მილიონ წლის განმავლობაში, მაგრამ მაინც  
ხდებოდა. ამგვარად წარმოიშვენ დედა-მიწაზე ბაყაყები  
და ხელიკები. მაშასადამე ისინი თევზებს ენათესავენ. მათი  
წინაპრები—თევზებია. თევზებისაგან ჯერ ნახევრად  
ქვემძრომნი და ნახევრად თევზები წარმოიშვენ და შემდეგ  
კი ნამდვილი ხელიკები.


მაგრამ ნუ თუ მართალია, რომ ოდესღაც არსებობ-  
დენ ნახევრად—თევზები და ნახევრად-ქვემძრომნი?! რა-  
საკვირველია მართალია. მათი ნაშთება დედა-მიწის სი-  
ღრმეშია აღმოჩენილი. ანის გარდა ზოგიერთი ჯიშები,  
ნახევრად—თევზებისა და ნახევრად—ქვემძრომის, დღემდე  
არსებობენ. ისინი ცხელ ქვეყნებში სცხოვრობენ, მაგა-  
ლითად ავსტრალიაში მათ „ორგვარად—მსუნთქავს“ ეძა-  
ხიან. მათ ფილტვებიც და ლაყუჩებიც აქვთ. სუნთქვაც  
ორივეთი შეუძლიათ. ნახევარ წელიწადს ისინი წყალში  
დასკურავენ და მეორე ნახევარს—მშრალ ადგილას არიან  
გაწოლილი. გაეხვევიან სილაში, რადგანაც ავსტრალიის  
წყლები ზაფხულობით შრება. როდესაც „ორგვარად  
მსუნთქავი“ თევზები წყალში არიან, მაშინ ისინი ლაყუ-  
ჩებით სუნთქავენ, ხოლო, როდესაც მშრალ ადგილზე  
ამოვლენ,—ფილტვებით სუნთქავენ ისე, როგორც ხელი-  
კები. როდესაც ამ საკვირველ ცხოველებს ხედავ, ძალა-  
უნებურად რწმუნდები, რომ ხელიკები თევზებიდან წარ-  
მოიშვენ, მიუხედავად იმისა, რომ მათ შორის დიდი  
განსხვავებაა.

აი, როგორი უდიდესი ცვლილებები შეიძლება მოხდეს ცხოველთა ზოგიერთ ჯიშებში: ერთ ჯიშიდან შეიძლება, მეორე ჯიში წარმოიშვას, რომელიც პირველს სრულიად არა ჰგავს, მაგალითად თევზიდან—ხელიკი.

სწორედ ამგვარადვე ნაშთებისა და ანასახების მიხედვით შეიძლება გავიგოთ ვის ენათესაებიან ფრინველები და მხეცები; ისინიც ქვემძრომებსა და ხელიკებს ენათესაებიან. აი მაგალითად, რამდენიმე მილიონ წლის წინად დედამიწაზე სცხოვრობდა გასაოცარი ფრინველი, რომელიც ხელიკს წააგავდა. ამ ფრინველ არხეობტერიკს



მფრინავი ხელიკე რამფორინკსი, რომელიც ჩიტს წააგავს. მას აქვს კბილები, ფრთებზე კი თითები და ფრჩხილები; კუდი გრძელი და მრავალ ძვლიანი აქვს.



ფრინველ არხეოპტერიკსის ნაშთები. ამ გვარი ჯიშის ფრინველები დიდხანია, რაც გადაშენდა. მას კბილები აქვს და ფრთებზე კი ბრუკაღლიანი თითები.

ეძახიან, რაც ქართულად პირველ ფრინველს ნიშნავს. მას კბილები ჰქონდა ისე, როგორც ხელიკს, ან ნიანგს. თანამედროვე ფრინველებს კი არა აქვთ კბილები. ამის გარდა არხეოპტერიკსის კუდი ხელიკის კუდს წააგავდა, იმ განსხვავებით, რომ კუდი დაფარული ჰქონდა ფრთებით და მრავალ ძვლებისაგან შესდგებოდა. თანამედროვე ჩიტის კუდი კი მხოლოდ ერთ ძვლისაგან შესდგება. ამის გარდა არხეოპტერიკს ფრთების ბოლოში ბრჭყალებიანი თითები ჰქონდა, რომლის საშუალებითაც ხეებზე და კლდეებზე ადვილად დაცოცავდა არის მფრინავი ხელიკები რომლებსაც ასეთივე ბრჭყალები აქვთ ფრთებზე.



იხეცხვირა

იქედნა და იხეცხვირა ავსტრალიაში სცხოვრობენ და ხელიკსავით კვერცხებსა სდებენ.

აქ მოყვანილ სურათზე ნაჩვენებია, არქეოპტერიკსის ტანის აგებულება. წინა სურათში კი დახატულია მფრინავი ხელიკი რამფორინგსი. ხელიკის ამ ფერი ჯიში დიდი ხანია რაც მოისპო, აღმოჩენილია მხოლოდ მისი ნაშთი და ანასახი. ამის მიხედვით შეიშლება გავიგოთ, რომ ხელიკი რამფორინგსი ძალიან წააგავდა ფრინველს.

მაგრამ ავსტრალიაში უფრო საკვირველი ცხოველი არსებობს. მას იხეცხვირას ეძახიან, რადგანაც მისი

ცხვირი ძალიან წააგავს იხვისას. ეს ნამდვილი ოთხფეხა, და ბეწვით დაფარული მხეცია, მაგრამ ზოგიერთი რამით ისეც ხელიკს წააგავს. ასე მაგალითად, ხელიკი კვერცხების საშუალებით მრავლდება, იხვცხვირაც კვერცხებს




იქედნა

სდებს. იხვცხვირა ამის გარდა ზოგიერთ სხვა თვისებითაც წააგავს ხელიკს. ავსტრალიაში არის ერთი ცხოველი, რომელიც ხელიკს ჰგავს. მას იქედნას ეძახიან. ისიც ხელიკსავით კვერცხებსა სდებს.

მაგრამ კიდევ უფრო მეტად გავს მათ

საკვირველი ცხოველები ტერომორფები, რომლებიც რამოდენიმე მილიონი წლის წინედ ცხოვრობდნ და დიდი ხანია, რაც გადაშენდნ. ეს ტერომორფები გარეგნობით ნამდვილი ხელიკები იყვნენ, ხოლო ძვლები და კბილები ისეთი ჰქონდათ, როგორც ბეწვით დაფარულ მხეცებს. მაშასადამე ტერომორფები, ნახევრად მხეცები იყვნენ, ნახევრად კი ხელიკები. ჯერ ხელიკისაგან ამგვარი ცხოველები წარმოიშვებოდნ, შემდეგ კი ამ ცხოველიდან — მხეცები.



ტერომორფის ძვლები; აღმოჩენილია მიწის ძველ ფენებში. ტერომორფა—ნახევრად-ხვლიკი. ნახევრად-მხეცია ამგვარი ჯიშები დღეს აღარ არსებობენ.

**ცხოველთა ყველა ჯიშები რაიმეთი წააგავან ერთიმეორას და მითად ნელა და თანდათან წარმოიშვავენ.**

რას გვასწავლიან ისეთი ჯიშები, როგორც არის, შავალითად, არქეოპტერიკსი, იხვ-ცხვირა, ტერომორფი და მრავალი სხვ. მათი მსგავსი ჯიშები? ისინი გვასწავლიან იმას, რომ ყველა ცხოველები ერთი-მეორეს ენათესავენ. ზოგიერთი ჯიშები სრულიად არა ჰგავან ერთმეორეს, ისე როგორც თევზი არა ჰგავს ხვლიკს, და ხვლიკი არა ჰგავს ფრინველს, ან მხეცს. მაგრამ ისინი მაინც ენათესავენ ერთი-მეორეს, რაც დამტკიცებულია დანამდვილებით. ზოგიერთ ჯიშებს შორის ეს ნათესაობა შორეულია, ზოგიერთებს შორის კი ძალიან

ახლობელი, მესამეთა. შორის კიდევ უფრო ახლობელი და ასე ბოლომდის. ცხოველთა შორის არის ნათესაობა პირდაპირი ხაზით, არის აგრეთვე ნათესავეები არა პირდაპირი ხაზით. ცხოველთა ჯიშების ნათესაობა შეიძლება გამოვხატოთ ვეგებერთელა ხის მსგავსად, რომელსაც ერთი საერთო ღერო აქვს და მრავალი დიდი და პატარა შტოები: ამ ღეროდან სხვა და სხვა მიმართულებით მიდის დიდი შტოები, შტოებიდან კი აგრეთვე პატარა შტოები, მერე სულ პატარები და სხვა. მზგავსად იმისა, თუ როგორ მიდის ერთი შტო მეორედან აგრეთვე მილიონ წლების განმავლობაში. ცხოველთა ერთი ჯიშიდან წარმოიშვა მეორე, და ზოგჯერ ერთიდან—რამოდენიმე ახალი ჯიში. რაც დრო გადიოდა, მით უფრო ახალ-ახალი ჯიშები წარმოიშვებოდნენ და მით უფრო ნაკლებად წააგავდნენ ისინი ერთი მეორეს. ყველაზე ადრე ის ჯიშები წარმოიშვენ, რომელთაც მარტივი აგებულების ტანი აქვთ. შემდეგ წარმოიშვენ კიბოები, შემდეგ—თევზები, მათ შემდეგ ის ცხოველები, რომლებიც წყალშიაც სცხოვრობენ და ხმელედზედაც (როგორც მაგალითად ბაყაყები და სალამანდრები). მათ შემდეგ ხვლიკები, კუ, შემდეგ ფრინველები და ზოგიერთი ბეწვით დაფარული ოთხფეხა ცხოველები და დაბოლოს გველები. ამ უკანასკნელების შემდეგ წარმოიშვენ ხორცისმჭამელი მხეცეები, მტაცებლები მაიმუნები და დაბოლოს ადამიანებიც. ასე ჩნდებოდნენ თანდათან ცხოველთა სხვა და სხვა ჯიშები და ეს ხდებოდა მილიონ წლების განმავლობაში. ძველ ჯიშებს სულ ახალი და ახლები ემატებოდნენ და ძველებთან განაგრძობდნენ ცხოვრებას. ზოგიერთი ძველი



ჯიშები კი გადაშენდებოდენ ხოლმე. ჯიშები მეტად ნელა ჩნდებოდენ. ყველაფერი თანდათან ხდებოდა. ეს სჩანს მათ ნაშთებზე და ამოსახულებებზე.

რას ნიშნავს ახალი ჯიშების წარმოშობა? ეს მხოლოდ იმას ნიშნავს, რომ ამა თუ იმ ჯიშის შთამომავლობა თანდათან იცვლებოდა და შემდეგ აღარ წააგავდა თავის წინაპრებს. მილიონ წლების განმავლობაში შეიცვალა როგორც მათი გარეგანი შეხედულება, ისე შინაგანი აგებულება; ნელ-ნელა და თანდათან ხდებოდა ცვლილება ტანის ზოგიერთ ნაწილებში, ან და ერთი და იმავე დროს მრავალ ნაწილებში. ამგვარად მოხდა ის, რომ შემდეგში მონათესავე ჯიშები ერთი-მეორეს აღარ ჰგავდენ. მაგრამ ასეთი ცვლილებები არასოდეს არა ხდება ერთბაშად, ერთი ხელის დაკვრით.

მილიონ წლების განმავლობაში შეიცვალა ტანის აგებულება ყველა ჯიშებისა, რომლებიც კი სცხოვრობდენ ან ოდესმე სცხოვრობდენ დედა-მიწაზე. ეხლა ამ ჯიშების ძვლების მონახვაც კი ძნელია; მაგრამ წარმოვიდგინოთ, რომ ყველა ეს ჯიშები, როგორც წინაპრები, ისე მათი შთამომავლობა ისევ გაცოცხლდენ. რა მოხდებოდა; ისინი, რომ ერთი-მეორის გვერდზე დაგვეყენებია?—მოხდებოდა ის, რომ თუმცა მამებსა და შეილებს შორის მსგავსებას შეენიშნავდით, მაგრამ იგივე შეილებსა და ძველ წინაპრებს შორის იმდენი განსხვავება იქნებოდა, რომ ვერც კი ვიცნობდით. რაც უფრო შორს სდგას შთამომავლობით ჯიში წინაპრისაგან, მით უფრო მეტი განსხვავებაა მათ შორის. დაბოლოს კი მსგავსება თითქმის აღარ არის, განსხვავება კი იმდენად დიდია, რომ ვერც

კი იტყვის ადამიანი, თითქოს მათ შორის რაიმე ნათესაური კავშირი იყოს:—აი როგორი დიდი ცვლილება მოხდა მილიონ წლების განმავლობაში ცხოველთა შინაგან აგებულებაში და გარეგან შეხედულებაში!

ეს ცვლილება კი **შეუმჩნევლად ხდებოდა**, რადგანაც ის შედეგი იყო ძალიან პატარა ცვლილებების დაგროვებისა. წყლის წვეთებისაგან ხომ მთელი დიდი ოკეანეები შესდგება, თიხის პაწაწა ნამცეცებისაგან—ვეებერთელა თიხის ფენები და ქვიშისაგან კი—დიდი მთები. ამის მსგავსად მცირეოდენ ცვლილებებისაგან ტანის აგებულებაში ხდება დიდი ცვლილებები ისე, რომ შთამომავლობის სხეული აღარ წააგავს წინაპრების სხეულს.




## თავი მესამე.

როგორ წარმოიშვენ და წარმოიშვებიან ახალი  
ჯიშები და რად იცვლება დროთა მსვლელობა-  
ში მათი სხეულის აგებულება.

რა საშუალებით შეიძლება თანის აგებულების შეცვლა?

ნუთუ მართალია ის, რომ დროთა მსვლელობაში  
შეიძლება ერთი ჯიშიდან მეორე, ახალი ჯიში წარმო-  
შვას?

დიახ, ეს მართალია, ეს წინადაც ხდებოდა და დღე-  
საც ჩვენ თვალ-წინ ხდება.




გარეული ღორი.

ეს საესებით დამტკიცებულია. დღეს ადამიანსაც კი შეუძლია ერთი ჯიში მეორეთი შესცვალოს, და შეჰქმნას კიდევ ახალი ჯიში თავის სურვილის მიხედვით. როგორ ხდება ეს? აი როგორ. იყო მაგალითად, ასეთი შემთხვევა: ერთმა ინგლისელმა მეჯოგემ შეჰქმნა ხელოვნურად ღორის ახალი ჯიში. ამ ჯიშს ფეხები საკვირველად მოკლე და პატარა აქვს, ტანი კი გასაოცრად დიდი. ის იწონის ოცდაათ ფუთამდე. ასეთი ჯიშის ღორს თითქმის არც კი შეუძლიან სიარული, მხოლოდ წევს და სუქდება. სწორედ ქონისთვის ამრავლებენ მათ. მაგრამ ეს ჯიში გასაკვირველია კიდევ სხვა თვისებებით: მათი თავი სხვა ღორის ჯიშებს არ წააგავს და პირიქით, ცოტათი მოგავიწყებთ ძაღლის თავს, ეგრედ წოდებულ „მოჰსე“-ბის ძაღლის თავს. სხვა ინგლისელმა მესაქონლეებმა ხელოვნურად მიიღეს ცხვრების, ძროხების და ცხენების ახალი ჯიშები ამგვარადვე მიიღეს სხვა მრავალი ცხოველთა ახალი ჯიშები. ამგვარ ცდებს დღეს მრავალი სხვა მესაქონლეებიც ახდენენ: როგორც საფრანგეთში, ისე გერმანეთში, ინგლისში და რუსეთში.

როგორ ხდება ეს? როგორ ახერხებენ ერთი ჯიშიდან—მეორე, ახალი ჯიშის მიღებას? ამგვარი შედეგის მიღება შეიძლება არა ერთბაშად, არამედ დიდი ხნის მუშაობის შემდეგ. ამ შედეგის მიღებისათვის საჭიროა, რომ მეჯოგის ხელში გაიაროს ცხოველების რამოდენიმე მოდელი.

აი მაგალითად როგორ მიიღეს ღორების ახალი ჯიში. მესაქონლე, რომელსაც სურს ჯიშის შეცვლა, უპირველესად ყოვლისა მიდის ჯოგთან და დიდი დაკვირვების

შემდეგ ამოარჩევს რამოდენიმე ღორს ცალ-ცალკე და უშვავთ, რომ მას სურს მიიღოს ისეთი ჯიში, რომელსაც მეტად მოკლე ფეხები აქვთ. მაშინ ის ჯოგიდან ყველაზე უფრო მოკლე ფეხებიან ღორებს ამოარჩევს. ცნობილია, რომ ადამიანის მსგავსად, ღორებიც განსხვავდებიან ერთი-მეორისაგან: ზოგიერთს გრძელი ფეხები აქვს, ზოგს კი მოკლე, ესა თუ ის განსხვავება ყოველთვის არის. ვერასოდეს ვერ გამოჩნხავთ ვერც ერთ ჯიშში ორ ისეთ ცხოველს, რომლებიც ერთ-მეორეს სრულიად წააგავდეს. ყოველთვის შეიძლება, ჯოგში ისეთი მამალ-დედალი ამოირჩიოთ, რომელსაც დანარჩენებზე უფრო მოკლე ფეხები აქვთ, ამგვარ მამლებს და დედლებს მესაქონლე იმსაათ-შივე ამოარჩევს მოსაშენებლად და მათ ცალკე დაამწყვდევს. მათ გოჭები ეყოლებათ. ცნობილია, რომ ბავშვები უმთავრეს შემთხვევაში მშობლებს წააგავან, რადგანაც სხვა და სხვა თვისებები შთამომავლობით გადადის. ეს ხდება როგორც ადამიანებს შორის, ისე ცხოველებს შორისაც. მაშასადამე, მოკლე ფეხებიან მშობლებს, აგრეთვე მოკლე ფეხიანი შთამომავლობა ეყოლება. ამ გოჭებიდანაც შეიძლება ცალკე ამოვარჩიოთ მათ შორის ყველაზე მოკლე-ფეხებიანი. მესაქონლე ზომავს, ერთი-მეორეს ადარებს, ყველაზედ მოკლე-ფეხიანებს ისევ გადაარჩევს და ცალკე მოათავსებს. ახალი გოჭები წამოიზრდებიან, და მათ გოჭებსაც ისევე ვადაარჩევენ, როგორც წინად. დაბოლოს, გამოვა ახალი ჯიში, რომელსაც ძალიან პატარა ფეხები ექნება.



შინაური ღორი იორკშირის ჯიშისა.

ასე მოიქცევა მესაქონლე მრავალი მოდგმათა მიმართ და განაგრძობს გადარჩევას, როგორც მიღებაც მას სურს, მაგალითად მოკლე-ფეხებიანებისას. ის არ დაუშვებს იმას, რომ გადარჩეული ღორები სხვა სისხლის ღორებთან შეუღლდნენ. გავლენ წლები—და წინანდელ გრძელ ფეხებიან ჯიშისაგან მივიღებთ, მეტად მოკლე-ფეხებიან, ახალ ჯიშს.

აი, მაშასადამე როგორ შეიძლება ახალი, მოკლე-ფეხებიანი ჯიშის ღორების მიღება. სწორედ იმავე წესით შეიძლება მივიღოთ სხვა ჯიშიც: მაგალითად გრძელ-ფეხებიანი, მოკლე დინგიანი, ბეწვიანი, ან ტიტველი ღორები. ამავე წესით იღებენ აგრეთვე სხვა შინაურ ცხოველების ახალ ჯიშებსაც. ასე მიიღეს, მაგალითად ჯიშები, ტვირთმზიდავ, მძიმე-ფეხებიან, ღონიერ ცხენებისა. ასევე მიიღეს აგრეთვე საჯირითო ცხენების ჯიში, რომლებსაც მეტად



ინგლისური ტვირთ-მზიდავი ცხენი.

მაღალი და წვრილი ფეხები. აქვთ, და მსუბუქი ტანი. ამგვარადვეა მიღებული ახალი ჯიშის ცხვრები, მსუბუქი დუშებით, რომლებიც ბევრ დუმას იძლევიან და გრძელი ბეწვებით, რომლებსაც მატყლისათვის აშენებენ. ერთი სიტყვით, ვერც ჩამოვთვლით ყველა იმ ჯიშებს, რომლებიც ხელოვნურად შექმნა ადამიანმა. და ყველა ეს ჯიშები ჩვენ თვალწინ წარმოიშვებიან. მაშასადამე, მართლაც შესაძლებელი ყოფილა ახალი ჯიშების წარმოშობა. ეს ადვილად ხდება და მხოლოდ შორიდან გვეჩვენება, თითქოს აქ რამე საკვირველი ხდებოდეს.

## გასაკვირველი გადაჩენვა ახალ ჯიშისათვის.

მაგრამ, აი რა არის გასაკვირველი: ზოგჯერ ადამიანი ისე მიიღებს ახალ ჯიშს, რომ თითონაც არ იცის და არ მოელოს ამას. ასე, მაგალითად, ამერიკელ ველურებმა, პეშჩერესებმა, გამოიყვანეს ძაღლების ახალი ჯიში, რომლებიც მშვენივრად დასცურავენ და წავებს იჭერენ. ძაღლების არც ერთ სხვა ჯიშს არ შეუძლიან მათზე უკეთ ინადირონ წავებზე. ავსტრალიის შავკანიანმა ვე-



საჯირითო ცხენი.

ლურებმა კი გამოიყვანეს ძაღლების ისეთი ახალი ჯიში, რომლებიც ძალიან მარდად დარბიან. საკითხავია, როგორ მოახერხეს ველურებმა ამ ახალი ჯიშების მიღება? მათ ამ საკითხზე არც კი უფიქრიათ. ისინი მხოლოდ აფასებენ



და ჟურთხილდებიან თითოულ იმ ძალს რომელიც მათ განსაკუთრებით ეხმარება და უადვილებს ველურ არსებობას. ამგვარ ძალებს ისინი არა კლავენ და სხვა ძალებზე უკეთ უვლიან. დანარჩენებს ჰკლავენ. კარგი ჯიშის ძალები მრავლდება. ახალ ლეკვებიდან ველური, ცხადია ისეთებს დასტოვებს, რომლებიც უფრო მოსწონს და მშობლებს წააგავს ამ ლეკვებს უვლიან, რადგანაც ისინი მომავალში მათ სჭირდებათ. ყოველთვის შეიძლება მათთვის საკმარისი საჭმლის შოვნა. ასეთი გადარჩევა ხდება თავის-თავად მრავალი წლების განმავლობაში. და ბოლოს, შემთხვევით დაჭერილ, გარეულ ძალებიდან წარმოიშვენ ახალი შინაური ჯიშის ძალები. ველურები ამ გადარჩევას ისე ახდენდენ, რომ არც კი ესმოდათ შორი მიზანი. შედეგად კი მიიღეს ძალების ახალი ჯიში.

იგივე მოხდა სხვა ქვეყნებშიაც: ახალი ჯიშებს ლებულობენ ან იმ სარგებლობისათვის, რომელიც ამ ცხოველებს მოჰქონდათ, ან კიდევ გასართობად. და ბოლოს მოხდა ის, რომ მივიღეთ აუარებელი ძალების ჯიშები: ავი ძალების ჯიშების დასაცავად, ვეებერთელა წყლის ძალები, პაწაწა ოთახის ძალები, მონადირე ძალები და მრავალი სხვ.

ამგვარივე წესით შეიქმნა სხვადასხვა ჯიშები, კურდღლების, მტრედების, ქათმების, და სხვა შინაურ ფრინველების. ეს ჯიშები სრულიად აღარ წააგავან გარეულ კურდღლებს, ქართმებს და მტრედებს, რომლებიც დღემდე გვხვდებიან აქა-იქ უდაბნო ადგილებში. მიუხედავად ამისა, გარეული ჯიშები მაინც შინაურების წინაპრები არიან. გარეული ღორი თითქმის არც კი ჰგავს შინაურს, მაგრამ მათ შორის მაინც ნათესაური კავშირია.

მაშასადამე, ცხადია, რომ ერთი ჯიშიდან ჩნდებოდა, ჩნდება და მომავალშიაც შეიძლება გაჩნდეს ახალი ჯიში. და ეს ხდება მთელ დედა-მიწის ზურგზე, ყველა ქვეყნებში უძველეს დროიდან. ზოგჯერ ადამიანი ახალ ჯიშს შექმნის განზრახ, წინასწარ გამომუშაებულ მიზნით, ზოგჯერ კი ეს ხდება თავის თავად, ადამიანის სურვილის დამოუკიდებლად, თუმცა არა ისეთი სისწრაფით, როგორც ეს ინგლისის მესაქონლეობის მიერ ხდება.

### ბასაკვირველი გადაჩევა სასიკვდილოდ.

აი როგორ ჩნდება და ჩნდებოდა შინაურ ცხოველთა ახალი ჯიშები. ერთი ჯიში ჩნდება მეორისაგან. მაშასადამე ჯიშის გაჩენა მართლაც შესაძლებელი ყოფილა. მთელი საქმე იმაშია, რომ მუდმივად ხდებოდეს გადაჩევა შესაფერ დედალ-მამალისა. თუ ასეთი შერჩევას მოვახდენთ, დარწმუნებული უნდა ვიყოთ, რომ ადრე თუ გვიან შინაურ ცხოველის ახალ ჯიშს უსათუოდ შივილებთ.

მაგრამ როგორ ჩნდებოდენ გარეულ ცხოველების ახალი ჯიშები? შეიძლება თუ არა ამის გაგება დანამდვილებით?

დიახ, ამის გაგება შეიძლება. საჭიროა მხოლოდ დაკვირვებით შევისწავლოთ სხვა და სხვა გარეულ ცხოველების ყოფა-ცხოვრება. უნდა დაუკვირდეთ ყველა ცხოველებს, რომლებიც კი გვხვდება დედა-მიწის ზურგზე. თუ მათ ცხოვრებას არ შევისწავლით, ცხადია, ვერც იმას გავიგებთ, თუ რად მოიხპო ერთი ჯიში და რად წარმოიშვა მეორე.



ადამიანის მიერ შექმნილი სხვა და სხვა ჯიშები შინაურ მტრედებისა

მაშ ვნახოთ, როგორია მათი ცხოვრება და როგორ მოდის ის ღღემდე?

აი როგორ: დაბურულ ტყეებში, ვეებერთელა მინდვრებზე, ოკეანებში და ზღვებში, წყალში და ჰაერში, ცხელ და ცივ ქვეყნებში, ერთი სიტყვით, მთელ დედამიწაზე, ღღესაც გრძელდება შერჩევა. ზოგიერთი ჯიში ისპობა, იღუპება, მეორე კი განაგრძობს არსებობას. ეს ხდება დღიდან-ღღემდე, წლიდან-წლამდე, ასი, ათასი და მილიონ წლების განმავლობაში.

ვინ ახდენს ამ შერჩევას?—არავინ. შერჩევა ხდება თავის-თავად, და აი როგორ: ბევრ ცხოველს ძალაუნებურად უხდება უდროოდ სიკვდილი, უდროოდ სიკვდილი კი იგივე შერჩევაა, რადგანაც სიკვდილიც გადარჩევას ახდენს ცხოველებს შორის. ვისაც ადრე ეწვევა,—ის გამორჩეულია ცოცხლებისაგან.

და მართლაც, მთელი დედა-მიწა, მოფენილია მრავალი ჯიშის ცხოველებით. ამჟამად შეიძლება მრავალი ათასი სხვა და სხვა ჯიშის ჩამოთვლა. მხოლოდ მხეცების ჯიშთა რიცხვი უდრის ორ ნახევარ ათასზე მეტს. ფრინველების ჯიშები—რვა ათასს აღემატება, ქვეწარმავალნი დაახლოვებით 2 ათასს უდრის, თევზების 13 ათასს აღემატება. ლოკოკინებისა—ოცი ათასს, ბუხებისა, ობობების, პეპელების და კიბოების—თითქმის ორას ათასს, ხოლო ჭიების და სხვა პატარა ცხოველებისა—კიდევ უფრო მეტია. ყველა ეს ჯიშები სცხოვრობენ, მრავლდებიან და ყველა მათგანს სწადიან დედა-მიწაზე ცხოვრება და იმავე დროს შეიძლების და მიხედვით უკეთესი ცხოვრება. ასე გრძელდება უძველეს დროიდან. ცხოველოა ყველა

ჯიშებს ყოველთვის ჰქონდა, აქვს და ექნება ერთი მთავარი საზრუნავი—როგორმე გაიგრძელოს. სიცოცხლე, და რაც შეიძლება უფრო მეტად მრავლდებოდეს.

### შეჯიბრება სიცოცხლეში.

მაგრამ სიცოცხლის გაგრძელება—ადვილი საქმე არ არის. სიცოცხლის გაგრძელებისათვის ხომ საჭიროა საჭმლის შოვნა, შეილებზე ზრუნვა, საკუთარ თავის და მათი გადარჩენა შიმშილისაგან, სიცივისაგან, სხვა და სხვა მტრებისაგან და სხვა მრავალ საშიშროებისაგან. სიცოცხლე მუქთად არავის არა აქვს მინიჭებული. ყველა იძულებულია არსებობისათვის იბრძოდეს, ვისაც სად შეუძლია და როგორც შეუძლია. ამ ბრძოლაში ყველა ცხოველი სარგებლობს იმ საშუალებებით, რომელიც მას ხელთ მისცა ბუნებამ. ყოველ ლუკმას, ყოველ კუთხეს მრავალი მსურველი ჰყავს. იმისათვის, რომ ყველაფერი ეს მოიპოვოს ერთმა ცხოველმა, მეორეს უნდა დაასწროს, ან წაართვას და ბრძოლით მოიპოვოს ის. აი, მაგალითად, არწივი იჭერს კურდღელს, ხოლო იმავე კურდღელს დიდის სიამოვნებით დაიჭერდა ყოველი სხვა არწივი, ან მელია, მგელი, და სხვა მხეცები. თუ ერთი არ დაიჭერს, მეორე დაასწრებს. ვისაც ადრე შეხვდება კურდღელი—ის გაძდება. ყოველი კურდღელი სცდილობს სიცოცხლის გადარჩენას და გარბის, ხოლო ყოველი არწივი, მელია, მგელი და სხვა მხეცი ცდილობს დაიჭიროს ის. ყველა თითქოს ეს ერთი-მეორეს ეჯიბრება, ერთი-მეორეს ასწრებს. მაგრამ ეს კიდევ ცოტაა: ზოგჯერ ყო-

ველ ლუკმის, ყოველ კუთხის გულისათვის საჭიროა ჩხუბი, ბრძოლა და ხშირად სამკვდრო-საციცოცხლო ბრძოლა. და ასე მიდის ცხოვრება.

მაგრამ აი რას უნდა მივაჭციოთ განსაკუთრებული ყურადღება: **საჭმელი ყველგან და ყოველთვის ყველას არა ჰყოფნის.** ასეა ამჟამად, ასე იყო წინედაც.

### საჭმელი ყველას არ ჰყოფნის.

რატომ არ არის საჭმელი საკმარისი?— იმიტომ, რომ ყველა ცხოველი მრავლდებოდა და მრავლდება, იმაზე მეტი, ვიდრე მათი გამოკვება შეიძლება, ზოგიერთი ცხოველები გასაოცარის სისწრაფით მრავლდებიან. ვინ არ იცის, მაგალითად ლიფსიტა. თითო ლიფსიტა ყოველწლიურად სდებს ორმოც ათასს კვერცხს. თითო კვერცხიდან ლიფსიტა თითო უნდა გამოვიდეს. ახალ ლიფსიტამაც ორმოცი ათასი კვერცხი უნდა დასდოს. ასე რომ ერთ წყვილ ლიფსიტიდან ერთი წლის განმავლობაში შეიძლება მივიღოთ მილიონნახევარ ლიფსიტაზე მეტი. ამგვარ გამრავლების გამო რამოდენიმე წლის შემდეგ ლიფსიტა გაავსებდა ყველა ზღვებს და ოკეანეებს ისე, რომ შიგ ადგილი აღარ დარჩებოდა არც ერთ სხვა ცხოველისათვის. მაგრამ ეს კიდევ არაფერი! თითო დედალი კაფალოზი თევზი ყოველწლიურად ყრის ორას ათას კვერცხს, ზუთხი კი თითქმის ორ მილიონს. მაგრამ ესეც ცოტაა. არსებობენ ჭიები, რომლებიც ყოველწლიურად სდებენ სამოციდან ას მილიონ კვერცხს. მრავალი სხვა ამგვარ მაგალითების მოყვანა შეიძლება, მაგრამ მთე-

ლი დედამიწის დასასახლებლად ამგვარი სწრაფი გამრავლება არც კია საჭირო. აი, მაგალითად, სპილოები: ისინი, ზოგჯერ ას წლამდე სცოცხლობენ. ამ ხნის განმავლობაში თითო სპილო მხოლოდ სამს აჩენს. მაგრამ ეს სამი ხომ წამოიზრდება და თითო მათგანი ისევ სამ-სამს გააჩენს? და ასე შემდეგშია. რამდენი სპილო უნდა გაჩნდეს ამგვარად ხუთასი წლის შემდეგ? თუ ყველა ახლად გაჩენილი სპილო იცოცხლებს, ხუთასი წლის შემდეგ ერთ წყვილ სპილოსაგან მივიღებთ არა ნაკლებ ხუთმეტ მილიონს. მაგრამ დედა-მიწაზე ხომ მარტო ერთი წყვილი კი არა, მრავალი სპილო სცხოვრობს? მათ გამრავლებას რომ არასფერი აფერხებდეს, მაშინ ხუთასი წლის შემდეგ სპილოები მოედებოდნენ მთელ დედა-მიწას და არავის, მაშასადამე მათ შორის ადამიანსაც, აღარ დარჩებოდა ადგილი საცხოვრებლად.

ასე მრავლდება სპილოები. სხვა მხეცები ბევრად უფრო სწრაფად მრავლდებიან, ფრინველები—კიდევ უფრო სწრაფად, ხოლო ბაყაყები და ხელიკები კი—ფრინველებზე უფრო სწრაფად. თევზებზე ხომ ლაპარაკიც ზედმეტია. კოლოები, ბუზები, ჭიები და სხვა პატარა ცხოველები კი გასაოცარის სისწრაფით მრავლდებიან.

ყველა ამ ცხოველს ჭამა უნდა. ერთი და იგივე საჭმელი მრავალ ერთი და იმავე ჯიშის ცხოველს სჭირდება, ზოგჯერ კი სხვა ჯიშის ცხოველებსაც; ჭამა, ჭამა, და უპირველესად ყოვლისა, ისევ ჭამა. მაგრამ ხსენებულ სისწრაფით გამრავლებულ ცხოველებს რა საჭმელი გაუძლებს? ხოლო ვისაც არა ჰყოფნის, ის ძალაუნებრივად კვდება...

## როგორ და ვისა სჯობს სიკვდილი?

და მართლაც, ყოველწლიურად, ყოველ საათში იხო-  
ცება აუარებელი სხვა და სხვა ჯიშის ცხოველი. რატომ  
არის, მაგალითად, რომ ლიფსიტით (селедка) არ არის  
გავსებული ზღვები და ოკეანები, მიუხედავად მათი სწრა-  
ფი გამრავლებისა? მთელი დედამიწა რატომ სპილოებით  
არ არის სავსე? რად მოხდა ისე, რომ რომელიმე ერთმა  
ჯიშმა არ მოსპო სრულიად სხვა დანარჩენი ჯიშები? იმი-  
ტომ, რომ ამას ხელს უშლიდა სიკვდილი, დაიღუპვა სხვა  
და სხვა მიზეზებისა გამო. რამდენი ცხოველიც იბადება,  
თითქმის იმდენივე იხოცება უდროოდ. ყველა ისობა  
ზოგიერთ ბედნიერების გარდა. იხოცებიან სიცივისაგან,  
შიმშილისაგან, ავადმყოფობისაგან, სხვა და სხვა მტრე-  
ბისაგან, და სხვა მრავალ ცხოვრების შემაფერხებელ  
მიზეზებისაგან. ზოგჯერ იხოცებიან მილიონობით ერთად.  
ასე, მაგალითად, მხოლოდ კასპიის ზღვაში, მარტო  
მეთევზეებისაგან იხოცება დაახლოებით შვიდასი მი-  
ლიონი ლიფსიტა (селедка) ყოველწლიურად. ვინ  
იცის, კიდევ რამდენი იხოცება სხვა ქვეყნების მე-  
თევზეების ბადეებში? ვინ იცის, რამდენი იხოცება  
ზღვის ფრინველებისაგან; რამდენი იხოცება დაბადების  
პირველ დღეებშივე? რამდენს უსჯობს სიცოცხლეს  
სხვა თევზები, კიბოები და დანარჩენი ზღვის ცხოვე-  
ლები? ასე, მაგალითად, ზღვაში სცხოვრობს ერთი ცხო-  
ველი, რომელსაც კაშელოტს ეძახიან. მხოლოდ ერთი ეს  
ცხოველი ზოგჯერ სჭამს ერთბაშად რამოდენიმე ათას  
ლიფსიტას (селедка). რამდენი უნდა ეყოს ამ ცხოველს.



გასაძღომად? კაშელოტები ცოტანი არ არიან. მხოლოდ მათ საკვებად საჭიროა ყოველწლიურად არანაკლებ ათი ათას მილიონი ლიფსიტისა (селетка). მაგრამ „სელიოტკასაც“ ხომ ჭამა უნდათ. ისინიც თავის მხრივ ხოცავენ მრავალ სხვა ცხოველებს. მათ რიცხვს ვერც კი დავთვლით. და ასე ხდება უძველეს დროიდან.

აი კიდევ სხვა მაგალითები იმისა, თუ რამდენი ცხოველი იღუპება სხვა მიზეზებისაგან. მხოლოდ ერთი ფრინველი „სიპუხა“ ყოველწლიურად ხოცავს საშუალოდ ორ ათას თავეს უამისოდ ის ვერ იარსებებს. თითო შევარდენს კი გასაძღომად სჭირია წლის განმავლობაში არა ნაკლებ ათასი პატარა ჩიტისა. არის გარეული ფრინველი ჭინო (СЫУ), რომელმაც წლის განმავლობაში ათი ათასი თავი უნდა დაიჭიროს. ეს მისი წლიური კვებაა. პატარა ჩიტები ასევე სთესავენ სიკვდილს. თითო ბელურა, მაგალითად, გასაძღომად, ყოველკვირა ჰკლავს სამ ნახევარ ათას ჭიას. თითო პატარა ჩიტი ყოველწლიურად იჭერს არა ნაკლება ორას ოც ათას ბუზანკალს. აბა, ეხლა დათვალეთ რამდენი სხვა და სხვა ჯიშის ფრინველი სცხოვრობს დედამიწაზე! რამდენი ჭია და ბუზი უნდა ეყოს მათ გამოსაკვებად?

მაგრამ ეს კიდევ ცოტაა! ბევრად უფრო მეტი ცხოველი იხოცება სიცივისა და შიმშილისაგან, ზოგჯერ რომელიმე მოუხსავლობიან წელში ერთბაშად იხოცება მილიონჯერ მილიონები სხვა და სხვა ჯიშებისა. ხდება, მაგალითად, ასეთი შემთხვევები: არხანგელის გუბერნიაში, ოკეანეს ნაპირებთან ზოგჯერ მთელი უდაბნოები სავსება სხვა და სხვა ჭრელი ცხოველებით. ისინი მსუნაგები არი-

ან და აუარებელი საქმელი სჭირიათ. იკვებებიან ბალახით. ზოგჯერ მათთვის საჭირო ბალახი მოუსაველობის გამო ცოტა მოდის, და ისინი იხოცებიან. მათთან ერთად იხოცება ყველა ის მწერები, რომელიც იმავე ბალახით იკვებება. ამის გამო იღუპება ის ფრინველებიც, რომლებიც ჭრელა ცხოველებით და მწერებით საზრდოობენ. დაიღუპებიან აგრეთვე ხვლიკები და მხეცები. ან მაგალითად, ასე ხდება: თუ ნაადრევად აცივდა და ყინვები დაიწყო, მთელი უდაბნო მოიფინება აუარებელ მკვდარ ცხოველებით. ბუზები კი ვერ იტანენ მცირე სიცივესაც. ყოველივე ყინვიანი დღე ღუპავს მრავალ მილიონ ბუზებს და სხვა ცხოველებს. ამიტომ შეიძლება ვთქვათ, რომ სიკვდილი ყოველ მხრიდან თავს ესხმება ცხოველებს.

და სიკვდილი ბუნებრივი კი არა, **ნაადრევია**. სწორედ ამ ნაადრევ სიკვდილშია საქმე. მრავალი მილიონი ცხოველი იღუპება, მართლაც, ნაადრევად. ისინი ველარც თითონ სცხოვრობენ და ველარც შთამომავლობას სტოვებენ. ან თუ დასტოვეს—ამ შთამომავლობასაც იგივე უბედურება ატყდება თავზე. ასე ემართება ყველა შემდეგ შთამომავლობებსაც და ასე ბოლომდის. ეგრე იყო მილიონ წლების წინედ. ასეა ეხლა, ასევე იქნება მომავალშიაც.

რა საქმეს აკეთებს ეს **ნაადრევი სიკვდილი**? ისიც **გადარჩევას** ახდენს. სიკვდილი არჩევს ერთ ცხოველს მეორისაგან; ზოგიერთები იხოცებიან დროზე ადრე, ზოგი კი რჩება და განაგრძობს ცხოვრებას ჯიშის გასამრავლებლად.

## როგორ ეთვისებიან ცხოველავი ცხოვრების

### პირობებს?

ეხლა საკითხავია, რომელი ცხოველები იხოცებიან, და რომელნი განაგრძობენ სიცოცხლეს? ეს დამოკიდებულია როგორც თვით ცხოველთა აგებულებაზე, ისე იმ პირობებზე, რომლებშიც ისინი სცხოვრობენ. იმისთვის, რომ ცოცხალი დარჩეს, ყოველი სულდგმული უპირველეს ყოვლისა უნდა შეეგუოს გარემოს ისე, რომ შეძლების დაგვარათ ცხოვრების პირობებმა ნაკლებად ავნონ მას. მაგალითად თევზებს წყალი არ ავნებს, რადგანაც ისინი შეგუებულნი არიან წყალში ცხოვრებას. აგრეთვე ფრინველები შეგუებულნი არიან ჰაერში საფრენად. ირმები და კურდღლები შეგუებულნი არიან სარბენად. მას შევლის მათი ტანის აგებულება. ვეფხვებს და ლომებს. კბილები და ბრჭყალები ისე აქვთ მოწყობილი, რომ ადვილად გასწეწონ, დაგლიჯონ ნადავლი. სხვა ცხოველები შეგუებულნი არიან ტყეებში, ან მინდვრად ცხოვრებას. დედამიწის ყოველ კუთხეში სცხოვრობენ ცხოველები, რომელნიც სწორედ ამ კუთხის პირობებს ეგუებიან. სხვა ცხოველებს ეს პირობები ავნებთ, რადგანაც ისინი არ შეგუებულან ამ კუთხესთან. ცხოვრობენ, მაგალითად, ბნელ გამოქვაბულებში ქვემძრომთა და თევზების ერთგვარი ჯიშები, რომლებიც მხოლოდ სიბნელეს შეეგუენ. ისინი სინათლეს ვერ იტანენ. სინათლე მათზე ცუდათ მოქმედებს. და აი რა არის აღსანიშნავი: თევზების ამ ჯიშებს თვალები არც კი აქვთ, ასე რომ მათ უხდებათ შეხებითი გრძობებზე დაყრდნობა. და მიუხედავად ამი-

სა, ეს ცხოველები მაინც მშვენიერად ცხოვრობენ. ისინი სიბნელეში არ ილუბებიან. შეხებითი გრძნობებით სარგებლობენ და სიბნელეში თვალები არც კი სჭირდებათ. ხოლო თუ მათ გამოქვაბულში შევა თვალებიანი ხელიკი ან თევზი, მას სიბნელეში თვალები ვერ გაუწევს დახმა-



ბრმა კვემსრომი ცხოველი, რომელიც ბნელ გამოქვაბულებში სცხოვრობს.

რებას და დაილუბება, რადგანაც ამგვარ ცხოვრებასთან არ არი შეგუებული.

ან აი კიდევ სხვა მაგალითი: მადერის კუნძულზე არსებობენ ერთი ჯიშის ხარა-ბუზები. მათ ფრთები არა

აქვთ და ვერც დაფრინავენ. და ისინი თავის პირობებს მაინც შეეგუენ სხვა, ფთებიან მწერებზე უკეთესად. რასაკვირველია ეს მათდაუნებურად მოხდა. რათ მოხდა ასე? — იმიტომ, რომ ამ კუნძულზე ხშირად იცის ძლიერი ქარი. ქარს ყველა მფრინავი მწერები თან მიაქვს ზღვისაკენ — სასიკვდილოდ. ის მწერები კი, რომელთაც ფრენა არ შეუძლიათ, ცოცხლები რჩებიან. მაშასადამე მწერებისათვის ამ კუნძულზე უფრო სასარგებლოა, რომ ფრენის უნარი არ ჰქონდეთ.

ან დავაკვირდეთ, მაგალითად ნახევრად ბრმა თხუნელას. ის ყველა სხვა თვალხილულ მხეცზე უკეთ შეეგუა მიწის ქვეშ ცხოვრებას. ვინც უკეთ შეეგუა ცხოვრების ამა თუ იმ პირობებს, ის უფრო მეტ ხანს გასძლებს ამ პირობებში.

### რას ნიშნავს უკეთესად და უარესად უთვისება.

რას ნიშნავს შეგუება? ეს უპირველესად ყოვლისა ნიშნავს **სხეულის შესაფერ აგებულებას**. თევზს სხეული ისე აქვს მოწყობილი, რომ ადვილად მოძრაობს წყალში, ფრინველი — ჰაერში დაფრინავს, თხუნელა — მიწაში დაძვრება, ბრმა ხელიკი — ბნელ გამოქვაბულებებში სცხოვრობს, ირემი და კურდღელი — ადვილად დარბის. მაგრამ ამით ჯერ კიდევ არ თავდება საქმე: ერთიდაიმავე ჯიშის ცხოველები ზოგჯერ თანაბრად არ არიან შეგუებულინი გარემოსთან. ავილოთ მაგალითად ერთდა იმავე ჯიშის ორი ირემი; მაგრამ ერთი მათგანი უფრო ძლიერი და ამტანია, კარგი კუჭი, მაგარი ფეხები და გამ-

ქრიახი თვალები აქვს. მეორე კი იმდენად გამძლე არ არის და სხეულიც უფრო სუსტი აგებულებისა აქვს, ვიდრე პირველს. პირველი, რასაკვირველია უფრო მეტ ხანს გასძლებს უძმელი, ვიდრე მეორე. მას შეუძლია სხვა ადგილზე გადასახლდეს—იქ, სადაც მეტი საქმელია. მას ვერ მისდევს, რასაკვირველია, სუსტი ირემი; რომელსაც კუჭი, ფეხები და თვალები პირველზე უფრო სუსტი აქვს. სხეულის ჯანსაღი აგებულება, ცხადია სამსახურს გაუწევს პირველს, რომ თავი გაიტანოს. სუსტი აგებულება კი ადრე თუ გვიან უღალატებს, და ბოლოს ისე გამოვა, რომ უფრო ჯანსაღი აგებულების ირემი ბევრად მეტ ხანს გასძლებს, ვიდრე სუსტი აგებულებისა. ის უკეთ არის შეგუებული თავის ცხოვრების პირობებთან. მაშასადამე დალუპვისა და ნაადრევ სიკვდილის მიზეზები თვით სხეულის აგებულებაში უნდა ვეძიოთ. დიდი ხნის სიცოცხლის საფუძველიც იმავე სხეულის აგებულებისაგან არის დამოკიდებული. და ეს ითქმის არა მარტო ირემზე, არამედ ყველა სხვა ცხოველებზედაც, მაგალითად, თევზებზე, ფრინველებზე, ბუხებზე, მწერებზე, ლოკოკინებზე, ქვემძრომებზე და სხვა, ყოველგვარ გამონაკლისის გარეშე. ასე ხდება დღესაც და მოხდება ყოველთვის მომავალშიაც.

**რად იხმოცობიან უფრო ადრე ცხოვრებასთან შეუთვისებელნი, ე. ი. რად ხდება მათი შერჩევა ცხოვრებასთან შეთვისებულ ცხოველებსაგან.**

ყოველ არსებას სულ მცირე წვრილმანიც კი სხეულში ოდესმე გამოადგება და ამა თუ იმ სამსახურს გაუწევს. როგორ ხდება ეს? ზოგიერთი წვრილმანი თა-

ვისებურება, სხეულის აგებულობაში, სასარგებლოა ცხოვრებისათვის, ზოგიერთი კი ხანდახან მავნებელია. ცხოვრების სხვადასხვა პირობებში სხვადასხვა თავისებურებანი ხან და ხან სასარგებლოა და ზოგჯერ საზიანო. აი, მაგალითად ავიღოთ კურდღლები: იმისათვის, რომ მტერს გაექცენ მათ სჭირიათ გრძელი და ღონიერი ფეხები, და მართლაც თითქმის ყველა კურდღლებს თანაბარი სიგრძის და ღონის ფეხები აქვთ. მაგრამ მაინც ზოგიერთს უფრო გრძელი აქვთ, ზოგს კი უფრო მოკლე. ყოველივე ამგვარი პატარა თავისებურება თავის დროზე იმოქმედებს კურდღელზე. თუგინდ სულ ცოტათი უფრო მოკლე ფეხების ქონება—უკვე საზიანოა კურდღლისათვის, რადგანაც ეს გარემოება მას სიკვდილს უქადის მხეცებისაგან. აგრეთვე საზარალოა, თუ მას ცუდი თვალები, ცხვირი და კუჭი აქვს. ყველაფერი ეს ხელს უშლის ცხოვრებას და უდროვო სიკვდილს მოასწავებს. და მართლაც, უმთავრესად ის ცხოველები იღუპებიან, რომელთაც სხეული უფრო ცუდათ აქვთ მოწყობილი არსებობისათვის. ამგვარი ცხოველები მილიონობით იღუპებიან იმ დროს, როდესაც იმავე ჯიშის სხვა ცხოველები, თუ მათ უკეთესი აგებულების, სხეული აქვთ,—იმ რაოდენობით არ იხოცებიან. ასე იყო, არის და იქნება მუდამ.

ასევე ემართებოდა, ემართება და მომავალშიაც დაემართება მას. სიკვდილი მათაც დაჰყოფს ხარისხებათ იმის და მიუხედავად, თუ ვის როგორი ტანის აგებულება აქვს. მათ შორისაც ჯანსაღი აგებულებისანი უფრო ნაკლებად დაიხოცება, ვიდრე ისინი, ვინც სუსტი სხეულის პატრონია. ასევე ემართება და დაემართა მესამე, მეოთ-

ხე, მესე და მეთასე მოდემასაც. მაშასადამე, თავისთავად ხდება შერჩევა უკეთესად შეგუებულ ჯიშებისა, უარესისაგან. ამ უკანასკნელთა რიცხვით თანდათან მცირდება, და მათ ადგილს იჭერდა უკეთესად შეგუებული ცხოველები. ასე ხლებოდა ასი ათას და მილიონ წლების განმავლობაში.

ამგვარი შერჩევა თვისთავად სწარმოებდა და იწარმოებს მუდამ. ამიტომ თანდათან რჩება ისეთი ცხოველები, რომელთა ტანიც საუკეთესოდ არის მოწყობილი ამათუ იმ პირობებში საცხოვრებლად, ანუ რომელნიც უკეთ არიან შეგუებულნი ამ პირობებთან.

ასე ემართება როგორც მათ შთამომავლობას, ისე ეხლა დანარჩენ შთამომავლობებსაც. და ბოლოს, გამოდის ისე, რომ დროთაგანმავლობაში ჯიში თითქოს იცვლება, ერთი ჯიშისაგან იქმნება მეორე, უფრო უკეთესი, და უკანასკნელნი უკვე აღარ წააგავან თვიანთ წინაპრებს.

### **როგორ იქმნება თავისთავად ერთ ჯიშისაგან მეორე ჯიში?**

**მაგრამ ასე ეს თუ არა?** შეიძლება თუ არა ჩვენი თვალებით დავინახოდ და დავრწმუნდეთ, რომ ერთი ჯიშისაგან მართლაც თავის თავად იქმნება მეორე ჯიში? ღიახ, ამის ნახვაც შეიძლება. აი მაგალითად რა ცდა მოახდინა ოდესსაში 1874 წელს ერთმა რუსმა სწავლულმა, გვარად **შმანკევიჩმა**: მან ისე მოაწყო საქმე, რომ მის თვალწინ პატარა კიბოების ერთი ჯიში თავისთავად გადაიქცა მეორე ჯიშათ.



საქმე ასე იყო. არსებობენ ერთგვარი ძალიან პატარა კიბოები, რომლებსაც არტემიებს ეძახიან. ზოგიერთი მათგანი მარილიან წყალში სცხოვრობენ (ზღვაში), ზოგნი კი მდინარის წყალში. იმ არტემიებს, რომლებიც მარილიან წყალში სცხოვრობენ, ეძახიან მიულგაუზენელებს, ხოლო მათ, კი, რომლებიც მოწმინდო წყალში არიან, ეძახიან სოლონეცის არტემიებს. ეს ორი ჯიში ერთი-მეორეს არ ჰგავს. სოლონეცის არტემიებს კუდზე ბეწვები აქვს, მიულგაუზენელებს კი-არა. შმანკევიჩმა დაიჭირა ბევრი ამგვარი კიბოები და მათი მოშენება დაიწყო დიდ ქურჭლებში. ერთ ქურჭელში ჰყავდა სოლონეცის არტემიები, მეორეში კი მიულგაუზენისა. შმალკევიჩმა შემდეგი ცდა მოახდინა: ის შერჩევას კი არ აწარმოებდა, არამედ მხოლოდ თანდათან უმატებდა მარილს იმ წყალში, სადაც სოლონეცის არტემიები ჰყავდა. მიუმატებდა მარილს და იცდიდა, სანამ ახალი მოდგმა დაიბადებოდა. შემდეგ ისევ მოუმატებდა ცოტა მარილს და ისევ იცდიდა. და რა აღმოჩნდა? მის თვალწინ კიბოების ერთი ჯიშიდან თანდათან წარმოიშვა მეორე ჯიში. ახალ მოდგმების არტემიების ტანის აგებულება თანდათან შეიცვალა. მოდგმიდან—მოდგმამდე კუდი თანდათან უბრტყელდებოდათ და ბეწვების რიცხვიც კლებულობდა. დაბოლოს სოლონეცის არტემიების კუდი სავესებით დაემსგავსა მიულგაუზენის არტემიების კულს. ცხადია, ამ ცხოველთა ტანის აგებულება თავის-თავად შეიცვალა, და ეს მოხდა მხოლოდ იმიტომ, რომ მათ მარილიან წყალში, ესე იგი სხვა პირობებში, მოუხდათ ცხოვრება.


მაგრამ შმანკევიჩი ამაზე არ შეჩერდა. მან აიღო იგივე სოლონეცის არტემიები და თანდათან შეაჩვია

უმარილო წყალს. ამასაც მოდგმიდან.—მოდგმამდე ახდენ-  
და, მეტად ფთხილად და ნელ-ნელა. და რა მოხდა? ამ  
ჯიშის არტემიებმაც თანდათან შეიცვალეს თავისი სახე.  
მოდგმიდან-მოდგმამდე ახალ ახალი არტემიები იბადებო-  
დნენ და, დაბოლოს, მიიღო კიბოების სულ ახლი ჯიში.  
ამ ჯიშის კიბოებს ეძახიან „ბრანხიპუს“, რსც ნიშნავს  
„ფეხ-ლაყუჩას“. ამ ბრანხიპუსებს სულ სხვა გვარად აქვს  
მოწყობილი როგორც ტანი, ისე კული, პირი, ფეხები და  
აგრეთვე შიგნეულობაც. ცხადია, ამ შემთხვევაშიც ერთ-  
ჯიშიდან თავისთავად წარმოიშვა მეორე ჯიში. მაშასა-  
დამე მართლაც შესაძლებელი ყოფილა ერთი ჯიშიდან  
მეორე ჯიშის მიღება. და ეს ხდება თავისთავად, ყოვე-  
ლივე შერჩევის გარეშე.

მაგრამ რად ხდებოდა ასე? საქმე აი რაშია: კურ-  
ქელში სცხოვრობდნენ რამოდენიმე ათასი ცალი ერთ და  
იმავე ჯიშის კიბოებისა. მათ შორის ზოგი მიაზრდილი  
იყო, ზოგი უფრო მცირე ტანისა. იყვნენ მსხვილ კანიანი,  
და შედარებით უფრო თხელკანიანი კიბოები. იყვნენ ისე-  
თები, რომლებსაც მეტი ცვლილებების ატანა შეეძლოთ,  
და ისეთებიც, რომლებიც ნაკლებად იტანდნენ ცვლილე-  
ბებს. როგორც კი წყალი ცოტათი დამლაშდა—ეს იმ-  
წამსვე იგრძნეს ყველა კიბოებმა. ჩვეულებისამებრ, ზოგი  
კიბო დაავადმყოფდა და მოკვდა კიდევ. წყლის შეცვლამ  
ცუდათ იმოქმედა მათზე, ვინც ნაკლებად იყო შეგუებუ-  
ლი ამგვარ ცვლილებებთან. ყველა ამგვარი კიბოები დაა-  
ვადმყოფდნენ და დაიხოცნენ. თუმცა ზოგიერთმა მათგან-  
მაც დასტოვეს შთამომავლობა. მაგრამ ამ შთამომავლო-  
ბაშიც ყველა კიბოები ერთი-მეორეს არ წააგავდნენ. მათ

შორისაც ზოგი უფრო ადვილად იტანდა ცვლილებებს, ზოგი კი ძნელად. შეუფუებელნი მათ შორისაც დაიხოცენ. გადარჩენ მხოლოდ ისინი, ვინც უფრო შეგუებული იყო ახალ პირობებთან, ესე იგი ახალ წყალთან. შემდეგში დაიბადა კიბოების კიდევ ახალი შთამომავლობა. მათ იგივე დაემართათ: სუსტნი დაიხოცენ, უფრო გამძლენი კი გადარჩენ. ამგვარი კიბოები თავისთავად გამოეყვენ სუსტებს. ამ შთამომავლობას იგივე დაემართა. აგრეთვე ამ უკანასკნელთა ახალ შთამომავლობასაც. ასე გრძელდებოდა საქმე და ბოლოს მივიღეთ შემდეგი: ყველა სუსტი და შეუფუებელი კიბოები დაიხოცენ და აღარ მრავლდებოდნენ, რადგანაც არ დარჩა არც ერთი კიბო, რომელსაც ახალ პირობის მიხედვით ტანის „არასასურველი“ აგებულება ჰქონოდა. გადარჩენ მხოლოდ ისინი, ვისი სხეულიც უფრო მაგარი იყო ახალ წყალში, ე. ი. ახალ პირობებში საცხოვრებლად. ასეთებმა განაგრძეს ცხოვრება და ამის გარდა თავის შემდეგ შთამომავლობაც დასტოვეს. მაგრამ ზოგჯერ ამ შთამომავლობაშიც გამოერევა ხოლმე სუსტი კიბოები. და მათ შთამომავლობასაც, რასაკვირველია, იგივე ემართება, რაც სხვისას. ნაკლებად გამძლე კიბოები რასაკვირველია, უფრო ადრე და უფრო ბევრი იხოცებოდა. და აი, ასეთი შერჩევა გრძელდებოდა თავისთავად ისე, რომ მასში მონაწილეობას გარედან არავინ იღებდა. სხვაგვარად არც შეიძლებოდა, რომ ყოფილიყო, რადგანაც თვით მათი ცხოვრების პირობები შეიცვალა. ბოლოს და ბოლოს, მრავალ მოცდემების შეცვლის შემდეგ გადარჩენ ისეთი კიბოები, რომლებიც საესებით შეგუებულნი არიან ახალ წყალში საცხოვრე-

ბლად. მაგრამ ამგვარ ცხოვრებისათვის ხომ სხეულის სხვა აგებულობაა საჭირო? ცხადია, მაშასადამე, თვით ეს სხეულის აგებულობაც უნდა შეცვლილიყო. ასეც მოხდა სინამდვილეში. კანი უფრო სქელი გაუხდა იმ კიბოებს, რომლებიც მიეჩვიენ მარილიან წყალს. რად მოხდა ასე? იმიტომ, რომ უფრო ამტანი ისინი აღმოჩნდნენ, ვისაც შემთხვევით უფრო სქელი კანი ჰქონდა. ამგვარი კიბოები გადარჩენ და თავის მსგავსი შთამომავლობა მოგვეცეს. ამ ახალ ჯიშიდანაც ის გადირჩა, ვისაც აგრეთვე შემთხვევით, უფრო სქელი კანი აღმოაჩნდა. ასე გრძელდებოდა ერთ შთამომავლობიდან მეორემდე. ყოველთვის სქელკანიანები უფრო ნაკლებად იხოცებოდნენ. და ბოლოს მხოლოდ სქელკანიანები დარჩენ. თხელ-კანიანები კი მოისპვნ.



როგორ შეეცვალა კული სოლონეცის არტემიების იმის გამო, რომ მარილი მოუმატეს წყალს, რომელშიაც ის სცხოვრობდა. № 1 სოლონეცის არტემიის კულია. № 6—მიულგაუზუნის არტემიის კულია. მათ შორის №№ 2, 3, 4 და 5 გამოხატავენ თანდათანობით ცვლილებას, რომელიც ხდებოდა მათ კულში. ამგვარად არტემიების ერთი ჯიშიდან შეიქმნა მეორე, სრულიად განსხვავებული ჯიში.

მაშასადამე ისე მოხდა, რომ კიბოების მთელ ჯიშს, ისე როგორც ცალკე კიბოს, კანი გაუსქელდა—ან სხვა გვარად, რომ ვსთქვათ, შეიცვალა მისი აგებულება. რასაკვირველია, ეს ერთბაშად არ მოხდა, არამედ დროთა განმავლობაში, შთამომავლობათა მრავალი შეცვლის შემდეგ.

ასე შეიცვალა თავის თავად კანის, ჯაგებულება. მაშასადამე ამათუ იმ ნაწილის ცვლილება თავის თავად მართლაც შესაძლებელი ყოფილა.

ამგვარადვე შეიცვალა სხვა ნაწილებიც, მაგალითად, კუდი, კუდის ბუსუსები, თავის შიგნეულობა და სხვა. ერთი სიტყვით, მრავალ ჩამომავლობათა შეცვლის შემდეგ **მთელი სხეულის** აგებულება შეიცვალა. ეს კი ნიშნავს, რომ კიბოების ერთი ჯიშიდან გამოვიდა სრულიად სხვა გვარი ჯიში: **ჩამომავლობა აღარ დაემსგავსა თავის წინაპრებს.**


### **სხეულის აგებულება მხოლოდ სასარგებლოთ იცვლება.**

მაშასადამე ამგვარი ცვლილებები მარტო ძველ დროში არ ხდებოდა. ის ხდება დღესაც. ასეთივე ცვლილებებს ადგილი ჰქონდა მილიონ წლების წინედაც. და არა მხოლოდ კიბოებში, არამედ ყველა, სულ ყველა ცხოველებში, რომლებიც კი სცხოვრობდნენ დედა მიწაზე. ჩამომავობიდან—ჩამომავლობამდე ყველა ცხოველების სხეული იცვლება. ასეთი ცვლილება ჩვეულებრივად შეუმჩნეველად, ნელ-ნელა და თან და თან ხდება, მაგრამ მაინც მას აქვს ადგილი. იცვლება კანი, ტანი, თვალები, ყურები, კუჭი, ფეხები და სხეულის სხვა ნაწილები. იცვლება სხვა და სხვა მიმართულებით იმის და მიხედვით, თუ რა პირობებში უხდება ცხოველს არსებობა. მაგრამ აი, რა არის განსაკუთრებით აღსანიშნავი: თუ ამგვარი ცვლილებები სასარგებლოა ცხოველისათვის, ის ხელს უწყობს ამ ცხოველს მეტი ხანი იცოცხლოს დედა-მიწაზე და მეტად

გამრავლდეს. ასეთი ცვლილებები ხელს უწყობენ იმას, რომ სხეული თან და თან ეგუებოდეს გარეშე პირობებს. სხვა გვარად არც შეიძლება რომ იყოს. თუ რომელიმე ცხოველი ვერ შეეგუა გარემოს—ის ხომ ნაადრევად დაიღუპება? ასევე დაიღუპება მისი შთამომავლობა. უფრო დიდხანს კი ის გაძლებს, ვისი ტანის აგებულებაც უფრო შეეგუება ახალ პირობებს.

მაშ აი რა მიმართულებით მიდის სხეულის აგებულების ცვლილებები: ცხოველთა ჯიშში ისე იცვლება, რომ უკეთ და უკეთ შეეგუოს ცხოვრების პირობებს; სასარგებლო ცვლილება გადაარჩენს ცხოველსაც დაღუპვისაგან, გადაეცემა ჩამომავლობას და შემდეგში ამ ჯიშის თვისებად გადაიქცევა. მაგალითად, ლომისათვის სასარგებლოა მაგარი და ბასრი ბრჭყალები, კურდღლისათვის—ლონიერი და მარდი ფეხები, მელიასათვის—ხერხი და სიეშმაკე, ხარისა და ცხვარისათვის—რქები და გრძელი ნაწლავები, მაიმუნისათვის გრძელი კუდი და გრძელ თითებიანი ხელები, არწივისა და შევარდენისათვის—გამჭრიახი თვალები და მაგარი ფრთები, ვეშაპისა და ზღვის ლორისათვის საცურავო ფრთები, ლოკოკინასათვის—ბუდე, კოდოსათვის—მისი ისარი, ობობასათვის—ქსელის მოქსოვის უნარი, გველისათვის—შხამიანი კბილები, წეროსათვის—გრძელი ყელი, სპილისათვის—ხორთუმი, პეპელასათვის—ფერადი ფრთები, თუთიყუშისათვის—ფერადი ბუმბული. ერთი სიტყვით ყოველივე ცხოველის სხეული ისე მოწყობილა, როგორც უფრო სასარგებლოა მისთვის არსებულ პირობებში. ასე რომ არ იყოს ცხოველთა ჯიშები შეიცვლებოდა, ან და სრულიად მოისპობოდა. არ მოისპობოდა მხოლოდ

ის, ვინც შეგუებულია, ესე იგი ვისთვისაც თვის ტანის აგებულება სასარგებლოა არსებულ პირობებში. ამიტომ არის, რომ პირველი შეხედვით ისე სჩანს, თითქოს ბუნებაში ყველასფერი წინაღვე განზრახულ მიზნის მოხედვით არის გაჩენილი და ყველასფერი შესაფერ პირობებთან არის შეგუებული. ზოგიერთი იმასაც კი ფიქრობს, რომ ეს ასე გააჩინა „ღვთაებამ“. ნამდვილად კი ყველასფერი თავის



ამ სურათზე ასო a-თი და-  
ნიშნულია უმარტილო წყალ-  
ში მცხოვრები პატარა კიბო  
შ რ ა ნ ხ ი ჰ უ ს ი. ასო B-თი  
კი—კიბო სალონეცის არ-  
ტემია.

თავად მოხდა, რადგანაც სხვანაირად არც კი შეიძლებოდა რომ მომხდარიყო. მთელი საქმე შერჩევაშია, ე. ი. შეუგუებლების დაღუპვაში.

შეგუება ყოველთვის იაფად არ უჯდებათ ცხოველებს; ის აუარებელ ცოცხალ არსებათა დაღუპვის შედეგია. ვინც ნაკლებად არის შეგუებული, მას ყველაზე მეტი შიში აქვს დაღუპვისა და მართლაც უფრო ადრე იღუპება. დაღუპვა, დაღუპვა და დაღუპვა.

დაღუპვა და ნაადრევი სიკვდილი. აი რა ფასით არის მიღწეული ცხოვრების პირობებთან შეგუება!

### პირობებთან შეგუება, თუ მასთან ბრძოლა?

აი რაზეა აშენებული ქვეყნიარება,—უთვალავ ცოცხალ არსებათა ნაადრევ სიკვდილზე! ამგვარადვე იყო ის აგებული მრავალ მილიონი წლების განმავლობაშიაც.

მაგრამ ნუ თუ ყოველთვის ამაზე იქნება დაყრდნობილი ქვეყანა? სრულიადაც არა—და აი რატომ. ნაადრევი სიკვდილი ყოველთვის მაშინ ხდება, როდესაც ცხოვრების პირობები მავნებელია. მაგრას რისთვის უნდა მოვითმინოთ ეს მავნებელი პირობები? ისინი ყოველ გვარ ზომებით უნდა მოვსპოთ, მას ყველა საშუალებებით უნდა ვებრძოლოთ. ერთი სიტყვით, გარეშე პირობები უნდა შევცვალოთ საჭირო ჯიშის სასარგებლოთ ისე, რომ ისინი ყოველ შემთხვევაში მავნებელნი მაინც აღარ იყვნენ.

ან სხვანაირად რომ ვსთქვათ, საჭიროა არა მხოლოდ შეგუება პირობებთან, არამედ თვით ამ პირობების შეგუებაც ჩვენთან, ჩვენ მოთხოვნილებებთან.

ეს თავის-თავად ხდება. და ხდება იმიტომ, რომ ყოველივე ცოცხალი არსება ცხოვრობს და სურს სიცოცხლე, სურს მისი გაგრძელება ყველა საშუალებებით; ის ეძებს იმ ბედნიერებას, რომელიც მას სჭირდება.

ასეთი ბრძოლა გარეშე პირობებთან უძველეს დროიდან სწარმოებს. სხვა და სხვა ცხოველები სხვა და სხვა საშუალებებით ებრძვიან მათ. ვინც ძლიერ სუსტია, ის ამ პირობებს იმით ებრძვის, რომ უფრო და უფრო მრავალრიცხოვან შთამომავლობასა ჰქმნის.

ნაადრევე დალუპვის წინააღმდეგ ასეთი სუსტი ცხოველები სარგებლობენ თავისი გამრავლებით. გამოდის ასე: ბევრი ილუპება, მაგრამ სამაგიეროდ ბევრიც იბადება. რომელ ჯიშის ცხოველიც მეტი ილუპება, ის ჯიში უფრო დიდით და სწრაფად მრავლდება. საიდან წარმოიშვა ასეთი გამრავლება? ისიც თავის თავად წარმოიშვა, რადგანაც ამისათვის შეიცვალა ამგვარ ჯიშების სხეულის



აგებულება. ან, სხვაგვარად რომ ვსთქვათ, სხეულში ისეთი ცვლილებები მოხდა, რომ ის შეეგუა სწრაფ გამრავლებას. ცხოველს ასეთი თვისება შეეძლო მიეღო შემდეგი საშუალებით: რომელიმე დედალს ჰყავს, მაგალითად ათი შვილი, მეორეს კი—ოცი. წარმოვიდგინოთ, რომ თანაბარ პირობებში ყოველ ათიდან იღუპება რვა სული, მაშასადამე, პირველ დედალის შვილებისაგან გადარჩება ორი, მეორისაგან კი ოთხი, ე. ი. ორჯერ მეტი. მაშ რომელი დედალის შთამომავლობა უფრო იმრავლებს? რასაკვირველია, იმისი, ვისაც მეტი შვილი ჰყავდა. ამ ნაყოფიერ დედალის შვილები კი ზოგიერთი მაინც ემგზავსება ამ თვისებით თავის დედას. მაშასადამე, დაბოლოს ისეთები დაიჭერენ იმათ აღგილს, ვინც სწრაფად არა მრავლდება. ამგვარად, მთელი ჯიში შეიძენს ახალ თვისებას—სწრაფ გამრავლებას. სწორედ ამ გამრავლების საშუალებით გადარჩა ეს ჯიში სრულ განადგურებისაგან. სწრაფი გამრავლება—ეს იგივე საბრძოლველი იარაღია ნაადრევ სიკვდილის წინააღმდეგ. აი, ზოგჯერ, რა საშუალებით ებრძვის ცხოველთა ჯიში სიკვდილს.

მეორე ჯიშის იარაღი ამ ბრძოლაში სხვაგვარია. მაგალითად, მათი ტანის აგებულება უფრო მაგარი და ამტანი ხდება. ფრინველის სხეული უფრო ამტანი და მაგარია, ვიდრე ბუზის, ან სხვა მწერის სხეული. ბუზები იღუპებიან სიცივისაგან და არ შეუძლიათ მასთან ბრძოლა ხოლო ფრინველები კი, როგორც ვიცით, შეეგუენ სიცივეს და აღვილად იტანენ მას. ამით იფარავენ თავს და იღუპვისაგან. ცხოველთა მრავალ ჯიშების საუკეთესო საშუალება ცხოვრების მათნე პირობების წინააღმდეგ ის

არის, რომ ისინი გაურბიან ამ პირობებს, ადგილს იცვლიან და მთა-ბარის იქით ეძებენ ახალ ბედნიერებას.

მაგრამ ესეც ბრძოლის ნამდვილი იარაღი არ არის. მრავალი ცხოველი მართლაც ბრძოლას აწარმოებს სიცოცხლის დასაცავად, მაგალითად, სიცივეს ისინი იმით ებრძვიან, რომ სთხრიან თავისთვის თბილ სოროებს; შიმშილს იმით ებრძვიან, რომ აგროვებენ ზამთრისთვის საჭმლის მარაგს. ასე, მაგალითად, ქიანჭველები, ფუტკრები, კრაზანები, ციყვები და მრავალი სხვა ცხოველები აშხადებენ ამგვარ მარაგს, რომლითაც იკვებებიან, როცა საჭმელი შემოაკლდებათ. გაჭირვებამ მიაჩვია ის ამას. ბევრი ცხოველი ნამდვილ ბრძოლას აწარმოებს თავის მტრებთან იბრძვიან, ვისაც როგორ და რითაც შეუძლია. ზოგი კბილებით, ზოგი ფეხებით, ზოგი წვეტიანი ბოლოთი, ზოგიც მაგარ და გრძელ ხორთუმით. არც ერთი ცხოველი არა სთმობს თავის სიცოცხლეს უბრძოლველად. სულ პატარა ჩიტიც კი იკორტნება. ნაზი თხაც კი ირჩოლება რქებით.

მაგრამ განსაკუთრებულ დახმარებას ცხოველებს უწევს მათი ბრძოლა საერთო ძალით, ან სხვაგვარად რომა ვსთქვათ, მთელი საზოგადოებით. ასე მაგალითად, ცხენის ჯოგი ადვილად უმკლავდება მგლებს: ისინი ერთად იკრიბებიან, თავებს აერთებენ და უკანა ფეხებით სწიხლავენ მგლებს, ისე, რომ მათ მგლების მთელი ხროვაც კი ვერას დააკლეს. ჯიშის დასაცავად ჯოგში ცხოვრება, ერთად ყოფნა და არა ცალ-ცალკე განმარტოვება, — მეტად სასარგებლოა. ამიტომ ცხოველთა უმრავლესობა განცალკევებით კი არა — ერთად სცხოვრობენ. საზოგადო-

ებრივი ცხოველებია, როგორც მარჯნები ზღვებში, ისე ბევრი სხვა ჯიში თევზებისა ფრინველების და მხეცებისა. აგრეთვე საზოგადოებით სცხოვრობენ მაიმუნების ბევრი ჯიშები და ადამიანის მოდგმაც. საზოგადოებრივი ცხოვრება ხელს უწყობს გარეშე პირობებთან ბრძოლას:

კიდევ უფრო შველის ამ ბრძოლას ჭკუა, ან ნიჭი, ე. ი. ტვინის კარგი აგებულება. ხერხი, ნიჭი და უნარიანობა—ხომ იგივე ბრძოლის საშუალებანია. ვისაც ეს თვისებები აქვს, ის მით ყოველთვის სარგებლობს ბრძოლის დროს.

თუ კარგად დაუკვირდებით ცხოველთა სამეფოს სხვა და სხვა საქმიანობას, ყოველთვის დაეინახავთ, რომ ცხოველი ყოველთვის ეწინააღმდეგება მანვე პირობებს. და თუ ასე იქცევიან მხეცებიც, ადამიანებზე ხომ ლაპარაკიც ზედმეტია.

### **როგორ და რად იცვლებიან ცხოვრების პირობები?**

აი რა არის განსაკუთრებული ყურადღების ღირსი: ცხოვრების პირობები დედამიწაზე ხომ თავის თავადაც იცვლებიან. ეს ხდება ყველგან და ყოველთვის, ყველა ქვეყნებში, დედამიწის ყველა კუთხეში. ასე, მაგალითად იქ სადაც მდინარე ზღვას უერთდება, ხშირად შეხვდებით ჭაობებს, რომელშიც მლაშე ზღვის წყალი არ არის. ამ ჭაობში სცხოვრობენ მდინარის წყალში მცხოვრები კიბოები, თევზები და სხვა ცხოველები. ხშირად ამგვარი ჭაობებში გადმოდის ზღვის მარილიანი წყალი. ამ ჭაობის წყალიც თან და თან დამლაშდა, მაშინ მასში მცხოვრები ცხოველების სხეულის აგებულობაც იცვლება.

მაგალითად არტემიის ჯიშის კიბოები ისე იცვლებიან, როგორც ზემოდ აღვნიშნეთ. რამოდენიმე მოდგმის შემდეგ, კიბოების ამ ჯიშიდან ძალა უნებურად სრულიად ახალი ჯიში იქმნება. იგივე ემართება სხვა ჯიშებსაც და აგრეთვე პირობების შეცვლის გამო, ყველა ისინი ან ამ ახალ პირობებს უნდა შეეგუონ, ანდა სრულიად ამოწყდენ. სინამდვილეშიც ასე ხდება. ასევე ხდებოდა წინედაც.

აი კიდევ მაგალითი: რომელიმე ადგილზე ველი ტყით იფარება, ტყეში კი სულ სხვა პირობებია ცხოვრებისა, ვიდრე ველად. ამ ცვლილების გამო ყველა ველის ცხოველები არ უნდა შეეგუონ ახალ პირობებს, ან გადასახლდნენ ახალ ველზე, ან და სრულიად დაიღუპონ. ასეც ხდება. ტყეში ცხოვრებისათვის სულ სხვაგვარი სხეულის აგებულებაა საჭირო. მაგალითად, ხეზე ასაძრომად საჭიროა კლანჭები და გრძელი კუდი. და აი, დროთა განმავლობაში, ბევრ ჯიშებს მართლაც სათანადოდ ეცვლებათ ბრჭყალები და კუდები. კიდევ აუარებელ სხვა ცვლილებებს განიცდიან სხვა ჯიშებიც. ეს ხდება ცხოვრების ახალ პირობების ზეგავლენით; თუმცა თან და თან, მაგრამ მაინც ხდება.

არის ადგილები, სადაც წყლები და მდინაარეები თან და თან შრება. ყველა იქ მცხოვრები ცხოველებიც ან უნდა შეეგუონ ახალ პირობებს, ან და დაიღუპონ. — ამისათვის კი აგრეთვე სხეულის აგებულების შეცვლაა საჭირო.

ზოგიერთ ადგილას კი ზღვის ფსკერი თან და თან მაღლა იწევს და ხმელეთად იქცევა. ამის გამო აქაც

აუარებელი ცვლილებები ხდება იმ ჯიშებში, რომლებიც ამ ადგილას სცხოვრობენ.

არის ისეთი ადგილებიც, სადაც ხმელეთი ზღვით იფარება. ცხადია აქაც ცვლილებები ხდება ასი, ათასი და მილიონი წლების განმავლობაში.

ან დაუშვათ, მაგალითად, რომ რომელიმე ჯიში ძალიან მრავლდება. მაშინ ის ძველ ადგილზე ვეღარ ეტევა და ახალ ადგილებს ეძებს. ამგვარად ამ ჯიშის ცხოველები მოხვდება ახალ პირობებში, ახალ გარემოში. ცხადია იმ პირობებთანაც შეგუებაა საჭირო. მაგრამ როგორც კი ცხოველებში ეს ცვლილება მოხდება, ზოგჯერ პირობები ისევ სხვაგვარად იცვლებიან, რომ ძალა-უნებურად ამ ახალ პირობებთანაც საჭიროა შეგუება. და ასე ხდება გამუდმებით—ასე იყოს წინად და იქნება მომავალშიაც.

### **რად მოხდა, რომ ზოგი ჯიში სწრაფად შეიცვალა ზოგი კი უფრო გვიან?**

ყველა ცხოველები ყველგან ეგუებიან ახალ პირობებს. ყველგან იღუპება ის, ვინც ნაკლებად არის შეგუებული, ხოლო უკეთესად შეგუბულნი კი სცხოვრობენ უფრო დიდხანს და მრავლდებიან. ამ შთამომავლობას, როგორც ზემოდ აღვნიშნეთ, მემკვიდროებით გადაეცემა ხელმე მშობლების სხეულის აგებულება. ყველაფერი, რაც ამ აგებულებაში სასარგებლოა ცხოვრებისათვის, — რჩება, მკვიდრდება მოდგმიდან მოდგმამდე. ყველა ახალი სასარგებლო თვისებები ერთი მეორეს ემატება, ამით ნელ—ნელა იცვლება სხეულის აგებულება და, დაბოლოს, სრულიად

იცვლება კიდევ. ამგვარად ერთი ჯიშიდან თავის თავად წარმოიშვება მეორე ჯიში.


და რაც დრო გადის, მით უფრო მეტია ეს ცვლილებები.

ზოგჯერ რომელიმე ჯიშში ისეთი ცვლილებები ხდება, რომ პირველი შეხედვით ვერც კი გამოიცნობ, რომელ ჯიშიდან წარმოიშვა ის. ასე დაემართა, მაგალითად, ხვლიკებს, რომლებიც თან და თან წარმოიშვენ თევზებისაგან. ასევე დაემართათ ფრინველებს და ცხოველებს, რომლებიც ხვლიკებისაგან წარმოიშვენ.

ცხადია ასეთი შეცვლა სხვა და სხვა ჯიშებში ერთგვარი სისწრაფით არა ხდება. ეს დამოკიდებულია დედამიწის კუთხეზე და ცხოვრების პირობებზე. ზოგიერთ ადგილას ამა თუ იმ ჯიშში ეს ცვლილება უფრო სწრაფად ხდება, ვიდრე სხვაგვარ პირობებში მყოფ მეორე ჯიშში. ამიტომ მოხდა ის, რომ ახალი ჯიშები ძველთან ერთად ცხოვრობენ, მაგალითად ხვლიკები—თევზების გვერდით, ფრინველები და მხეცები კი—ხვლიკების გვერდით.

დროთა განმავლობაში ყველა ცხოველების სხეული შეიცვალა. არც ერთი არ დარჩენილა უცვლელად.

მაგრამ ეს კიდევ არ არის საკმარისი: პირობების და მიხედვით ეს ცვლილებებიც სხვა და სხვა მიმართულებას იღებდა. ასე, მაგალითად, ზოგიერთ ცხოველების თვალთახედვა უმჯობესდებოდა, როგორც ეს დაემართა შვეარდენს. იმათ კი, ვინც ბნელ გამოქვაბულებში ატარებდნენ მთელ თვის ცხოვრებას, თან და თან სრულიად დაეკარგათ თვალები, როგორც პროტეებს. და ყველაფერი ეს მოხდა პირობებთან შეგუებით.



ღრმა წყლებში მცხოვრები ბრმა თევზი. მისი სხეული შეგუებულია ღრმა წყლებში საცხოვრებლად.

მაშ რად ხდება ის, რომ ბუნებაში ახალი ჯიშები ისე სწრაფად არ წარმოიშობიან, როგორც მესაქონლეების ხელში. ეს ადვილი ასახსნელია. ახალ ჯიშის წარმოსაშობად, რომ მუდმივი შერჩევაა საჭირო — გადარჩევა ერთგვარი მამალ—დედლისა, ცხადია. როდესაც ამგვარ გადარჩევას მესაქონლე აწარმოებს—ის სუფთად და ფრთხილად მოქმედებს: იმ ცხოველებს, რომლებსაც ის გადაარჩევს—არ მისცემს საშუალებას, რომ ერთი-მეორეში შეერიონ, მათ სისხლს ერთი-მეორეში არ აურევს. ხოლო ტყეში, მინდვრად და ველზე ამგვარი სუფთა შერჩევა, რასაკვირველია, ვერ მოხდება. იქ ყველა ცხოველები არეულია ერთმანეთში. ერთ-მანეთს უკავშირდება შეგუებული ცხოველი—შეუგუებელს, ამტანი—ნაკლებად ამტანს, ძლიერი — სუსტს; ამის გამო ახალი ჯიშების

წარმოშობა ბუნებაში გვანდობა. მაგრამ მას მაინც აქვს ადგილი და მისი შეჩერება შეუძლებელია. ასე იყო ყოველთვის.

აი, მაშასადამე, რად ჩნდებოდა ახალი ჯიშები და რად არის ის, რომ ძველ ჯიშების გვერდით ახლებიც სცხოვრობენ.

### **შველა ჯიშები—მართი-მეორეს ენათესავებიან.**

ყოველივე ჯიშში რომელიმე მეორე ჯიშისაგან არის წარმოშობილი, მეორე—მესამისაგან და ასე ბოლომდე, დაწყებული უძველეს დროიდან. არაფრისაგან არასოდეს არაფერი არ წარმოიშვება. ხდება ისიც, რომ ერთი ჯიშიდან, რომელიც სხვა და სხვა პირობებში სცხოვრობდა, სხვა და სხვა ადგილას, სხვა და სხვა ჯიშები წარმოიშვა. ამ უკანასკნელებისაგან კი ისევ რამოდენიმე სხვა და სხვა ჯიშში წარმოიშვა, მაგრამ ამისდამიუხედავად, მაინც შეიძლება დანამდვილებით ვსთქვათ, რომ ისინი ერთი-მეორეს ენათესავებიან, თუმცა ერთმანეთს აღარა ჰგავან.



# თავი მეოთხე.

როდის და როგორ გაჩნდა დედამიწაზე ადამიანი.


რა არის ადამიანთა მოღვაძე.

ამ წიგნში აღწერილი იყო, როდის, როგორ და რა მიზეზით გაჩნდნენ დედამიწაზე სხვა და სხვა ცხოველების ჯიშები. არც ერთი ჯიში არ გაჩენილა ერთბაშად და უეცრად. ყველასფერი ხდებოდა ნელა და თანდათან, მრავალ წლების განმავლობაში, მრავალ მოდგმათა შეცვლის შემდეგ. და ყოველი ჯიშის სათავე მეორე ჯიშში უნდა ვეძიოთ და ამავე დროს ახალი ჯიშის წარმოშობა თავის თავად ხდებოდა. ასე ხდებოდა ყველგან და ყოველთვის, ხდებოდა იმიტომ, რომ ერთი და იგივე ჯიშიდან ყოველთვის უმრავლესობა ისეთი ცხოველების ილუპებოდა და ილუპება, რომლებიც სხვაზე ცუდად იყვნენ შეგუებულნი იმ მხარესთან, სადაც თითონ სცხოვრობდნენ, ე. ი. რომლებსაც სხეული მათდა სასარგებლოდ არა ჰქონდათ აგებული. სწორედ ამან მიგვიყვანა იმ ახალ ჯიშების წარმოშობამდე, რომლებიც ოდესმე სცხოვრობდნენ დედამიწაზე და დღესაც სცხოვრობენ.

მაგრამ რად, როგორ და როდის გაჩნდა ქვეყანაზე ადამიანთა მოღვაძე?

ამ კითხვაზეც არსებობს პასუხი.


რა არის ადამიანთა მოდგმა? ის მხოლოდ და მხოლოდ ცხოველთა განსაკუთრებული ჯიშია. ყველამ იცის, რომ ადამიანი იგივე ცხოველია. ეს ყველაზე უკეთ მისი სხეულიდანაა სჩანს. როგორ არის აგებული ადამიანის სხეული? ეს სჩანს ნახატიდან. სხეულის დასაყრდენი ძვლებია. ძვლებისაგან შესდგება ჩონჩხი. ძვლებზე მიმაგრებულია კუნთები, ანუ ხორცი. გარედან მთელი ტანი დაფარებულია კანით, შიგნით კი მოთავსებულია შიგნეულობა — ფილტვები, რომლითაც ადამიანი სუნთქავს, კუჭი და ნაწლავები, რომლის საშუალებითაც ადამიანი საჭმელს ინელებს, თირკმლები და საშარდე ბუშტი, რომლებიც საჭიროა შარდის გამოსაშვებად. მკერდში, ფილტვების ქვეშ მოთავსებულია გული, რომლისგანაც სხვა და სხვა მიმართულებით მოძრაობს სისხლი, მიღების საშუალებით. თავში მოთავსებულია ტვინი, რომლითაც ადამიანი აზროვნებს და გრძნობს. ტვინი ძვლის კოლოფშია მოთავსებული, რომელსაც თავის ქალას ეძახიან. თავის ქალა დაყრდნობილია ხერხემალზე. ეს ხერხემალი შესდგება პატარა ძვლებისაგან, რომლებსაც ეძახიან ხერხემლის ძვლებს. ამ ძვლების შიგნით მოთავსებულია ხერხემლის ტვინი. ის დასაწყისს თავიდან იღებს. ტვინიდან ყველა მიმართულებით მიდის ნერვები. იგივე ნერვები ტვინისკენაც მიდიან თვლებიდან, ყურებიდან, ცხვირიდან, კანიდან და აგრეთვე ყველა ძარღვებიდან და შიგნეულობიდან. ამგვარ აგებულების წყალობით ადამიანი ხედავს, აქვს სმენა, გემო, გრძნობს ტკივილს, სითბოს, სიცივეს, სიამოვნებას და ტანჯვას, აზროვნებას და მოძრაობას. თავის სხეულის აგებულების წყალობით ადამიანი განაგრძობს ცხოვრებას.



აქ დახატულია ადამიანის სხეულის შინაგანი აგებულება, —თავი, მკერდი, კუჭი და ყველაფერი ის, რაც შიგ არის მოთავსებული. მკერდში ფილტვებია, რომლითაც ის სუნთქავს — აღნიშნულია ასეთები PP. მათთან შეერთებულია სასუნთქავი მილი, ის დასაწყისი იღებს ყანყრატოდან, რომელიც აღნიშნულია ასოთი L. ფილტვების ქვეშ გულია (C). მისგან და მასთან მიდიან მსხვილი სისხლის მილები. უპირველესად ყოვლისა დიდი სისხლის მილი, აღნიშნული ასოთი A. ის იყოფა პატარა მი-

ლებად, რომლებიც აღნიშნული არიან ac და asc. მკერდის განყოფილება იყოფა კუჭის განყოფილებისაგან ერთგვარ მიჯნით, რომ-

მელიც აღნიშნულია ასოთი D. მის ქვევით მოსჩანს ღვიძლი (I'). ღვიძლის ქვეშ მიჯნასთან ახლოს მოთავსებულია კუჭი, რომელიც ღვიძლ ქვეშ არ მოსჩანს ამ სურათზე. პირიდან კუჭამდე მიდის საჭმელის მილი. ქვევით კი მიდიან ნაწლავები, რომლებიც აღნიშნულია ასოთი C და Lგ. ქვევით მოსჩანს საშარდე ბუშტი. დაახლოვებით ასეთივეა იმ ცხოველების აგებულობაც, რომლებსაც ხერხემალი აქვთ. სხეულის შიგნეულობა გარედან დაფარებულია გვერდის ძვლებით, რომლებიც მოსჩანან მეორე სურათზე. ძვლებზე მიკრული ხორციც მოსჩანს. გარედან სხეული დაფარულია კანით.



მაგრამ სიცოცხლისათვის ეს ჯერ კიდევ ცოტაა, რადგანაც ყველა ამის გარდა, ადამიანმა უნდა გააგრძელოს თავისი მოდგმა, თავისი ჯიშის, ან სხვაგვარად რომ ვსთქვათ, უნდა გამრავლდეს.

ამისათვის ადამიანს აქვს საჭირო ორგანოები, რომლებსაც სქესობრივ ორგანოებს ეძახიან.

ეხლა აი რა არის გასაკვირველი: თევზების, ქვემძრომების, ფრინველების და მხეცების სხეული ისეთივე აგებულებისაა, როგორც ადამიანის სხეული. ყველა მათგანსაც აქვს ძვლები, ხერხემალი, ტვინი, გული, ფილტვები, კუჭი, ნაწლავები, თირკმლები, სქესობრივი ორგანოები, ნერვები, თვალეები, ყურები და სხვა. ყველა ეს ცხოველები სხვა და სხვა ჯიშისაა, მაგრამ ტანის აგებულებით მაინც ერთი-მეორეს წააგავან.

რად არის ასე? ნუთუ სხეულის აგებულების ასეთი მსგავსება—შემთხვევით აიხსნება?

სრულიადაც არა. აქ შემთხვევაზე ზედმეტია ლაპარაკი. ადამიანის მოდგმა მართლაც ენათესავება ცხოველთა ყველა ჯიშებს. ამ ნათესაობას ადვილად შევნიშნავთ თუ დაუკვირდებით თვით ადამიანის სხეულს. საქმე მხოლოდ იმაშია, რომ **ადამიანთა მოდგმა ენათესავება ცხოველთა სხვა ჯიშებს.** ცნობილია, რომ ნათესავეები ერთი-მეორეს წააგავან და ეს ნათესაობა რაიმე მსგავსებაში ყოველთვის გამოჩნდება. ადამიანი კი, ცოტა კი არა, ბევრად წააგავს ცხოველებს, ცხადია ის მათ ენათესავება.

## რომელი ცხოველები უფრო ახლო ენათესავებიან ადამიანთა მოღმას?


აი კიდევ რა არის ყურადღების ღირსი: ადამიანთა შორის ხომ არსებობს შორეული და ახლობელი ნათესაობა? სწორედ ამგვარადვე ცხოველთა შორისაც არსებობს შერეული და ახლობელი ნათესაობა. და ადამიანთა მოღმასაც ზოგიერთი ცხოველი ახლო ენათესავება, ზოგიერთი კი მისი შორეული ნათესავია. ასე მაგალითად თევზი—ადამიანის შორეული ნათესავია. ხელიკი რომელიც თევზის შემდეგ წარმოიშვა—ცოტა თუ უფრო ახლობელია. რად არის ასე? იმიტომ, რომ ახლობელი ნათესავი გამოიცნობა უფრო მეტი მსგავსებით: რაც უფრო მეტია ეს მსგავსება—მით უფრო ახლო ზღვას ნათესავი. ყველაზე მეტი მსგავსება კი სულ მახლობელ ნათესავების შორის არის.

რათა ვსთვლით მხეცებს ადამიანების უახლოეს ნათესავებად. ეს აი საიდანა სჩანს. ყველა ცხოველები თავის ბავშვებს ძუძუთი, რძით კვებავენ. ახლად დაბადებულები დედის ძუძუსა სწოვენ, ამით განსხვავდებიან უმთავრესად მხეცები სხვა ცხოველებისაგან. ქალებიც ძუძუს აქმევენ თავიანთ ბავშვებს.

რომელი მხეცი უფრო ჰგავს ადამიანს? რასაკვირველია მაიმუნები. ქვეყანაზე არსებობს ოთხი ჯიში მაიმუნებისა, რომლებიც განსაკუთრებით წააგავან ადამიანს. ამ ჯიშების სახელები შემდეგია: გორილლა, შიმპანზე, ორანგ-უტანგი გიბბონი.

გორილლა და შიმპანზე სცხოვრობენ აფრიკის ცხელ ქვეყნებში, ორანგ-უტანგი და გიბბონი კი—აზიის ცხელ


ქვეყნებში. ყველა ესენი მოზრდილი მაიმუნებია, საშუალო ან დიდი ტანისა, განსაკუთრებით გორილლა და ორანგუტანგი. ყველა ისინი ძალიან წააგავან ადამიანს და წარმოდგენილნი არიან აქვე სურათზე.



ყველა დიდი მაიმუნები, რომლებიც ამჟამად დედა-მიწაზე სცხოვრობენ და ყველა დანარჩენ ცხოველებზე უფრო ძალიან წააგავან ადამიანებს. მაღლიდან მარცხნით დახატულია გორილლა, მარჯვნივ — გიბბონი. დაბლა მარცხნით — შიმპანზე, მარჯვნივ — ორანგუტანგი.

განსაკუთრებით საკვირველია მაიმუნის ხელ-ფეხის აგებულება. ხელები ისეთივე აქვთ, როგორც ადამიანს, მხოლოდ ცოტათი უფრო გრძელი. განსაკუთრებით გრძელი ხელები აქვს გიბბონს. როდესაც გიბონი გამართული


სდგას, ხელები მიწას სწვდება. სამაგიეროდ, ამგვარ ხელების საშუალებით გიბზონი ადვილად აღის ხეზე. მაიმუნის ფეხებიც ცოტა რამეთი ხელებს წააგავს. ასე მაგალითად, მაიმუნის ფეხების თითები ბევრად უფრო გრძელია, ვიდრე ადამიანისა.



შიმპანზე, ხელ-ფეხი

თეთრ-კანიანი ადამიანის ხელ-ფეხი.

მაიმუნის ხელებსა და ფეხებს შორისაც არის განსხვავება, თუმცა ისე ღიდი არა, როგორც ადამიანისა.




მოზრდილ გორილას ხელ-ფეხი. მარცხნით—ხელი, მარჯვნივ ფეხი. ხელი ძალიან განსხვავდება ფეხისაგან. ფეხის ოთხი თითი ხელის თითებზე ბევრად უფრო მოკლეა; ფეხის ღიდი თითი კი გრძელია, განზეა გაწეული და ადვილად მოძრავს.



ამის გარდა მაიმუნს შეუძლია ფეხის დიდი თითით შეეხოს ყველა ამავე ფეხის დანარჩენ თითებს. ამას ვერ შესძლებს ვერც ერთი ადამიანი.

მაგრამ ეს ყველა მაიმუნებზე არ ითქმის: მაგალითად, მოზრდილ გორილას ფეხები ძალიან წააგავს ადამიანისას, რადგანაც გორილა ხეზე აცოცვის გარდა, მიწაზედაც დადის. ახალგაზრდა გორილას ხელი კი უფრო წააგავს ადამიანის ხელს.



ახალგაზრდა გორილას ხელ-ფეხი. მარცხნივ დახატულია ხელები, მარჯვნივ კი—ფეხები.

დიდ მაიმუნებსა და ადამიანებს შორის კიდევ ერთი მსგავსება არსებობს: ორივე ჯიში უკუდოა. ამით ისინი განსხვავდებიან მრავალ სხვა მაიმუნის ჯიშებისაგან, მაგალითად პატარა მაიმუნებისა და მაკაკებისაგან. ყველა უკანასკნელებს აქვთ კულები: ზოგს გრძელი, ზოგს უფრო მოკლე.




ორანგ-უტანგის სიარული. მას სიარული ჯერ კიდევ არ შეუძლია მხოლოდ ფეხებსა და ხელებს ეყრდნობა.


ამასთანავე გარეგნული შეხედულება მაიმუნისა ადამიანისას წააგავს. ცხადია ყველა ეს მაიმუნები სხვა ცხოველებზე უფრო ენათესავებიან ადამიანებს.

მაგრამ მათ შორის განსხვავებაც არის.

მაინც როგორი? აი როგორი. ადამიანს შეუძლია გასწორებული მარტო ფეხებით იაროს, მაიმუნი კი მოკუნტული დადის და ხელებს ეყრდნობა.



გიბბონის სიარული. მას შეუძლია მხოლოდ უკანა ფეხებზე სიარული, თუმცა ძალიან უჭირს. სიარულის დროს წონასწორობას იცავს ხელებით.




ახალგაზრდა გორილას გამართული სიარული.

მაიმუნს ოდნავ კუზიანი წელი აქვს, ადამიანს კი შეუძლი ხერხემლის გასწორება. ადამიანის ფეხებიც მიწაზე სიარულთან არის შეფარდებული და არა ხეზე ასვლისათვის. ეს გასაგებიც არის, ვინაიდან ადამიანი, როგორც ველურიც არ უნდა იყოს ის, მთელ თავის სიცოცხლეს ატარებს მიწაზე და არა ხეზე.

არსებობს კიდევ ერთი განსხვავება ადამიანსა და მაიმუნებს შორის: მაიმუნს თავში ადამიანზე ბევრად უფრო ნაკლები ტვინი აქვს; ყველაზე დიდ მაიმუნის ტვინიც კი ორჯერ უფრო პატარაა ველურ ადამიანის

ტვინთან შედარებით. ყველა მაიმუნების თავის ქალა ისეა მოწყობილი, რომ მასში ბევრი ტვინი ვერ ჩაეტევა, რადგანაც ტვინის კოლოფი მაიმუნებს იმდენად პატარა აქვთ, რომ ზოგიერთ მაიმუნებს შუბლი არც კი უჩანთ.



ადამიანის (მარცხნივ) და მაიმუნის (მარჯვნივ) თავის ქალა. ისინი წააგავან ერთი-მეორეს, მაგრამ ადამიანის თავის ქალაში მეტი ადგილია ტვინისათვის.

მაიმუნს პირის ძვლები მეტად განვითარებული აქვს, კბილები ძალიან წამოწეულია წინ და დიდი ლოჯებიც აქვს; ამგვარი ლოჯები ადამიანს არ მოეპოვება.

პირველი შეხედვით ყურადღებას იპყრობს კიდევ შემდეგი: ყველა მაიმუნების ტანი დაფარულია ბეწვით, ადამიანს კი ტიტველი ტანი აქვს. მაგრამ ასეა, მართლაც ყოველთვის? არა—ადამიანის ტანიც თმებით არის დაფარული, და ზოგჯერ ძალიან ხშირი და გრძელი თმებითაც. ამიტომ ბეწვიანი ტანი არ ჩაითვლება განმასხვავებელ თვისებად ადამიანსა და მაიმუნს შორის.

მაშასადამე მაიმუნები ზოგიერთი თვისებებით განსხვავდებიან ადამიანებისაგან, მაგრამ მათ ბევრი საერთო თვისებებიც აქვთ. როგორც არ უნდა ვსინჯოთ, მაინც მსგავსება უფრო მეტია, ვიდრე განსხვავება.

რათა ჰგავს ადამიანი ყველაზე უფრო მაიმუნს? ცხადია, იმიტომ, რომ ეს ორი ჯიში ყველაზე უფრო ენათესავება ერთი-მეორეს.

### სისხლით ვის ენათესავება ადამიანთა მოღვაწე?

მაგრამ მართლა ასეა? იქნება არაფითარი ნათესაობა არ არის? შეიძლება თუ არა ამ კითხვაზე უფრო გარკვეული პასუხი გავცეთ? ამისათვის საჭიროა კარგად გავსინჯოთ და შევადაროთ ადამიანისა და მაიმუნის სისხლი. თუ ამ ორ ჯიშს შორის რაიმე ნათესაობა არსებობს, ის უსათუოდ თავს იჩინებს სისხლში. არის თუ არა რაიმე საშუალება იმისათვის, რომ გავსინჯოთ და შევაერთოდ ამ ორ ჯიშის სისხლი? ამგვარი საშუალებანი არსებობენ და ამავე დროს მეტად სწორი და სარწმუნო საშუალებანი. აი რა მოიგონა ერთმა მეცნიერმა. მან ზიყვანა კატა, გადაუჭრა სისხლის მილი და სისხლი გამოადინა. შემდეგ ეს სისხლი სხვა კატას შეუესხა მილში. ეს მეორე კატა ამის შემდეგ განაგრძობდა ცხოვრებას და ჯანსაღიც დარჩა, თითქოს არასფერი არ მომხდარიყო, რადგანაც ერთი კატის სისხლი არ ავნებს მეორეს. შემდეგ მეცნიერმა კატის სისხლი კურდღელს შეასხა. კატის სისხლისაგან კურდღელი დაავადმყოფდა და მალე მოკვდა კიდევ. მაშ ცხადია, კატის და კურდღლის სისხლი სხვა

და სხვაა. მაშასადამე, ამ ცხოველებს შორის არ არსებობს სისხლით ახლო ნათესაური კავშირი. შემდეგში მეცნიერმა ძაღლის სისხლი შეასხა მგელს. მგელი ცოცხალი და ჯანსაღი დარჩა. მაშასადამე, ძაღლსა და მგელს შორის არის ნათესაური კავშირი. ამის შემდეგ მეცნიერი მრავალ ამგვარ ცდას აკეთებდა სხვადასხვა ცხოველებზე. მან ცხენის სისხლი შეასხა ვირს. ამან ვირს არავითარი ზიანი არ მიაყენა. მაგრამ რა იქნება, ცხენის სისხლი, რომ ძაღლს შევასხათ? გამოიკვია, რომ ძაღლი ვერ უძლებს ამას და მალე კვდება. მაშასადამე მისი სისხლი ძალიან განსხვავდება ცხენის სისხლისაგან. სხვისი სისხლის შესხმა საზიანო არ არის მხოლოდ მაშინ, როდესაც ორ ჯიშს შორის ახლო ნათესაური კავშირია. და თუ მათ შორის შორეული ნათესაური კავშირია, იმ შემთხვევაში სხვისი სისხლი სიკვდილს იწვევს.

სწორედ ამგვარივე საშუალებით შესაძლებელია გავიგოთ, ენათესაუებიან თუ არა ადამიანებს ისეთი მაიმუნები, როგორც არის გორილლა, შიმპანზე, ორანგ-უტანგი და გიბბონი. მეცნიერმა სცადა, ადამიანის სისხლი შეასხა მათ. და რა გამოიკვია? ყველა მაიმუნები განაკრძობდნენ ცხოვრებას და არ დაავადმყოფდნენ. მაშასადამე ისინი სისხლით მართლაც ენათესაუებიან ადამიანებს.

ამის შემდეგ ადამიანებსაც შეასხეს მაიმუნის სისხლი. არც ამგვარ ცდამ იმოქმედა ცუდათ. მაშასადამე, მიუხედავად ზოგად განსხვავებისა, ადამიანების ჯიშში მაინც ენათესაუება მაიმუნების ზოგიერთ ჯიშებს.

## გახაოცარი ნათესაობა ადამიანებისა, თევზების და ცხოველებს შორის.

მაგრამ ეს ჯერ კიდევ რა არის? არსებობს საშუალება, რომლითაც შეგვიძლია გავიგოთ არა მარტო ახლოობელი, არამედ შორეული ნათესაური კავშირიც კი ცხოველთა სხვადასხვა ჯიშებს შორის. მაგალითად, ენათესავება თუ არა ადამიანი თევზებს? იქნება ამის გაგებაც შეიძლება?

ესეც გამოკვლეულია. ამ მიზნისათვის საჭიროა, კარგად დავაკვირდეთ ადამიანის ჩანასახს, ე. ი. ადამიანს, რომელიც ჯერ კიდევ დედის მუცელშია მოთავსებული. ამის შემდეგ ის სხვა ცხოველების ჩანასახს უნდა შევადაროთ. თუ დავაკვირდებით ადამიანის სხვადასხვა ხნოვანების ჩანასახს, აღმოჩნდება, რომ ადამიანის ჩანასახი მეტად წააგავს სხვა ცხოველების ჩანასახს. ისე ძალიანა ჰგავს, რომ პირველ ხანებში ვერც კი გავარჩევ, მაგალითად, ქათმის, ძაღლის, ან კუს ჩანასახისაგან.

და ყველაზე საკვირველი ის არის, რომ ამ ცხოველების ჩანასახი იზრდება და ვითარდება თითქმის ერთი და იგივე წესით. მოზრდილი ადამიანი არა ჰგავს არც ფრინველს, არც კუს, არც თევზს. ხოლო მათი ჩანასახები კი ძალიან წააგავს თევზის ჩანასახს. ცნობილია, მაგალითად, რომ თევზს ლაყუჩები აქვს, ე. ი. მიღები, რომლებიც გარედან მიდიან პირდაპირ ყანყრატოში. სწორედ ამგვარივე ლაყუჩები აქვს კუს ჩანასახს, თუმცა კუ სრულიადაც არა სუნთქავს ლაყუჩებით. ასეთი ლაყუჩები აქვს აგრეთვე ქათმის, ძაღლის, კატის და მაიმუნის ჩანასახებსაც.

მაგრამ ნუ თუ ეს ლაყუჩები ადამიანის ჩანასახსაც აქვს? დიახ, მასაც აქვს. ამას აშკარად ვამჩნევთ ყველგან და ყოველთვის.

რისგან არის, რომ სხვადასხვა ცხოველების ჩანასახები ასე ძალიან ჰგვანან ერთი-მეორეს? ნუ თუ ეს შემთხვევითია?

სრულიადაც არა. საქმე შემთხვევაზე კი არ არის დამოკიდებული, არამედ ნათესაურ კავშირზე. როგორ არ იქნება ასეთი მსგავსება, როდესაც არსებობს ნათესაური კავშირი. და მართლაც, ჩვენ უკვე აღვნიშნეთ, რომ კუ, ხელიკი, ფრინველი და მხეცი ერთი მეორეს ენათესავენ. კუს ჯიში, და საერთოდ ქვემძრომთა ჯიში წარმოიშვა თევზის ჯიშისაგან; ფრინველისა და მხეცების ჯიშები—ქვემძრომთა ჯიშისაგან.

სწორედ ეს ძნელი დროის ნათესაობა აშკარავდება მათ ჩანასახებში: ჩანასახის ცვლილებები დაახლოვებით იმავე წესით ხდება, როგორც ხდებოდა ეს ცვლილება მთელ ჯიშში, მაგრამ ჯიშის შეცვლას დიდი დრო დასჭირდა, ხოლო ჩანასახი კი სწრაფად ვითარდება. და რადგანაც ასეთი ძველი დროის კვალი ატყვია ჩანასახებს, მაშასადამე, მათზე დაკვირვებით შეიძლება აღმოვაჩინოთ შორეული ნათესაობაც კი.

**განათვარი მსგავსება ადამიანებისა, კუდიან ცხოველებთან, რომელთა ტანიც ხალხით არის დაფარული.**

აი კიდევ რა არის ყურადღების ღირსი. ადამიანის ჩანასახს კული აქვს. ეს შესამჩნევი ხდება ექვსი თვის



შემდეგ, დღიდან ჩასახვისა. ეს სჩანს აქ მოყვანილ სურათიდანაც.

მაგრამ ამითაც არ თავდება საქმე. ჩანასახი ბევრ სხვა რამესაც გვასწავლის. მასზე აშკარადა სჩანს, რომ ადამიანი მართლაც ენათესავება ბევრ სხვა ცხოველებს. ასე, მაგალითად ადამიანის ხელ-ფეხი ერთ დროს ძალიან წააგავს ვეშაპის საცურავ ფრთებს, გული კი—თევზისას. ჩანასახის მიხედვით შეიძლება გავიგოთ, შორეულია ნათესაური კავშირი, თუ მახლობელი სხვადასხვა ცხოველებს შორის, და აქედან კი სჩანს, რომ ყველაზე ახლო ნათესაური კავშირი ადამიანს—მაიმუნთან აქვს.

ასე, მაგალითად მეექვსე თვეზე ადამიანის ჩანასახი დაფარულია ბეწვით, ისე როგორც მაიმუნი.

არის სხვა მსგავსებაც ადამიანის ჩანასახისა და დიდ მაიმუნს შორის. მაგალითად, ადამიანის ჩანასახის ფეხზე დიდი თითი განზეა გაწეული. ამით ის მაიმუნს უფრო ჰგავს, ვიდრე ადამიანს. ნუ თუ ესეც შემთხვევითაა? სრულიადაც არა. აქაც შემთხვევა კი არა—ნათესაობაა. საქმე მხოლოდ იმაშია, რომ ადამიანის ჩანასახის აგებულება ისეთია, როგორც იყვნენ ოდესღაც მისი წინაპრები.

### **როგორ ჩნდება ხელახლა სხეულის უჩველესი აგებულება?**


შეიძლება თუ არა, რომ ამ წინაპრებს უფრო ახლო ვაგეცნოთ? შეიძლება თუ არა, რომ ისინი საკუთარის თვალთ დავინახოთ, მიუხედავად იმისა, რომ ისინი დიდი ხანია დაიხოცენ? პირველი შეხედვით ეს თითქოს

შეუძლებელია. მაგრამ ეს მართალი არ არის. შესაძლებელია ტანის ძალიან ძველი აგებულების დანახვაც კი, რადგანაც ის დროგამოშვებით უბრუნდება სხეულს. მაგალითად, ბევჯერ შენიშნეს ცხენებს შემდეგი: ცხენების აღმზრდელები გვიამბობენ, რომ ზოგჯერ იზადება ისეთი კვიცები, რომელთაც ფეხებზე ერთის ნაცვლად სამ-სამი თითი აქვთ. რად ხდება ასე? საიდან გამოება ეს სამი თითი? დიდი ხნის განმავლობაში არავის ესმოდა, რათა ხდებოდა ეს, და მათ „მახინჯ“ კვიცებს ეძახდნენ. მაგრამ აი, ამ ორმოც—ორმოცდაათი წლის წინედ ღრამად მიწაში აღმოაჩინეს უძველეს დროის ცხენების ძვლები, ისეთ ცხენების ჯიშისა, რომელიც სცხოვრობდა ასი ათასი წლის წინად. გასინჯეს ეს ძვლები და ნახეს, რომ ამ ძველი ჯიშის ცხენებს ფეხებზე თითო თითის ნაცვლად სამი თითი აქვთ. შეადარეს ეს ძვლები დღევანდელ „მახინჯ“ კვიცების ძვლებს და გაიგეს რაშიც არის საქმე. აღმოჩნდა, რომ ეს სამითთა ცხენები წააგავდნენ თავიანთ შორეულ წინაპრებს. აი ვისგან მიუღიათ მათ მემკვიდრეობით ეს სამი თითი. ასეთი თვისება გადმოვიდა მათზე შორეულ წარსულიდან. რად გადმოვიდა? ეს ჯერ არავინ იცის—ამაზე ჯერ ჯერობით მეცნიერება ვერ იძლევა პასუხს. ხოლო თვისების გადმოცემაში არავის შეაქვს ეჭვი, რადგანაც ამ „მახინჯების“ მსგავსება შორეულ წინაპრებთან ყველასათვის თვალსაჩინოა.

მაგრამ იქნება თვისების ასეთი გადასვლა არც ხდება? არა, ის ხდება და ძალიან ხშირადაც. ასე, მაგალითად, ბავშვი ხშირად წააგავს არა თავის დედ—მამას, არამედ მშობლების დედ-მამას, რომლებიც დიდი ხანია

დაიხოცენ. იყო შემთხვევა, როდესაც მსგავსება თავს იჩენდა ხოლმე ექვსი და შვიდი შთამომავლობის შემდეგ. საიდან გაიგეს ეს? ძალიან ადვილად, — წინაპართა ძველი სურათებით. მაშასადამე, მართლაც შეიძლება მსგავსების აღმოჩენა რამდენიმე მოდგმის შემდეგ — ამის მსგავსად ის შეიძლება მოხდეს ათასი მოდგმის შემდეგაც და ამ შემთხვევაში იბადებიან ბავშვები, რომელთა სხეულიც წააგავს უძველეს წინაპრებს.

ასეთი შემთხვევა ხშირად ხდება როგორც ცხენებს შორის, ისე მტრედებსა და სხვა ცხოველებს შორის. ხდება აგრეთვე ადამიანების შორისაც. ასე, მაგალითად,




გიპარიონის ჩონჩხი. ეს ცხოველი დღევანდელ ცხენების შორეული წინაპარია. მას ფეხებზე თითოს ნაცვლად, სამ-სამი თითი აქვს.

აქა-იქ ზოგჯერ იბადება ისეთი ადამიანი, რომელთა ტანიც თავიდან ფეხებამდე დაფარულია თმებით. ამგვარს მხოლოდ ჩანასახს კი არა, მოზრდილ ადამიანსაც შეხვდებით. შუბლი, ლოყები, ცხვირი და მთელი სხეული დაფარული აქვთ გრძელი ბალნით. და ეს არა მხოლოდ მამაკაცებს,—დედაკაცებსაც. აქ მოყვანილ სურათზე გამოხატული ამგვარი ადამიანების სახე. რად იბადებიან ასეთი ადამიანები? იმიტომ, რომ ადამიანი წარმოიშვა თმებით დაფარულ ჯიშებიდან, ე. ი. იმ ჯიშიდან, რომელიც თავიდან ფეხებამდე თმებით იყო დაფარული. მაშასადამე, ადამიანის ძველი წინაპრები მხეცებს წააგავდნენ, ან უფრო სწორად, რომ ვსთქვათ—ნამდვილი მხეცები იყვნენ.

იგივე სჩანს სხვა მაგალითებზედაც. ასე მაგალითად, ზოგჯერ იბადება არა მხოლოდ თმიანი, არამედ კუდიანი ადამიანიც.

არიან კუდიანი ქალები და ვაჟები. ძველად მათ ეძახდნენ „კუდიან ადამიანებს“ და ფიქრობდნენ, რომ კავშირი აქვთ ეშმაკებთან. ნამდვილად კი ისინი წააგავან თავიანთ უძველეს წინაპრებს. ადამიანის ყველა წინაპრები კუდიანები იყვნენ, მეტი არაფერი.

მაშასადამე, როგორც არ უნდა ვსთქვათ, ადამიანთა მოდგმა, ენათესავება მხეცებს და სხვა ცხოველებს, და მისი ყველაზე უფრო ახლო მონათესავე—მაიმუნია. ამის მრავალი დამამტკიცებელი საბუთიც არსებობს, რომელთა საშუალებითაც აშკარად დარწმუნდნენ, რომ ადამიანის წინაპარი—მაიმუნია.



თმებით დაფარული ადამიანები. ზევით და შუაში გამოხატულია ქა-  
ლები. დაბლა რიგში კი — მამაკაცები (რუსი გლეხები).

## როგორი საერთო წინაპრები ჰყავდათ ადამიანებს და მაიმუნებს

რას ნიშნავს „ნათესაური კავშირი“. ეს ნიშნავს საერთო წინაპრების ყოლას. ძმა-ძმას ენათესავენ, — ეს იმას ნიშნავს, რომ მათ საერთო მშობლები ჰყავთ, ბიძა-შვილები ერთი მეორეს ენათესავენ, ეს იმას ნიშნავს,



კუდიანი ადამიანები. ექვსი თვის ბიჭის კული.

რომ მათ საერთო დიდება ან ბაბუა ჰყავთ, და სხვა. ამის მსგავსად, თუ ერთი ჯიშის ცხოველი ენათესავენ მეორე ჯიშის ცხოველს, — ეს იმას ნიშნავს, რომ მათ საერთო წინაპარი ჰყავდათ. ეს სინამდვილეშიაც ასე გამოდის. მაგალითად, ჩვენ უკვე აღვნიშნეთ, რომ ხვლიკები გაჩნდნენ თევზებისაგან და თანდათან მიიღეს ხვლიკის დღევანდელი შეხედულება. ეს ისე მოხდა, რომ ამა თუ იმ ჯიშს მოდემიდან-მოდემამდე თანდათან ეცვლებოდა

ტანის სხვადასხვა ნაწილები. ამ შემთხვევაში თევზს შეეცვალა სხეულის აგებულება ისე, რომ ის უფრო და უფრო ემსგავსებოდა ხვლიკს. ჯერ თევზისგან წარმოიშვა ნახევრად-თევზი, ნახევრად-ხვლიკი, შემდეგ კი ნამდვილი ხვლიკებიც გაჩნდნენ. ამავე დროს თევზის სხვა ჯიშები, სხვა ადგილას იმავე თევზებად დარჩენ, რადგანაც ასეთი იყო ის გარეშე პირობები, რომელშიაც ისინი ცხოვრობდნენ. მაშასადამე თანამედროვე თევზებსა და ხვლიკებს საერთო წინაპრები ჰყავთ.

ამის მსგავსად ხვლიკების რომელიმე ჯიშიდან წარმოიშვენ მხეცები. მხეცები ხვლიკებზე უფრო მეტად წააგავან ადამიანებს, რადგანაც მხეცებს და ადამიანებს თბილი სისხლი აქვთ, მაშინ, როდესაც თევზისა და ხვლიკის სისხლი ცივია. ცხოველთა ერთ-ერთ ჯიშისაგანაც დედამიწის ამა თუ იმ კუთხეში წარმოიშვა ისეთი ჯიში, რომელიც ძალიან წააგავდა ადამიანს; მისგან წარმოიშვა კიდევ ახალი ჯიში, რომელიც კიდევ უფრო მეტად წააგავდა ადამიანს და ასე ბოლომდის.

აი, მაშასადამე როგორი წინაპრები ჰყავდა ადამიანს. ისინი ნამდვილი მხეცები იყვნენ და ოთხ ფეხზე დარბოდნენ. მათ კუდი ჰქონდათ. მათი თავი დაფარული იყო ბეწვით.

სწორედ ასეთივე წინაპრები ჰყავდათ მაიმუნებსაც.

მაგრამ დიდი ხნის განმავლობაში ისინი ბევრად არ წააგავდნენ არც ადამიანებს და არც მაიმუნებს. სხვაგვარად არ შეიძლებოდა რომ ყოფილიყო, რადგანაც ისინი უნდა შეჭკუებოდნენ ცხოვრების პირობებს. ცხოვრება კი მათ მხეცურად უხდებოდათ—იძულებულნი იყვნენ ბრძო-

ლით მოეპოვებიათ საჭმელი და მტრებსაც გამკლავებოდნენ. ნადავლს ისევე შოულობდნენ, როგორც მხეცები. მტრებსაც მხეცურად იგერიებდნენ. ერთი სიტყვით ნამდვილი მხეცური ცხოვრება ჰქონდათ. ამგვარ სიცოცხლისათვის კი მეტად საჭირო და სასარგებლოა ძლიერი კუდი და ღოჯები. ამ შორეულ წარსულში მეტად საჭირო იყო კუდი და ღოჯები. მათ მნიშვნელობა მხოლოდ თანდათან დაეკარგათ.

აი როგორი ცხოველები იყვნენ ადამიანთა მოდგმის წინაპრები და ამავე დროს წინაპრები სხვა მაიმუნებისაც—გორილლასი, შიმპანზესი, გიბბონის და ორანგუტანისა.

მხეცების ამ ჯიშისაგან, ე. ი. ადამიანთა და მაიმუნების წინაპრებისაგან წარმოიშვა, დაბოლოს, ნამდვილი ჯიში ნახევრად-ადემიანის და ნახევრად-მაიმუნისა.

პირველი შეხედვით ისე სჩანს, თითქოს მაიმუნი და ადამიანი—სულ სხვადასხვა ჯიშებია და მათ შორის ნათესაური კავშირი არ არსებობს. ნამდვილად კი მაიმუნები ენათესავებიან ადამიანებს, რადგანაც ორივენი ერთი და იმავე წინაპრებისაგან წარმოიშვნენ. ეს წინაპრები იყვნენ ნახევრად-ადამიანები, ნახევრად-მაიმუნები.

და მართლაც ისინი არც ადამიანები იყვნენ და არც მაიმუნები, რადგანაც ნაწილობრივად მაიმუნებს ააგავდნენ, ნაწილობრივად კი ადამიანებს. ამიტომ მათ ეძახიან **კაც-მაიმუნებს**, ანუ **პიტეკანტროპოსებს**. ეს ბერძნული სიტყვაა. შესდგება ორი სიტყვისაგან: **პიტეკ**—რაც ნიშნავს „მაიმუნს“, და **ანტროპოს**—რაც ნიშნავს „ადამიანს“.



### კ ა ც - მ ა ი მ უ ნ ი .

ნუ თუ ოდესმე მართლაც ცხოვრობდენ ნახევრად-მაიმუნები და ნახევრად—ადამიანები? თუ ისინი მართლაც არსებობენ, ხომ უნდა იყოს სადმე მათი რომელიმე ნაშთი. სულ მცირეოდენი ნაშთი მაინც. საკმარისია რამდენიმე ძვალიც, თუ გინდ ერთი მაინც—და ამ ერთ ძვლითაც შეიძლება გავიგოთ, ვის ეკუთნის ის.

და მართლაც აღმოაჩინეს ამ კაც-მაიმუნის ძვლები. აღმოაჩინეს აზიაში, კუნძულ იავაზე. მაშასადამე ამ ცხელ ქვეყანაში მართლაც სცხოვრობდა კაც-მაიმუნი.

ეს ძვლები იპოვეს 1894 წელს. ისინი აღმოაჩინა ჰოლანდიელმა მეცნიერმა, დოქტორ ევგენი დიუბუამ. ის განზრახ წავიდა კუნძულ იავაზე, რომ უფრო დაწვრილებით გაეშინჯა მიწის ფენები ამ კუნძულზე და შიგ გადაშენებულ ჯიშების ძვლები ეპოვა. დოქტორი დიუბუა დახეტილობდა ამ კუნძულზე და მიწას სთხრიდა. მან მართლაც აღმოაჩინა დიდი ხნის წინად ამოხოცილ სხვადასხვა ცხოველების ძვლები. ამ საქმეს განაგრძობდა ეს მეცნიერი მთელი ოთხი წელიწადი და ამ დროს განმავლობაში მრავალი ძვალი იპოვა. და აი, კუნძულის ერთ ადგილას, პატარა მდინარის პირას დოქტორ დიუბუამ აღმოაჩინა რაღაც საოცარი ძვლები. მან დიდის დაკვირვებით გასინჯა ისინი და დარწმუნდა, რომ ის ეკუთნის დღემდე უცნობ ცხოველს. ერთი მხრით ეს ძვლები თითქოს მაიმუნის ძვლები იყო, მეორე მხრივ კი ადამიანისა. ექიმ დიუბუამ იპოვა თავის ქალა, ფეხის ძვლები, ყბის ძვლები და ორი კბილი, მაგრამ ამ ძვლების მიხედვითაც შეიძლებოდა იმის გამოჩვენება, თუ როგორი თავი, ფეხები და კბილები ჰქონდა.


მას, მაშასადამე იმის გაგებას, თუ რითი იკვებებოდა ეს ცხოველი.

აღმოჩენილი ძვლები მართლაც საოცარი გამოდგა, განსაკუთრებით კი თავის ქალა. ასეთი თავი არა აქვს არც ადამიანს, არც მაიმუნს, თუმცა ის ორივეს წააგავს. მაიმუნის თავისათვის ის ძალიან დიდი, ადამიანისათვის კი—ძალიან პატარა. ყველაზე დიდ მაიმუნებსაც კი არა აქვთ ასეთი დიდი თავი. სამაგიეროთ, ყველაზე ველურ ადამიანის თავიც კი დიდი ამ თავის ქალაზე. მაგრამ საქმე მხოლოდ ამაში არ არის: მაიმუნს თითქმის არ ატყვია შუბლი, რადგანაც ის პატარა და დაქანებული აქვს. ადამიანებს კი შუბლი დიდი აქვთ, რადგანაც ტვინი. მაიმუნზე ბევრად უფრო მეტი აქვს. საკითხავია, რა სიდიდის ტვინი უნდა ჰქონოდა იმ ცხოველს, რომლის ძვლებიც დიუბუამ აღმოაჩინა? ის მაიმუნზე დიდი და ადამიანზე მცირე იყო. მაშასადამე ეს ცხოველი მართლაც ნახევრად-ადამიანი და ნახევრად-მაიმუნი იყო. და მართლაც მას შეიძლება დაუძახოთ კაც-მაიმუნი.

მაგრამ მაიმუნები ხომ ორ ფეხზე ვერ დადიან. კაც-მაიმუნი კი ორფეხა იყო. ეს სჩანს მისი ფეხის ძვლებიდან. ამ ცხოველის ფეხები თითქმის ისეთივე იყო, როგორც ადამიანისა, შეგუებული სიარულისა და რბენისათვის. მაშასადამე კაც-მაიმუნის არსებობა მოგონება და ზღაპარი არ იყო. ოდესღაც დედამიწაზე მართლაც არსებობდა ასეთი ჯიში.

ამჟამად ასეთი ჯიში სრულიად აღარ არსებობს.

რამდენი ხანია რაც კუნძულ იავაზე სცხოვრობდა ეს მაიმუნისდაგვარი ცხოველი. ამის შესახებაც შეიძლება ცოტა-რამ გავიგოთ.



კაც-მაიმუნის ფეხების თეძოს ძვლები (ორი მაზცხენა—ა). მარჯვნივ თანამედროვე ადამიანის ფეხის ძვლები—ს.

მაინც, როგორ უნდა გავიგოთ ეს? ისევე, როგორც მიწის ფენების სიძველეს ვიგებდით. კაც-მაიმუნის ძვლები ხომ მიწაში აღმოაჩინეს. მაინც, რომელ ფენაში იყო ის? ძველია ეს ფეხი თუ ახალი? ამის გაგება დანამდვილებით შეიძლება. დოკტორი დიუბუაე ასე მოიქცა. და რა აღმოჩნდა დაბოლოს?

კაც-მაიმუნის ძვლები უკვე გაქვავებული იყო და მეტად ძველ ფენაში აღმოაჩინეს, ცხადია ეს ძვლები მაშინ


მოხვდნენ ამ ფენაში, როდესაც ის ახლად ისახებოდა. მაშასადამე, კაც-მაიმუნი სწორედ მაშინ სცხოვრობდა როდესაც ისახებოდა ეს ფენა. ეს კი მეტად დიდხნის წინად იყო — სულ ცოტა, **რამოდენიმე ასი ათასი წლის წინად.** ამ ფენაზე კი ხომ რამოდენიმე სხვა ფენა ელაგა. ისინი კი, ცხადია უფრო გვიან წარმოიშვნ. მათ დაგროვებაზეც ცოტა ხანი არ წასულა. აი, მაშასადამე, როგორ ძველ დროში არსებობდა კაც-მაიმუნის ჯიში.

**როგორ გაჩნდა დედამიწაზე ადამიანი, რომელიც ყველა ცხოველებს შორის, ყველაზე უფრო გონიერია.**

მაშ როდის გაჩნდა დედა-მიწაზე ადამიანთა მოდგმა? ის კაც-მაიმუნზე ბევრად უფრო გვიან წარმოიშვა. ადამიანთა მოდგმა თავის-თავად წარმოიშვა კაც-მაიმუნისაგან, რადგანაც კაც-მაიმუნის სხეულის აგებულება თანდათან შეიცვალა. ვნახოთ, მაინც როგორი ცვლილებები მოხდა მასში. ყველაზე უფრო მნიშვნელოვანი და უმთავრესი ცვლილება ის იყო, რომ თავი გადიდდა. შიგნით ტვინი დაეჭია. ის დაახლოებით ერთ ნახევარჯერ გადიდდა. ტვინის კოლოფის მოცულობა უფრო მეტი შეიქნა. შუბლი ისე დაქანებული აღარ იყო, როგორც წინად და მასაც ზომა მოემატა. ტვინის აგებულებაც გაუმჯობესდა. მის ზედაპირზე გამრავლდა ნაოქები, რომელიც არა აქვთ მაიმუნებს და სხვა ცხოველებს. ამიტომ მთელი ჯიშით უფრო ჭკვიანი და ნიჭიერი გახდა.

მაგრამ რატომ გახდა უფრო რთული და უკეთესი ტვინის აგებულება, და რატომ გახდა ტვინი უფრო დი-

ამ სერაისი წარწერა იხ. მე-117 გვერდზე ბოლოში.



დი? აი, ამ წიგნში უკვე მივუთითეთ იმაზე, თუ რა მიმართულებით მიდის ცვლილებები სხეულის აგებულებაში. ეს მიმართულება ისეთია, როგორც სასარგებლო ჯიშის შეჩენისათვის. ზოგი ცხოველი იმით ირჩენს თავს, რომ სწრაფად დარბის. მეორე—თავის თვალების საშუალებით. მესამე—სქელი კანის გამო, მეოთხე—ჯანსაღი კუჭით. ამგვარ ცხოველებს დროთა მსვლელობაში ფეხები უფრო მარდი, თვალები უფრო გამჭრიახი, კანი—უფრო სქელი და კუჭი უფრო ჯანსაღი უხდება, რადგანაც ამგვარი ცვლილება მათ საშუალებას აძლევს უფრო მეტი ხნის სიცოცხლისას. ამავე მიზანს ემსახურება ტვინის კარგი აგებულებაც. დიდი და კარგი ტვინიც ხომ სასარგებლოა. მისი საშუალებით ხომ შეიძლება მტრის მოტყუება, რომელიც ნაკლებად ჭკვიანია, ან ხომ შეიძლება რაიმე ახალი საშუალების მოგონება საკვების ჰოპობისათვის და ამგვარად სიცოცხლის გაგრძელებისათვის. ვინც უფრო ჭკვიანია, ვისი ტვინიც უკეთ არის მოწყობილი, ის უფრო ადვილად შეინარჩუნებს სიცოცხლეს და შთამომავლობას დასტოვებს. ასევე დაემართება შემდეგ შთამომავლობებსაც. და ასე გრძელდება ათასი და მილიონი წლების განმავლობაში.

მაიმუნებისა და ადამიანების ტვინი. ასო M-ით აღნიშნულია განათლებულ ადამიანის—გერმანელის ტვინი. მას გვერდით შავკანიან ბუმენის ტვინი (I.). განვითარებულ ადამიანის ტვინი ველურის ტვინზე დიდია და ზედაპირიც ბევრად უფრო ნაოქიანი აქვს. ორივეს ტვინი ბევრად დიდია მაიმუნების ტვინზე, რომელიც ქვევით არის მოთავსებული (K, J, H და G). აქ ადამიანების ტვინი ისეთივე სიდიდისა სჩანს, როგორც მაიმუნისა. სინამდვილეში კი ადამიანის ტვინი მაიმუნისაზე ბევრად უფრო დიდია.

კაც-მაიმუნებისათვის სასარგებლო იყო კარგი და დიდი ტენი. მას ხომ სხვა საშუალება არ მოიპოვებოდა სიცოცხლის შესანარჩუნებლად. ამიტომ დროთა მსვლელობაში, მოდგმიდან—მოდგმამდე ამ ჯიშის ტენი თანდათან იზრდებოდა. უნიჭო კაც-მაიმუნები უფრო მეტად იხოცებოდნენ, ვიდრე ჭკვიანები და ბოლოს ისე გამოვიდა, რომ ამ ცხოველის ტენი და თავი გაიზარდა. კაც-მაიმუნის თავიდან წარმოიშვა ნამდვილი ადამიანის თავი. და სწორედ ამ თვისებით განსხვავდება ადამიანი კაც-მაიმუნისაგან.

### **როგელ ძვეყანაში უნდა გაჩენილიყო თავდაპირველად ადამიანი?**

რა მიზეზით უნდა შეცვლილიყო ფეხები? აი რა მიზეზით: ეს დაიწყო ჯერ კიდევ უძველეს დროიდან, დედამიწის იმ კუთხეში, სადაც ჩვენი ძველი წინაპრები სცხოვრობდნენ. შესაძლოა, ამ კუთხეში ისინი უფრო კარგად სცხოვრობდნენ, ვიდრე სხვა ადგილას. ამიტომ ისინი გამრავლდნენ და ამ ადგილზე ველარ ეტეოდნენ. სივიწროვის გამო საჭმელი ყველას აღარ ჰყოფნიდა. ამიტომ მათ მოუხდათ მოგზაურობა, რომ საკვები ეშოვათ სხვა ქვეყნებში, ხშირად ძალიან შორეულ ქვეყნებშიც კი. ისინი იძულებულნი გახდნენ გადასახლებულიყვნენ სხვაგან. ამ ახალ ადგილზე კი შესაძლოა, ახალი საცხოვრებელი პირობები იყო.

ასე მაგალითად, ეს ახალი ადგილი, შესაძლებელია ველი ყოფილიყო. ველზე სანადიროდ კი ისეთი ფეხებია საჭირო, რომლის საშუალებითაც შეიძლება სწრაფი სი-

ბილი. ამისათვის კი სრულიად უფარგისია ფეხების ისეთი აგებულება, როგორც მაიმუნსა აქვს. მაიმუნის ფეხები გრძელი თითებით შეგუებულია ტყეში საცხოვრებლად და ხეზე ასაცოცავად. ამგვარ ფეხებზე სირბილით ბევრ ნადავლს ვერ დაიჭერ და ყოველთვის მაძლარი ვერ იქნები. ამ სირბილისათვის საჭიროა სხეულის აგებულების შეცვლა.


სწორედ ამ პირობებს უნდა შეჰყუებოდა თან და თან ფეხების აგებულობდა. და დროთა მსვლელობაში სწორედ ასედაც შეიცვალა ფეხები,—თითები დამოკლდა, საბჯენი კი გაფართოვდა. ასეთი ფეხები ბევრად უფრო სასარგებლოა იმ ცხოველებისათვის, რომელთაც უხდებათ ნადავლის დაჭერა. ვისაც ასეთი ფეხები აქვს, მისთვის უფრო ადვილია ნადავლის დაჭერა, საკვების შოვნა და ამგვარად სიცოცხლის გაგრძელებაც. ასეთი ცხოველი შიმშილით არ მოკვდება და შთამომავლობას მოგვცემს.

მაგრამ შეიცვალა თუ არა ხელებიც? არა, ისინი თითქმის არ შეცვლილან, რადგანაც გრძელი თითები ახალ პირობებშიც სასარგებლო იყო.

მაშ როგორ შეიცვალა ფეხების აგებულება? რასაკვირველია, ისე, როგორც წინედ ხდებოდა, ამის შესახებ უკვე გვქონდა საუბარი ამ წიგნში. ამ ცვლილებს დასჭირდა რამოდენიმე ათასი და შეიძლება მილიონი წლებიც. ამ ხნის განმავლობაში აუარებელმა შთამომავლობამ შესცვალა ერთი-მეორე. დაბოლოს ფეხის აგებულება შეიცვალა და წინაარსების ფეხებს აღარ წააგავდა. სხვაგვარად არ შეიძლებოდა, რომ მომხდარიყო, რადგანაც მოდგმიდან-მოდგმამდე აუარებელი ისეთი ცხოველები



დაიღუპა, რომელთა ფეხებიც ახალ პირობებთან, ე. ი. მინდვრად ცხოვრებასთან არ იყო შეგუებული.



ადამიანის და მაიმუნების ჩონჩხები. მარცხნივ გიბბონის ჩონჩხი (1). მის გვერდით ორანგ-უტანგის (2), შემდეგ შიმპანზესი (3), შემდეგ — გორილასი (4) და ბოლოს — ადამიანის ჩონჩხი (5). ყველა ჩონჩხები საერთო წესით არის აგებული, თუმცა ძვლების ფორმებს განსხვავება ემჩნევა. მაიმუნების ხელი გრძელია, ზურგი მოკუტული, თავი უფრო პატარა, და მთელი ჩონჩხი ისე სწორი არ არის, როგორც ადამიანისა.

უფრო ცუდად მოწყობილი ფეხები საზიანო იყო სი-  
ცოცხლის ხანგრძლივობისათვის. ამგვარ ფეხების მქონე  
ცხოველები ყოველთვის ნაადრევად იხოცებოდნენ და უფრო  
მეტის რაოდენობით, ვიდრე ისინი, ვისაც უკეთესი ფე-  
ხები ჰქონდათ. ამ უკანასკნელთა შორის ისეთები უფრო  
ნაკლებად იხოცებოდნენ, ვისაც კიდევ უფრო კარგი ფე-  
ხები ჰქონდა. და ასე გრძელდებოდა საუკუნიდან — საუკუ-  
ნემდე, მეტად დიდი ხნის განმავლობაში. ფეხები სრულიად  
ადამიანის ფეხებს დაემსგავსა. შეიცვალა ნაბიჯიც: ორ

ფეხზე სიარული და სირბილი და სირბილი ბევრად უფრო უმჯობესი გამოდგა, ვიდრე ოთხფეხზე. ორ ფეხზე სიარულისა და სირბილისათვის კი საჭიროა სწორი ტანი. ამისათვის კი საჭიროა სხეულის აგებულების შეცვლა.

ის სწორი უნდა იყოს და არა მოკუტული.

ხერხემალი მიმაგრებულია ერთგვარ ძვლებზე, რომელთაც ფეხის ძვლებია შეერთებული. ამ ძვლების აგებულებაც უნდა შეცვლილიყო. აგრეთვე მკერდი და შიგნეულობაც. ერთი სიტყვით, თან და თან მთელი სხეული უნდა შეცვლილიყო. და მართლაც, სხეულის ყველა ნაწილი შეიცვალა. აგრეთვე მთელი სხეული დაემსგავსა ადამიანისას.

აი როგორ წარმოიშვა ახალ ქვეყანაში და ახალ პირობებში ცხოველთა ახალი ჯიში, რომელიც ძალიან წაავადა დღევანდელ ადამიანების ჯიშს.

ასე უნდა დამართოდა იმ ჯიშებს, რომლებსაც ახალ პირობებში მოუხდათ ცხოვრება. მაგრამ რა მოუვიდათ იმათ, ვინც ძველ ადგილებში მაგალითად, იავას და სხვა კუნძულების უდაბურ ტყეებში დარჩა? რასაკვირველია მათი სხეული იმდენად არ შეცვლილა. ვინც უდაბურ ტყეში სცხოვრობს, მას ხომ არ სჭირია სირბილი მიწაზე. მაშასადამე, მათი ფეხების აგებულება ძველებური დარჩა. ტყეში ცხოვრების და ხეზე აცოცვის გამო. ისინი შესაფერისად ეგუებოდნენ ამ ცხოვრებას. და შეეგუენ კიდევ. მათი შეგუებაც გრძელდებოდა მოდგმიდან— მოდგმამდე. ათასეულ წლების განმავლობაში მათი ჯიშიც შეიცვალა. მაგრამ ეს ცვლილება საწინააღმდეგო მიმართულებით მიმდინარეობდა—სრულიდაც ისე არა, რო-

გორც ველზე მცხოვრებლების. და ბოლოს ისე გამოვიდა, რომ ველზე მცხოვრებლები ცალკე ჯიშს წარმოადგენენ, ტყეში მცხოვრები ცხოველები კი-მეორე ჯიშს. ამგვარად ერთ და იმავე ჯიშისაგან წარმოიშვა ორი ახალი ჯიში, რომელიც ერთი-მეორეს აღარ წააგავს; სხვაგვარად არც შეიძლებოდა რომ მომხდარიყო. მაიმუნი—ტყის ცხოველია. მისი სხეულიც ცოცვასთან არის შეგუებული. ადამიანი—ველის მცხოვრებია. და მისი სხეული შეგუებულია სიარულსა და რბენასთან.

ამგვარად გაჩნდა დედამიწაზე ცხოველთა ახალი ჯიში—ადამიანთა მოდგმა.

### ადამიანთა სხვა და სხვა ჯიშები.

სად მოხდა ეს—მხოლოდ ერთ ქვეყანაში, თუ რამდენიმე ქვეყნებში ერთ და იმავე დროს—ეს ჯერ გამოურკვეველია. ასეა თუ ისე, ახალი ჯიში, რომელსაც ადამიანს ეძახიან, ყველაზე უფრო შეგუებული აღმოჩნდა ცხოვრების პირობებთან. ადამიანს სხეულის ისეთი აგებულება აღმოაჩნდა, რომ მას შეეძლო ცხოვრება როგორც ტყეში, ისე მთაზე და ცივ ქვეყნებში.



ნეანდერტალის თავის ქალა.



კალმიკის თავის ქალა.

ამას განსაკუთრებით ხელი შეუწყო შემდეგმა გარემოებამ: მთელ დედა-მიწაზე ადამიანი ყველა სხვა ცხოველზე უფრო ჭკვიანი იყო. არც ერთ სხვა ჯიშს არა ჰქონდა მასზე უკეთესად მოწყობილი ტვინი.

ამის გამო ადამიანთა ჯიშს უკეთ შეეძლო არსებობის შენარჩუნება. ადამიანები ნაკლებად იხოცებოდნენ, ამიტომ მათი რიცხვი იზრდებოდა და ვრცელდებოდა მთელ დედა-მიწის ზურგზე. ერთ ქვეყნიდან მეორეში გადადიოდნენ და მალე მთელ ხმელეთზე დასახლდნენ.

სხვადასხვა ქვეყნებში კი, ცხოვრების სხვადასხვა პირობებში, ცხადია, ყოველთვის ხდებოდა თანდათანობით სხეულის აგებულების შეცვლა. ამიტომ წარმოიშვა ადამიანთა სხვადასხვა ჯიშები: თეთრ-კანიანი, ყვითელ-კანიანი, შავ-კანიანი, წითელ-კანიანი და მრავალი სხვა ტომი და ხალხი.

### **ადამიანთა ცხოვრების და სავითოდ, თვით ადამიანთა ცვლილებები.**

და აი რა არის უფრო საყურადღებო: ადამიანთა ყველა ჯიშები, სულ ველური ჯიშებიც კი მაინც მხეცებზე ჭკვიანები გამოდგენ. და ამ ჭკუის საშუალებით უფრო უკეთ ეგუებოდნენ ცხოვრების პირობებს. შემდეგში მათ ისიც შესძლეს, რომ თვით ეს პირობები დაიმორჩილეს. ადამიანმა აღმოაჩინა ცეცხლი. ცეცხლმა სითბო შეიტანა თვით ცივ ქვეყნებშიც. მანვე სინათლე შეიტანა ბნელ ღამეში, და ღამე დღეთ გადაიქცა. ადამიანი თანდათან ტანს იფარავდა ცხოველთა ტყავით და მალე ტანსაცმელით შეიმოსა. მან დაამზადა წვეტიანი შუბი, ნაჯახი,

ჩაქუჩი და შრავალი სხვა იარაღი, რომელიც კბილებისა და ბრჭყალების მაგივრობას უწევდა მათ. ადამიანმა დაიწყო ხენა-თესვა, და ამგვარად საკვების მარაგი ყოველთვის ჰქონდა იქაც კი, სადაც არავითარი საკვები არ მოიპოვებოდა. ამის გამო საშიში აღარ იყო მისთვის სულ უვარგისი პირობებიც კი.

### უძველესი ადამიანები დელა-მიწაზე.


როგორი იყვნენ უძველესი ადამიანები? წააგავდნენ დღევანდელ ადამიანებს, თუ არა? შეიცვალა თუ არა მათი ჯიში ათი და ასი ათასი წლების განმავლობაში? შეიძლება თუ არა ამის გაგება?

ამასაც ადვილად გავიგებთ. როგორ? რასაკვირველია, იმავე საშუალებებით, როგორითაც სხვა ცნობებს ვღებულობდით უძველეს დროის შესახებ,—ე. ი. მათი ნაშთების საშუალებით.

და მართლაც, უძველეს ადამიანებისაგან ჩვენ დრომდე მოაღწიეს მათმა ძვლებმა და მაშინდელმა ჭურჭელმა. ამგვარ ნივთებს ხშირად პოულობდნენ თითქმის ყველა ქვეყნებში.

იყო მაგალითად, ასეთი შემთხვევა გერმანიაში 1857 წელს. იმ დროს ქალაქ დიუსელდორდის მახლობლად ასუფთავებდნენ ერთ, მეტად ძნელ და მივიწყებულ გამოქვაბულს. ეს გამოქვაბული მოთავსებულია ნეანდერტალში, რაც ქართულად ნიშნავს ნეანდერის ბარს. და აი, ამ გამოქვაბულის გასუფთავების დროს პუშები წააწყდნენ ადამიანის ძვლებს. შემთხვევით ისინი შენიშნა ერთმა გერმანელმა სწავლულმა, რომელმაც შეაგროვა და

დაკვირვებით გაზინჯა ეს ძვლები. როგორ და როდის მოხდა ეს ძვლები ამ გამოქვაბულში? რამდენი ხანი დაჰყვეს შიგ? მიწის რომელ ფენაში იყვნენ?—ეს მეტად ძველი



უძველეს ადამიანთა თავის ქალას ძვლები: 1) ნეანდერტალის გამოქვაბულიდან, 2) ენგლისის გამოქვაბულიდან.

ფენა იყო. მაშასადამე ძვლებიც ძველებური იქნებოდა. მეცნიერს დაეზადა საკითხი, უფრო გვიან ხომ არ მოხვდა ეს ძვლები ამ გამოქვაბულში? ხომ შესაძლებელია, რომ ვინმეს აქ საფლავი გაეთხარა? მაგრამ აქ, რომ საფლავი ყოფილიყო, მაშინ გათხრის კვალიც დარჩებო-

და. ასეთი კვალი კი არსად სჩანდა. მაშასადამე ადამიანის ძვლები გამოქვაბულში მაშინ მოხვდა; როდესაც ის მიწით აივსო, ე. ი. როდესაც ჩაისახა ის ფენა, სადაც ეს ძვლები ეწყო. როგორი ძვლები იყო ეს? ერთი შეხედვითვე დარწმუნდებოდით, რომ ისინი ადამიანს ეკუთნოდნენ. მაგრამ როგორი ადამიანები იყვნენ ისინი და როგორი აგებულების სხეული ჰქონდათ მათ?

ამის გამოსარკვევად შეიყარენ სწავლულები ყველა ქვეყნებიდან, დაკვირვებით შეისწავლეს ეს ძვლები და შეადარეს სხვადასხვა ხალხთა და ტომთა ძვლებს. და რა აღმოჩნდა?

აღმოჩნდა ის, რომ არც ერთი თანამედროვე ადამიანის ჯიშს არა აქვს ამ ძვლების მაგვარი თავის ქალა. დღეს ყველა ადამიანებს თავი უფრო დიდი და შუბლი უფრო მაღალი აქვს. ხოლო ნეანდერტალის გამოქვაბულში აღმოჩენილი თავის ქალა კი უცნაური იყო: ის არც განათლებულ და არც ველურ ადამიანის თავის ქალას არ წააგავდა: შუბლი უკან იყო გაწეული, თვლების ზევით კი ვეებერთელა ძვლის კოპები ჰქონდა, რომლის მსგავსიც აგრეთვე არც ერთ თანამედროვე ადამიანს არა აქვს. ცხადია, გამოქვაბულში აღმოჩენილი ძვლები მეტად ძველი იყო. ეს იყო განსაკუთრებული ჯიშის ადამიანის ძვლები, რომელიც ბევრად განსხვავდებოდა თანამედროვე ადამიანთა ჯიშისაგან. თავის მოყვანილობით ის უფრო მაიმუნთა ჯიშს წააგავდა. უნდა ვიფიქროთ, რომ ამგვარ თავის მქონე ადამიანებს მეტად სასტიკი, მხეცური გამომეტყველება ჰქონდათ. მაგრამ, მიუხედავად ამისა, ისინი მაინც ადამიანები იყვნენ და არა კაც-მაიმუნები,

რადგანაც თავის მოწყობილობით კაც-მაიმუნი უფრო მაიმუნს უახლოვდება და მათ უფრო წააგავს, ვიდრე ეს ძველი ადამიანები. მაშ ნეანდერტალის გამოქვაბულში აღმოჩენილი ძვლები ნამდვილ ადამიანის ძვლები იყო.

რა ტომს ეკუთვნოდა ეს ხალხი?—არ ვიცი. მხოლოდ ერთი რამის თქმა შეიძლება მათ შესახებ: რომ ისინი მხეცების დაგვარი მოდემისანი იყვნენ.

სწორედ ამგვარივე ადამიანების ძვლები აღმოაჩინეს სხვა ქვეყნებშიც—ისიც ძველ ფენებში. ასე მაგალითად, 1887 წელს ბელგიაში, აგრეთვე გამოქვაბულში მრავლად აღმოაჩინეს ცხოველის მაგვარ ადამიანების ძვლები. თოთხმეტი წლის შემდეგ კი 1901 წელს, იმავე ადამიანების ძვლები მონახეს ავსტრალიაში, ე. ი. ძალიან შორს ბელგიიდან. აი, მაშასადამე, როგორი ჯიშის ადამიანები სცხოვრობდნენ ოდესლაც დედამიწის სხვადასხვა ნაწილებში.

მაგრამ ამ ჯიშითაც არ გათავდა საქმე. დროთა ვითარებაში ამ ჯიშის ადამიანთა თავიც შეიცვალა. გავიდა ხანი და მათი თავიც თანდათან ადამიანისას დაემსგავსა. ამას დასჭირდა ათი და შეიძლება ასი ათასი წლებიც. და ბოლოს ადამიანებმა ისეთი სახე მიიღეს, როგორიც მათ დღესა აქვთ.

## დ ა ს კ ვ ნ ა

### რა გვასწავლა ამ წიგნაკმა?

მაშ აი რა გზით წარმოიშვა დედამიწაზე ადამიანთა მოდგმა. მათი წინაპრები ოდესლაც იყვნენ ნახევრად ადამიანები, ნახევრად მაიმუნები.



მხოლოდ ძალიან ნელა და თანდათანობითი შეცვლის შემდეგ დაემსგავსენ ისინი ადამიანს.

ესე იგი, ადამიანის მოდგმა დედამიწაზე ერთბაშად არ გაჩნდა ის ნელ-ნელა და თანდათან მუშავდება ცხოველთა სხვა ჯიშებისაგან.

იყო დრო, როდესაც დედა მიწაზე ადამიანის არც ერთი ჯიში არ არსებობდა.

მაშასადამე, შეუძლებელია იმის თქმა, თითქოს განსაზღვრულ დღესა და საათზე უცბად გაჩნდა ადამიანი. პირველი ადამიანი სრულიად არ არსებობდა. იყვნენ მხოლოდ აუარებელი სხვა და სხვა ცხოველები, რომელთაგანაც თან და თან წარმოიშვა ჯერ კაც-მაიმუნი, შემდეგ კი ნამდვილი ადამიანიც.

უძველეს ადამიანთა თავი უფრო პატარა იყო, ვიდრე დღევანდელ ადამიანისა, მაშ ტანთან შედარებით, ტვინიც უფრო პატარა ექნებოდათ.

მაშასადამე ადამიანთა მოდგმა წარმოიშვა ცხოველთა სხვა ჯიშისაგან, რომელსაც სულ სხვაგვარი სხეული ჰქონდა.

ეს ჯიშიც უცბად არ გაჩენილა—და ისიც მეორე ჯიშისაგან წარმოიშვა. ეს მეორე—მესამისაგან, მესამე—მეოთხისაგან, და ასე ბოლომდის, უძველეს დროებამდის. ყველა ჯიშები სხვა ჯიშებისაგან გაჩნდნენ.

ერთი ჯიში მეორისაგან წარმოიშვება, რადგანაც დროთა მსვლელობაში თან და თან იცვლება მათი სხეულის აგებულება. ეს სხეული კი იმიტომ იცვლება, რომ მისი ცუდი, შეუფუებელი წყობილება მავნებლად მოქმედებს ჯიშზე: ამგვარ ცუდ აგებულების მქონე ცხოველები ყოველთვის ნაადრევად იღუპებოდა, და იღუპებიან.

ცხადად და ნათლად არის დამტკიცებული, რომ დროთა მსვლელობაში სხეულის აგებულება მართლაც იცვლება. ამას ვხედავთ ძველი ჯიშების ნაშთებიდან, ჩანასახის განვითარებიდან და საერთოდ ცოცხალ ბუნების მსვლელობიდან.

ძველი ჯიშების ნაშთები აღმოჩენილია დედამიწის სხვა და სხვა ფენებში.

აქედან სჩანს, რომ ადამიანი ცხოველთა სხვა ჯიშებს, ენათესავენ.

აქედანვე სჩანს, რომ ადამიანის მოდგმა სულ ცოტა რამდენიმე ასი ათასი წელიწადი არსებობს.

ადამიანთა მოდგმა—**ცხოველური წარმოშობის არის** ესე იგი, **ადამიანთა წინაპრები ოდესღაც ცხოველები იყვნენ.**

და თუ ეს ასეა, რა გასაკვირველია, რომ ადამიანებში დღემდე ვამჩნევთ ბევრ ცხოველურ ნიშნებს?

მაგრამ ეს მსგავსება ცხოველებთან თან და თან ისპობა ადამიანში, და ამასთან ერთად ადამიანის ჯიში თან და თან შორდება ცხოველთა ჯიშს. ადამიანები ნამდვილ ადამიანებს ემსგავსებიან. თან და თან უფრო და უფრო მატულობს საუკეთესო ადამიანური თვისებების რიცხვი.

თვით ადამიანები რაც დრო გადის, მით უფრო ნაკლებად ემორჩილებიან გარეშე პირობებს—ისინი თვით იმორჩილებენ ამ პირობებს; უმორჩილებენ მათ თავის ჭკუას, ნებისყოფას, სურვილს და მისწრაფებებს.

# ს ა რ ჩ ე ვ ი

## I. თავი პირველი.

1. დიდი ხანია თუ არა, რაც არსებობს დედა-მიწა, რომელზედაც კაცობრიობა სცხოვრობს.

|  | გვერ. |
|--|-------|
| სად არის სიმართლე?                                 | 3     |
| რას გეასწავლის ნიაგარას წყალვარდნილი               | 4     |
| მდინარეების მიერ გათხრილი განსაცვიფრებელი ხეობები  | 8     |
| სად და როგორ იზრდება ქვები                         | 8     |
| ჩქარა იზრდებიან თუ არა ქვები?                      | 12    |
| მაღალ მთების უდიდესი სიძველე                       | 14    |
| უდიდესი ცვლილებები—მცირე ცვლილებებისაგან იქმნებიან | 18    |

## II. თავი მეორე.

2. როგორ გაჩნდნ და როგორ ჩნდებიან დედა-მიწაზე ცხოველთა სხვა და სხვა ჯიშები და დინიხანია თუ არა რაც ისინი არსებობენ?

|  |    |
|--|----|
| რის გავება შეიძლება ძველი ძველებისა და სხვა ნაშთების საშუალებით?                   | 20 |
| ჯიშების წარმოშობა და გადაშენება  | 23 |
| დროთა ვითარებაში ცხოველთა ყოველი ჯიშები იცვლებოდნ და იცვლებიან                     | 30 |
| როგორ იცვლება რქები და ფეხები?   | 34 |
| ახალი ჯიშები, სხვა ჯიშებისაგან წარმოიშვებიან                                       | 38 |
| როგორ წარმოიშვენ თევზებისაგან ხვლიკები და ხვლიკებისაგან—ფრინველები და მხეცები?     | 39 |
| ცხოველთა ყველა ჯიშები წააგავან ერთი-მეორეს და მეტად ნელა და თანდათან წარმოიშვებიან | 46 |

III. თავი მესამე.

3. რატომ წარმოიშვენ და წარმოიშვებიან ახალი ჯიშები და რად იცვლება დროთა მსვლელობაში მათი სხეულის აგებულება?

|  |    |
|--|----|
| რა საშუალებით შეიძლება ტანის აგებულების შეცვლა?  | 50 |
| გასაკვირველი გადარჩევა ახალ ჯიშების  | 55 |
| გასაკვირველი გადარჩევა სასიკვდილოთ   | 57 |
| შეჯიბრება სიცოცხლეში   | 60 |
| საქმელი ყველას არა ჰყოფნის   | 61 |
| როგორ და ვისა სპობს სიკვდილი?  | 63 |
| როგორ ეთვისებიან ცხოველები ცხოვრების პირობებს?   | 66 |
| რას ნიშნავს უკეთესად და უარესად შეთვისება?   | 68 |
| რათ იხოცებიან უფრო ადრე ცხოვრებასთან შეუთვისებელნი, ე. ი. რად ხდება მათი შერჩევა ცხოვრებასთან შეთვისებულ ცხოველებისაგან? | 69 |
| როგორ იქმნება თავისთავად ერთ ჯიშისაგან მეორე ჯიში?   | 71 |
| სხეულის აგებულება მხოლოდ სასარგებლო მიმართულებით იცვლება   | 76 |
| პირობებთან შეგუება თუ მასთან ბრძოლა?   | 78 |
| როგორ და რათ იცვლებიან ცხოვრების პირობები?   | 82 |
| რად მოხდა რომ ზოგი ჯიში სწრაფად იცვლებოდა, ზოგი კი უფრო გვიან?   | 84 |
| ყველა ჯიშები ერთი მეორეს ენათესავეებიან  | 87 |

IV. თავი მეოთხე.

4. როდის და როგორ გაჩნდა დედამიწაზე ადამიანი?

|   |    |
|---|----|
| რა არის ადამიანთა მოდგმა?                 | 88 |
| რომელი ცხოველები უფრო ახლო ენათესავეებიან |    |

### III

|  |     |
|--|-----|
| ადამიანთა მოღვმას?   | 93  |
| სისხლით ვის ენათესავენ ადამიანთა მოღვმა?   | 100 |
| გასაოცარი ნათესაობა ადამიანებსა, თევზებსა და ცხოველებს შორის                             | 102 |
| გასაოცარი მგზავსება ადამიანებისა, კუდიან ცხოველებთან, რომელთა ტანიც ბალნით არის დაფარული | 103 |
| როგორ ჩნდება ხელახლა სხეულის უძველესი აგებულება?   | 104 |
| როგორი საერთო წინაპრები ჰყავდათ ადამიანებს და მაიმუნებს?                                 | 109 |
| კაც-მაიმუნი  | 112 |
| როგორ გაჩნრა დედამიწაზე ადამიანი, რომელიც ყველა ცხოველებს შორის ყველაზე უფრო გონიერია?   | 115 |
| რომელ ქვეყანაში უნდა გაჩენილიყო თავდაპირველად ადამიანი?                                  | 118 |
| ადამიანთა სხვადასხვა ჯიშები  | 122 |
| უძველესი ადამიანები დედამიწაზე   | 124 |

### V. დანკვა.

|                            |     |
|----------------------------|-----|
| 5. რა გვასწავლა ამ წიგნმა? | 127 |
|----------------------------|-----|

შანი 60 კავ.

165  
12

**გამომცემლობა „ზორმა“-მ გამოცემა და იყიდება  
სამხატვრო ლიტერატურიდან:**

- 1) დ. კონქაძის—სურამის ციხე. გამოცემა მე-II.
- 2) დ. კლდიაშვილის—სამანიშვილის დედი-ნაცვალი.
- 3) მ. ჯავახიშვილის—ჯაყოს ხიზნები.
- 4) მ. ჯავახიშვილის—მართალი აბდულაჰ და ჩანჩურა.
- 5) " " —ხუთის ამბავი.
- 6) " " —ტყის კაცი.
- 7) დ. სულიაშვილის—ცხოვრების ტალღებში.
- 8) ვაჟა-ფშაველასი—შგლის ნუკრის ნამებობი და სხვა მოთხრობები.
- 9) ვაინიჩის—კრაზანა.
- 10) სინკლერის—სამუელ მაძიებელი.
- 11) ნევეროვი—ტაშკენტი პურის ქალაქი.
- 12) სინკლერის—მეფე ნახშირი.

**პოპულარული მეცნიერებიდან:**

- 13) ნ. რუბაკინის—როგორ და რადის გაჩნდა დედა-მიწაზე ადამიანი.
- 14) პანოვის—სიცოცხლის წარმოშობა დედა-მიწაზე.

**ამ მოკლე ხანში გამოვა:**

- 15) რ. ერისთავის—ლექსები.
- 16) ი. დავითაშვილის—ლექსები.
- 17) საბა-სულხან-ფრბელიანის—არაკები.
- 18) ა. შერეტილის—ბაში აჩუკი, და სხვა.